





BERNARDI ZAMAGNAE S.J.
NAVIS AERIA

E T
 ELEGIARUM
 MONOBIBLOS.

*Donus Probationis
 Soc Jesu*



*L. X. Andreae
 de Urbe*

SIBLIOTECAM
 ROMANAM
 VITTIORIO EMANUELE



EXCUDERAT ROMAE PAULLUS GIUNCHIUS
 ANNO R. S. CIOIOCCCLXVIII.

PRAESIDUM FACULTATE.

Ex *Biblioth. Rhetorum.*

D. PROB. ROM. S. J.

مستوفى
مستوفى

مستوفى
مستوفى

مستوفى مستوفى

MARCHIONI
IOANNI PATRITIO
VIRO NOBILITATE HONORIBUS
BONARUM ARTIUM PATROCINIO
PRAESTANTI
RAYMUNDUS CUNICHIUS S.J.
SODALIS SUI CARMINA
D. D. D.



ELEGIA.

P Arve liber, culto quem nuper Musa Zamagnae
Dictavit Pindi vertice in aërio;
Ille mihi multo scriptum comptumque lepore
Misit dulce suae pignus amicitiae:
Non ego te patiar privata in sede morari
Inque meo ignotum delituisse lare,
Dum positum pulvisque tegat, blattaeque latentes,
Vel tineae morfu, trux genus, omnivoro
Pertundant foede. clades haec dira libellis
Ingruat, invitis promere quos Charisin,
Calliope invita pergunt, incommoda saeculi,

Suffeni, proles impia, vel Bavii;
 Vates stultiloquis complentes omnia nugis;
 Nil canere adsueta ni Venerem & Puerum
 Et pulchros dominae flammam jaculantis ocellos;
 Et genus hoc tricas scilicet atque apinas,
 Hos nocte in caeca mergi decet, hos dare blattis
 Inclusos pluteo prandia lucifugis.
 Tu, mihi si qua fides, prodi jam lucis in oras;
 Aude age te populo credere, perque manus
 Ire hominum atque acri censorum lumine cerni,
 Nil aequo est hercle ab iudice quod metuas;
 Sive legat caeli nantem in sublime carinam,
 Solerti vates quam struit iagenio,
 Propellitque novus Tiphys, monstrante Minerva,
 Credo equidem, & campis victor in aëriis
 Quo lubet unde lubet flectit sub caerulea vectam
 Nubila, spectaclum gentibus; attonitae
 Magnam quae molem capiti superimpendentem
 Defixis monstro suspiciunt oculis:
 Sive poli Dominae laudes cognoscere malit:
 Quam vates pulchro captus amore canit;
 Quam sequitur quacunque tulit se dia puella;
 Et sese formas concitus in varias
 Induit, exultatque doletque; ingentia mire
 Ingenti miscens gaudia moestitiae,
 Ardescentque urensque sinus & corda legentum,
Qualis

Qualis Felsinei musa (a) senis, merito
 Cui Thusci assurgunt vates, vatesque Latini,
 Atque mera e labris effluit ambrosia,
 Dulcior & cycno & Pandionia philomela,
 Cantabat sanctis ista cupidinibus;
 Cantanti patrio Rhenus plaudebat ab alveo,
 Plaudebat totis urbibus Italia.
 Felices ambo! fertum Jesseis utrique
 Stellifero in caeli vertice diva parat.
 Ergo age, parve liber prodi: nil uspiam ab aequo,
 Nil inquam est aequo ab iudice quod metuas;
 Non es quem possit contemnere candida turba.
 Nam tristi livet si quis ab lavidia,
 Stulticia est quenquam quavis huic velle probari.
 Cui, quanto res est pulchrior & melior,
 Tanto ingrata magis mentemque & lumina laedit;
 Cui quisquis tandem se placuisse velit,

* 3

Et

(a) Franciscus Zanottius vir singulari doctrina atque orationis elegantia scripsit elegias in praecipua festa B. M. Virginis; quae Bononiae typis editae sunt anno 1751. Harum lectione atque admiratione Zamagna excitatus in eodem argumento quid ipse posset expertus est. Utinam multi existant, qui utriusque exemplum sequi velint, ac eodem in sanctissimam Dei matrem amore inflammati, conferant ad ejus laudes illustrandas poeticam facultatem quam nunc quidem in res levissimas bonaeque frugis inanissimas flagitiose profundunt.

Et foedi saevos monstri placare furores,
 Mollis, iners, animi parcus & ingenii,
 Gaudeat in vili obscurus reptare popello,
 Nec laudis quidquam cogitet eximiae.
 Tu me audi, obsceniq; gregis sannaſque, cachinnosque,
 Et dicta, & morsus temnere ne dubita.
 Contentus paucis, qui te vultuque benigno,
 Certatim & cupidis excipient manibus.
 Cerne, favent plauduntque tibi Bonamicius, atque
 Staiades, coetus lumina Pierii;
 Atque alii, quorum quemvis ego scilicet unum
 Sexcentis longe millibus antefero.
 PATRITIUS nulli quos inter ceſſerit ille,
 Ille amor, ille urbis gloria Romulae.
 O PATRITI ſalve, o Romae decus; o bone magnum
 Hoc PATRITI duro in tempore praefidium.
 Vatiſ, omni omnes tibi quos adungere pergis
 Officio, & dulci magnus amicitia
 Dignaris parvos; in coetu & carmen eodem
 Saepe tuum laeta voce canis. virides
 Arcadiae teſtor lauros, collemque beatum,
 Et nemus & nemoris numina Parrhaſii.
 Salve iterum, atque mei quae mitto pulchra ſodalis
 Dona (tibi faveat ſic tua Muſa) cape:
 Cunctantemque domus tuta intra ſepta libellum
 Coge tuo inſcriptum nomine perque manus
Ocyus

Ocyus egressum perque ora incedere vulgus;

Nemo tuo clarum nomine laedet opus.

Fide patrocínio tali, jam fide libelle,

Qualiscunque nihil jam tibi permetue.

PATRITII dicere liber. fac caetera desint

Omnia, res una haec fospitem & incolumem
Praestiterit. livor frustra latrabit, amaris

Frustra te dictis lingua inimica petet.

Ut Phoebi postquam dignata est laurus amore,

Et dici germen coëpit Apollineum,

Nil tristes metuit nimbos caelique fragorem

Horrificum: illa viret sacra comam, patulos

Diffundens late ramos; flammantia circum

Tela Jovis magno densa cadunt tonitru.



IMPRIMATUR.

Si videbitur Rmo P. Magistro Sacri Palatii Aposto-
lici.

*D. Jordani Patriar. Antioch.
Vicesgerens.*



PHILIPPUS DE ILCIO S. J.
IN PROVINCIA ROMANA
PRAEPOSITUS PROVINCIALIS.

CUM Librum, cui Titulus: *Navis Aeria libri duo, & Monobiblos Elegiarum*: a Bernardo Zamagna Societatis Nostrae Scholastico conscriptum, aliquot ejusdem Societatis Theologi recognoverint, & in lucem edi posse probaverint, potestate Nobis a R. P. Laurentio Ricci Praeposito Generali ad id tradita facultatem concedimus; ut typis mandetur, si ita iis, ad quos pertinet videbitur. In quorum fidem has litteras manu Nostra subscriptas, & Sigillo Nostro munitas dedimus.

Romae 4. Martii 1768.

Loco ✱ Sigilli.

Philippus de Ilcio;

A P-

A P P R O B A T I O :

JUdiciū meum jampridem a me declaratum de
 Elegantiā ac nitore carminum Bernardi Zamagnæ
 gavifus sum iterum confirmandi mihi opportunita-
 tem dari, cum jussu Rm̃i P. S. P. A. Magistr̃i ejus-
 dem *Navim Aeriam*, & *Elegiarum Monobiblon* perlege-
 rem: uberrimam enim semper in illo poeseos copiant
 ac in rebus satis obscuris, ac a musarum consuetu-
 dine remotis singularem dicendi facilitatem parī cum
 venustate conjunctam perspexi. Itaque, cum nihil Re-
 ligioni bonisque moribus obsit, librum hunc studioso-
 rum & voluptati & utilitati esse posse, si publici juris
 fiat, censeo.

Datum Romæ Prid. Cal. Mart. 1768.

*Benedictus Stay SS. D. N. ab intimo
 Cubiculo & ab Epistolis latinis.*

A P P R O B A T I O .

Permagni refert ad Latini sermonis elegantiam vel retinendam, vel propagandam, ipsum diligenter excoli, & cuiusvis argumento accommodari. Hanc egregiam laudem assecutus est V. Cl. Bernardus Zamagna Societatis Jesu in iis Carminibus, in quibus nemo verborum nitorem, sententiarum acumen, numerique variam, & aptam compositionem, &, quae maxime Religiosum hominem decet, Christianam pietatem desideret. Utinam ea legant qui inepta quaeque (modo externo sermone conscripta) avidissime inquirunt, suspiciunt, exosculantur, latina omnia contemnunt. Ego vero perlibenter legi, ut mandatis Rm̃i Patris Thomae Ricchini S. P. A. M. obtemperarem, cui vere sancteque confirmo, nihil iis inesse, quod Catholicae Religioni, bonisque moribus adversetur, & propterea posse quidem illa in publicam, lucem, atque in manus hominum emitti. Datum Romae die 17. Januarii 1768.

Philippus Bonamicus S. Theol. Doctor.



I M P R I M A T U R .

*Fr. Thomas Augustin. Ricchinus Sacri Palat. Apostol.
Magist. Ord. Praedic.*

BER-

BERNARDUS ZAMAGNA S. J.

A D

RAYMUNDUM CUNICHIIUM,



ELEGIA.

Vocalem aonio celebratam carmine nympnam
 Quae prius (a) arbitrio supposuere tuo,
 En aliud, Raymunde, ferunt opus ex Helicone
 Adcitae nostro nomine Pierides
 Indictumque novumque. nova ac indicta placere
 Quippe puto vacuas missa per auriculas,
 Praesertim si naturae e penetralibus ipsis
 Eruta Apollineae luce nitere queant,
 Musaei ac veluti mellis contacta liquore
 Lectorum captos blanda tenere animos,
 Patritium in primis, qui me complexus amore.
 Meque

(a) Eidem namque & aliam scripsit auctor elegiam,
 quae in illo extat libello, cui *Echo* nomen. Una au-
 tem *Selecta e graecis carmina* elegantissime ab eodem
 Raymundo latine versa habentur.

Meque measque bonus respicit Aonidas;
 Altius est terris (b) mi nunc iter; altius egit
 Bellerophonteis artibus edomitus
 Ales equus Pindi audentem trans & juga celsa,
 Traus & Parnassi laurigeri nemora
 Ventorum in sedes: terras unde arduus omnes
 Subjectas pronò lumine despiciam
 Ipse regens celeri volitantem flamine currum,
 Per liquidum ipse notans aera primus iter.
 Nec Myniis adeo metuam contendere; nec me
 Cretaeus multo vincet honore faber;
 Quamquam illi intactae primi rabiem amphitrites
 Pacarint nemoris Peliaci trabibus;
 Ille autem aligeras volucres imitatus ad arcem
 Incolumis tandem venerit Euboicam,
 Incolumis, non & felix. tuus, Icare, casus
 Heu misero patri gaudia subripuit.

Cujus

(b) Recte inquit sibi nunc esse iter terris altius,
 quum prius de Echus natura egerit, nunc vero de
 aëria navi acturus sit, quam P. Franciscus Lana non
 poetice minus quam ingeniose adornavit. Ejusdem
 etiam possibilitatem, ut ipse dicit, planiore ac sim-
 pliciore modo demonstravit Tentam. X. primae par-
 tis Colleg. Curiosi editi Norimbergae anno 1676.
 Johannes Christophorus Sturmius Phil. M. Mathem. ac
 Phys. in Inclyta Altdorfina P. P. & h. t. Univers.
 Rector.

Cujus ut innantes plumas despexit in undis,
 Aeternum optavit pendere supplicium,
 Hospite quod crebro flentem pro flavo Ariadnam
 Adjuvit contra Pasiphaes sobolem.
 O puer, o patri luctus, quid mi tua saepe
 Fata refers? animus non mihi tabificum
 Ardentis jubar ad phoebe contendere vela:
 Aktior incedat flammeus ille polo.
 Nil mihi cum volucrum pennis; nova Palladis Argo
 Surgit in acriis arte regenda plagis;
 Tiphys & aliter ego florentis robora pubis
 Ducam lascivis carbasâ dans Zephyris.
 Ecce mihi Uranie puppi comes adsidet, ecce
 Ad mea hyanteas vota vocat socias.
 Cui faveant musae, violenti Strymonis undas
 Froenat, & umbrosam voce movet Rhodopen,
 Thebanasque novis circumdat moenibus arce
 Et fertur magno sospes in Ionio.
 Si velit; & suavi potis ille extinguere cantu
 Ipsius irati flammea tela Jovis,
 Et potis auratos (c) nexus diffringere, mundi
 Tollere queis iuret moenia cum superis.
 Nam simul ac sacro vox edita vatis ab ore
 Illius se in cor detulit insinuans,

Sub-

(c) Homerus *Iliad*, lib. VIII.

Subsiduntque irae, totaque in fronte renidet
 Dulcis pax almae filia laetitiae:
 Ipsius & sceptro super illa avium regina
 Hinc atque hinc laxans parte ab utraque leve
 Remigium alarum, postquam est adfusa soporis
 Nubes lenito nigra supercilio,
 Suave oculis claustrum, somnos placide levis efflar,
 Atque efflans dorsum subrigit uvidulum.
 Gaudet quin etiam cantu Mars caede cruentus
 Hastarum oblitus tunc & equum & clypeum:
 Altaque dii quotquot caelestia templa frequentant,
 Et ducunt haustus ambrosios cyathis.
 Jupiter at quoscumque odit male per vaga ponti
 Aut freta, terrarum vasta per aut spatia,
 Pieriae inlecebras oderunt vocis; & acer
 Coeus, & Iapetus sub styge, & Enceladus;
 Quoque olim eductus Cilicum sub rupe (d) Typhoeus,
 Nunc Cumis, nunc & litoribus siculis
 Subpositus graviter premitur. sua pectora setis

Nunc

(d) Virgilius quidem *lib. III. Aen.* & P. Cornelius Severus sub Aetna conlocant Enceladum: at Pindarus *Pyth. od. 1.* non Enceladum sed Typhonem qui & Typhoeus dicitur, Aetna in Sicilia premi adfirmat: ait enim

τυφως ... κιον δ' υπανια συνεχει νιφοεσσ' Αιτυα,
 παντες χιονος οξηας τιθνηα &c.


Hispida caelesti mole gravat cohibens
 Aetna pruinosaë semper nivis horrida nutrix,
 Quae dum sol rutilat clarus in axe, sinu
 E rabido picea fundit caligine nubem:
 Mox idem quum se Tethyi restituit,
 Purpureum eieciens ignem, flammantia volvit
 Terrifico rapidum saxa sono in pelagus.
 Ardet inextincto volcania gurgite sedes,
 Aestuat horrendis ignea vorticibus,
 Spectaculum infelix, mirum: seu viderit ullus,
 Seu narrantem etiam fors alium audierit,
 Subter (e) ea ut jaceat vinctus, duroque cubili
 Ille miser curvatum adterat usque latus.
 O mihi sit placuisse Jovique & caelitibus dis,
 Quos & flos cantus, flos juvat, & citharae:
 Ingemat aetnea frustra sub rupe Typhoeus.
 Non mi etenim Scythico corda rigent Chalybe,
 Saeva nec admovit mi nutrix ubera tygris,
 Non Syrtis, non me Scylla vorax genuit.
 Cantum amo, musarumpue choros: meme bona vidit
 Nascentem haud laevo lumine Calliope.
 Nam velut aërio subluçens tramite nubes,

Aut

(e) *Subter ea*.... nimirum sub aetna, sub qua reli-
 gatum jacet Typhoei pectus, & ut Pindarus ait *σιρίη*
λαχίοντα.

Aut vento ; aut radiis percita apollineis ,
 Jam gravior justo paullatim liquitur uda ,
 Et vapor irriguam solvitur in pluviam ;
 Quam subter , casu postquam celeri delapsa est ,
 Excipit aridulo terra inhians gremio ,
 Suave croco aut molli violæ calthifve levamen ,
 Quum ferus arentes Syrius urit agros .
 Sic ipse audito almo Heliconiadum concentu
 Protinus in suavem laeticiam solüor :
 Quæ penitus dum per sensus dulcissima serpens
 Imis fibrarum se insinuat latebris ,
 Non est me risu aut gaudens nata illa Dione
 Laetior , aut si quid laetius est Venere . (luptas
 Quod bene quum noscas , quumq; hæc mihi parta vo-
 Non sine te (quid enim te sine profuerit
 Inrita naturæ vis non exulta per artem ?)
 Die age , te pudeat num , Raymunde , mei ?
 An potius videar te dignus ? ubi adnuis ipse ,
 Adnuet & pindo Phoebus ab aonio ;
 Ac duce sub tanto tendentem vela per auras
 Non Hyades , non me terreat Oarion ,







ALTER ERIT TUM TIPHYS , ET ALTERA
QUAE VEHAT ARGO
DELECTOS HEROAS ,

Virg. Ecl. iv. ver. xxxiv.



NAVIS AERIA.

3

LIBER PRIMUS.



UA valeat remis & vento concita pup-
pis
Nare per aërios tractus ; quamam aethere
in alto

Arte regi , latias cantu vulgare per urbes
Primus (a) ego incipiam . Longe juvat aeris ire
Per medios liquidi campos ; juvat invia ferri
In loca subvectum rupes atque ardua supra.
Culmina parnassi , nostris modo candida coeptis
Uranie adspires . primam si condidit Argo
Per non tentatos ausam decurrere fluctus .
Colchidos ad fines Pallas ; tu nunc , dea , condē
Argo aliam , latas caeli volitare per oras
Quae sciat ; atque novas artes , nova foedera rerum ,

A 2

Aerial-



(a) *Primus ego incipiam* jure quidem ; quum
integrum hujusmodi argumentum nemo , quod sciam ,
versibus illustraverit ; quamvis & Robertius disertus ille
leporum pater ac facetiarum , & alii fortasse partem
aliquam attigerint ; recentissime vero Mazzolarius in
poemate elegantissimo , quod sub Parthenii nomine
edidit , prope finem *lib. V. Electr.* hujusce rei mentio-
nem fecerit .

4 NAVIS AERIA.

Aëriaſque doce vires . tua gloria tanto
Major erit ; puppes quantum ſuper iverit omnes
Haec alias , quantum maria ima excedit olympus ,
Tuque adeo noſtrae merito pars altera famae
Huc ades aonias muſarum exculte per artes ,
Ac tenuem quamvis curam ne ſperne (b) , Marine .
Debita jam Marco perſolvi carmina : noſtrum
Hoc tibi furgat opus , quando florentibus oris
Pieridum jam templa patent , nec mitis Apollo
Audentem fruſtra pindo me ſpectat ab alto .

Seu quis (c) daedaleos miratus in aëre curſus
Gnoſſiaco è regno , ſeu quis per inania miſſas
Arte Tarentini Archytae , nova monſtra (d) , volucres ,
Me

(b) Alter hic auctoris frater, Marinus nempe, quem haec in carmine adloquitur, alium jam in eo adloquutus, cujus Echo argumentum, prodiitque typis eiſdem editum Romae anno 1764., propediem etiam in Hollandia recuſum prodibit.

(c) daedaleos Heſiodus quidem tertiam, huius vocis ſyllabam produxit, & Horat. Flaccus in Odis non ſemel. At Homerus corripuit Iliad. lib. δ. Ζωσπρ δαιδαλεος &c. & lib. θ. δαιδαλεον θαρηκα, τον Ηφαιſτος χαμς τευχων &c. quem ſequuti ſunt praeter alios, & Propertius lib. II. Eleg. XI. edit. Elzev. Daedaleum lino quum dure rexit iter &c., & Columella de cultu hort. inquiens : neu tibi daedaleae quaerantur munera dextrae &c.

(d) De hac re videndus Plinius in nat. hiſt. Aulus Gel-

Me quoque principiis insistere credit iisdem,
 A vero longe fert se avius. illa petenda
 E rapido aurarum pulsu est ars omnis, & una
 Corporis e textu formaque ipsius: in altum
 Ceu pueri quum saepe iubent, si vespere sero
 Occiduis auras Zephyrus levis excitet alis,
 Tollier ardenti simulatos igne cometas,
 Pithonum aut formam, aut cadmeae corpora sphynxis,
 Vidi ego & aoniis (e) penetralia sacra camoenis,
 Thelegoni qua se tollunt juga roscida, & altae
 Pinifero placide adsurgunt in vertice villae:
 Illic pegasidum resonat chorus adsidet antro
 Omnis, & ingenti motu dum pulsus aquarum
 Profiliens aer caecis e sedibus exit,
 Concentus inter varios & carmina laeta
 Buccina & arguto reboat tritonia cantu,

A 3

Et

Gellius in *noſt. att.* Regiomontanus, Petrus Jac. Martellius in *Dialogo de Volatu*, ac praesertim Franciscus Lana S. J. celebris in Italia ac philosophus suo tempore ac mathematicus, qui praeter aeriam navigationem, etiam artem huiusmodi diserte docet in *suo prodromo ad lib. mag. nat. & art.*

(e) Haec quidem de Pamphiliorum tusculano intelligenda; in quo nihil eorum desideres, quae vel ad amoenitatem spectant vel ad magnificentiam. Lusus vero illius pilae ab aere suspensae in eodem habetur, uti vocant, musarum cubiculo.

Et gracili curam solatur arundine Cyclops
 Te memorans, Galatæa, tuo succensus amore ;
 Tum pila, vis animae qua sese erumpit, in altum
 Tollitur, ac mota trepidans colludit in aura
 Illa diu, prono nec decedit incita casu,
 Spiritus excito pariter ni flamine cesset.
 At mihi non Zephyri venientis sibilus urgens
 Ille ratem; optandus: fileat nemus omne, neque ullae
 Aeoliis spirent emissae rupibus aerae;
 Posse dabis tamen hanc nubes evadere in altas
 Spontè sua, postquam certas prius ordine leges
 Aeris, ac varios mecum heic expenderis usus.

Principio terrae vastos circumfluit aer
 Ambit, & insequitur tractus, & mollis eandem
 Induit in faciem sese: nisi fervida quantum
 Asperat ardentis phoebe vicinia ventos
 Illa ciens; quantum Sol ipse, aut proxima sursum
 Luna trahit, tumidoque jubet confurgere dorso.
 Nec vero usque sibi constans (f) infraque supraque
 Aer

(f) Quum sit. (per Nevv. in opt. pag. 342.) noster aer a totius atmosphaerae pondere compressus, densitasque ipsius aeris proportionalis vi. comprimenti; infertur, eundem aerem 7. millia passus altum a terra rariorem esse quatuor vicibus, quam in superficie; altum 14. millia passus, rariorem esse 16. vicibus; & ita porro, in pro-

Aer mole pari se densat. rarior usque
 Liquitur, ex humili tellure adsurgit in altum
 Quo magis atque magis, dum se dissolvat inane
 In spatium, quidquam nec tanta e mole superfic.
 Ante tamen, penitus languens quam corpore toto
 Deficiat, per iter se immensum tendit in astra;
 Ac triviae fors ille levi confunditur (g) unda,
 Quae pelagi in morem rutilam pellucida cingit,
 Aut Martis Venerisque etiam, fluitante vel aura
 Ipsius undantis phoebe, verum adpulit illaec
 In loca ubi sese, vix ullum rarus ad usum
 Sufficit, ac tantum vapor indepressus oberrat.
 Non radios diae jam quit reflectere lucis,
 Non roseo pulchrae titanidos ora colore
 Pingere, quum rutili celerat praenuncia phoebe
 Mane novo; nec item per sera crepuscula lucem
 Vel retinere, moras properae vel tendere nocti.

A 4

Non

portione nempe geometrica, ut ait Beniam. Martin in
adnot. ad G. S., collata cum proportione arithmetica
altitudinis ejusdem &c.

(g) Doctissimus siquidem Boscovichius in ea est opi-
 nione, quam certissimis innixam observationibus atque
 argumentis vulgavit in dissert. de Lunari atmosfera:
 nimirum haberi circa lunam fluidum quoddam homoge-
 neum simile nostrae aquae, quod nempe certum habeat
 limitem superficiei supremae, in qua plurimum adhuc dis-
 ferat a circumjacente aethere, multo densius eodem sit &c.

Non aestus minuit rabidos, non tela retundit
 Per medium contorta diem phoebea; nec illum
 Ebibit, epotumque hominum per membra calorem
 Insinuat, quo vita viget, quo frigora ab aestu
 Ad sua paullatim transit nox uda, suumque
 Frigora post noctis lux candida transit ad aestum.
 Ille quidem haec terris majoraque commoda praestaret,
 Ante (h) ducenta pedum ferme quam millia supra
 Evolet, ac vasto late se fundat olympo:

Jam porro in multis, nondum quum tanta tulere
 Se in spatia hinc aurae volucres, data scilicet illis
 Natura est eadem; ac pelagi fluitantibus undis,
 Multaque habent parili consortia munera fato.
 Unda fluit, refluitque; viam se lubrica in omnem
 Insinuat, gressumque infert, nec cedere rursum
 Abnegat, aut vacuum divisa relinquere callem,
 Obvia si veniant pellentia corpora. & aer
 Sic fluit ac refluit, magno & se corpore miscet
 Insinuans, quacumque patet via libera, & omnem

Pro

(h) Quamvis certi nihil de altitudine, ad quam
 aer se protendit, pronunciari possit; Keillius tamen,
 observatione crepusculorum usus, aerem adhuc sensi-
 bilem ad 44. mill. pass. in alt. extollit. Videndus & Bo-
 scovichius in hanc rem; praesertim in dissert. de *Aur.*
Boreali; in adnot. ad *car. Caroli Nectii*, in *suppl. ad Phil.*
Stray. & in dissert. cui titulus: *Nova Methodus adhibendi*
phases in Eclips. Lunaribus. Subtilius enim ceteris, ut
 solet, diligentiusque inquisivit:

LIBER PRIMUS.

9

Pro varia regione loci formam accipit. idem
 Stare loco nescit, si quando impellitur ictu
 Corporis immissi liquidus; sed cedit, & illi
 Adglomerat sese rediens latera omnia circum.
 Unda quoque ardorem mortalibus, unda feraci
 Temperat atque hortos atque arida prata liquore
 Humeſtans. radios sic ipse intercipit aer
 Solis, & aestivam rabiem levat; ipse per omnes
 Herbarum & fruticum venas ingressus hiantes
 Efficit, ut laeto pubescant germina foetu.
 Num queat ille etiam sedes attollere in altas,
 Corporaque instabili suspendere grandia dorso,
 In praeceps ne lapsa ruant; suspensa carinae
 Robora ceu summa placidi nant gurgitis unda?
 Hoc tibi cum primis quaerendum; inveneris unum
 Hoc ubi; jam tenues dabitur volitare per oras
 Aeris, ac terrae notos excedere fines
 Classibus insuetum per iter; jam lintea ventis
 Pandere, & ad superas alte conscendere sedes.
 Nonne etenim lapsasque ornos alnosque cavatas
 Sive pado innantes, flavi seu tybridis alveo,
 Vidissent quum forte secundo labier amni,
 Inventi tunc primum homines, qui corpora truncis
 Credere, & auderent viridantes linquere ripas
 Profecti fluvio? mox & contendere contra
 Coepere, adverso aut luctantes flumine tonsis,

E 110-

E molli aut alte tollentes carbasa veste,
Paullatim ac magnis veluti proludere factis.
Donec ut evulſas miratae cycladas undae,
Nequidquam rapidis contra indignantibus Euris,
Ire rates longe aethiopum de finibus uſque
In ſcythiam, extremi poſitus qua terminus orbis
Torpet hyperborea glacie, ſub ſole maligno.

Non levis interea aurâ natura putanda,
Nam gravis eſt; certosque ſuo pro pondere niſus
Exerit; & fluido ſuſtentans plurima tergo
Corripit, alterius quae ſunt opis indiga, ut alte
Vel ſaliant, caelo ſeſe vel pendula librent.
Indicio ardentes boreae de parte nivalis
Memnoniam falſo referentes ore parentem
Aurorae; lapſusque vapor titanis ab aura
Saepe colorati pingens confinia mundi.
Indicio nebulaeque udae fumique volucres
Aetherio longe ſuſpenſi in tramite caeli:
Ille etiam indicio argenti, quod clauditur arctis
In tubulis, liquidi adſcenſus; roresque ſequaces,
Antlia quos alte puteo ſuſtollit ab imo
Irriguas hortis ſcatebras arentibus; undam
Sicubi dura ſoli vivam natura negavit
Murmure labentem rauco per laevia ſaxa.
Quippe diu nimium vixit ſententia, rebus
Illa ſuam facilis levitatem adſingere multis,

Aut

Aut (i) vacui horrorem consueta obtrudere: in atris
 Quum tenebris moerens, letheaque flumina propter
 Nondum tollebat caput Experientia in auras.
 Munere quae divum postquam caeca antra reliquit
 In superas advecta plagas, circum omnia victrix
 Corpora, quae terras late quaeque aequora cingunt,
 Edocuit petere imia. lapis vel missile quodvis
 Aut lycio cornu aut balearis verberare fundae
 Expulsum, in superas propere licet evolet oras,
 Paullatim flectitque viam, terraeque trahenti
 Paret, & ex alto victum delabitur axe.
 Corpoream siquidem partes infusa per omnes
 Vis agitat molem, vasto & se robore prodit
 Illa quidem major majori in corpore: pondus (l)
 Unde in rebus inest, oriturque unde impetus ille,
 Corpora quo deorsum, quantum in se est, cuncta feruntur,
 Subsiliunt neque sponte sua. non roscidus humor,
 Non vapor excitus thuris, nec flammeus ardor
 Ignis, & aetherii liquidissima caerulea tractus,
 Phoebeique illo radii sine munere constant.

Sae-

(i) Frequentissimus est apud antiquiores peripateticos Philosophos *Vacui horror*, quo omnia, quae ab aeris pressione nunc repetuntur, non obscure minus, quam absurde explicabant.

(l) In philosophia recentiori *pondus in corporibus est ex attractione*, imo *ipsa attractio ad hunc effectum determinata*.

Saepius at vero cernis quod flumina propter ;
 Flumina, seu stagna exiles adtollere sese
 Vallibus ex imis fumos nubesque vaporum
 Mahe novo ; tuni summa ignis quod sidera flammis
 Altus adit, patrioque velut succedere olympo
 Gaudet, & adsurgit tenuato vertice in auras,
 Ne tibi dent, caveas, cernenti talia fraudem.
 Haud propriae nituntur opis vi : scilicet aer
 Absiliens pressus, circumque adfusus ab imo
 Cuncta, minus grave pondus habent quaecumq; premendo
 Subvectat, certaue sui regione reponit.
 Nonne vides, si forte manu stagnantis ad ima
 Gurgitis inmittas arentem ex arbore virgam ?
 Unda premens circum subterfluit, ac levat imo
 Dejectam e fundo, sursumque adtollit : at illa
 Uda redit, summoque natans adparet in amne.
 Non fieri id certe sine vi subigente putandum est
 Ingenitam propter levitatem in corpore quoquam ;
 Pondere majori sed quod sustollitur alte
 Cui minus est pondus : suspensa in lance pusillum
 Corpus ut a magno sublaturum fertur in auras.
 Sic & dulcis aquae gravibus super innatat undis,
 Propterea quod habet minus in se ponderis, humor
 Palladius. nempe hoc sancitum est foedere certo,
 Legibus & certis naturae, ut fluvida quaeque
 Subsidant magis ima, magis quo pondere pollent

Aucta

Aucta gravi, supraque minus gravia omnia dorso .
Corpora sustentent: rarissima quaeque natabunt
Summa, neque alterius sedem depressa subibunt .
Proinde etiam si quando levem sive aetheris auram
Sive globos navimque meo tibi carmine dicam,
Nec tu rere leves auras, nec pinea navis
Texta, globosque leves: infunt sua pondera cuique .
Sed quoniam magis ista gravis, minus illa reperta
Res fuerit primae conlata; haec altera, saepe
Aut levis aut levior dicetur, ut exiget usus,
Aprior & numerus, musaei & gratia cultus .

Quae bene si teneas, etiam fateare necesse est,
Aëra tollentem nebulas ignesque volucres
Nubilaque uda, gravi nitroque & sulphure foeta,
Possē ratem, minus illa gravis modo constet, & ipsam
Ferre alte Zephyris implentem vela secundis,
Libratamque supra saltus, atque ardua tecta .
Cur etenim vires non heic exerceat aer,
Cur gravior non ille gravem minus evchat alte
Velivolam caeli diffuso in gurgite molem?

Qualis at ista ratis? tenui quo corpore texta
Exiguo certare ausit cum pondere massae
Aëriac, possitque alte suspensa tumentī
Ceu pelago sese librare? o si modo rerum
Tam varias inter species foret ulla reperta,
Pondere quae liquidis nativo cederet auris,

Prae-

Praestaretque eadem solido textu ! illa laboris ,
Illa mihi haud parvam curarum accommoda partem
Eximeret ; fatis una foret . sed cognita nulla
Materies rerum est , solido tam corpore constans
Tamque gravi , grave quam solidumque heic postulat usus :
Nec fors notescet seclis venientibus . arte
Idcirco ; natura homini quod parca negavit ,
Tentandum , possit si vinci . major in arctis
Saepe venit rebus solertia , ducit ab ipso
Objice saepe suas animi vis concita vires .
Quò res cumque cadant , dulcis rapit impetus ire ,
Orbita qua vatium nulli signata priorum
Difficili aonios divertitur ardua clivo
Ad fontes : juvat intactam decerpere laurum ,
Et juvat integri latices adtingere rivi .
Mira , indicta canam ; sed mira indictaque rerum
Castalidum chorus almus amat , diffusa per omnes
Si partes veri species effulgeat . ergo
Jam volucris superas olim ducenda per undas
Asseribus mihi cymba e pinu aut abjete sectis
Surgat , cui circum pinguis latera omnia cera ,
Nariciae & patulas claudant picis unguina rimas .
In medio malus , qui veliferas antennis
Sustineat , possitque immisso picta rudente
Et legere & placidis rursus dare carbasa ventis .
Rostrum prora gerat ; nec scylla aut dira chimoera

Tor-

Torva tuens instet rostro ; verum armiger ales
Formosum ad superi portans Jovis aurea templa
Dardanium juvenem . in puppi mihi Daedalus alas
Explicet , ac dextra cursum regat , ipse magister ,
Insuetæ comes ipse viae : jam sidera laeva
Erigonemque helicemque arctosque ostendat in alta
Sede poli . nimis ille autem pueriliter audax
Icarus hinc absit : quamvis praecepta sequutus
Si foret , euboïcas solpes venisset ad arces ,
Triste nec augurium coeptis ingentibus esset .
Tum demum volucris caelato in robore currus
Aeolios ponam fratres . hac parte serenus
Nubila aget boreas scythica nive , & horridus illa
Nigrantes quatiens pennas caput exeret auster ;
Eois hinc Eurus equis volitabit , & illinc
Floribus adspersus Zephyrus rutilantior arva ,
Ac tremulo leviter crispans vaga caerulea motu .

Talis acydaliae veneris , quem mille sequuntur
Hinc atque hinc pueri aligeri , ninguntque rosarum
Imbre super , fudo fertur levis aethere currus .
Talis & ille , fero laesum qui vulnere Martem
Sustulit ad caelum pernix , & gargara & altam
Implevit fugiens magnis stridoribus idam .

Haec tua puppis erit : sed ne mihi laetior axem
Hoc subito ad caeli properes adsurgere terra
Ex humili . quondam liquidas ennabis ad auras ,

Nunc

Nunc vetitum frustra conanti. pondere pressa
Cymba suo, quamvis invitent flamina cursum,
Terrae adfixa manet, necdum levis evehit illam
Aeris aura gravem. tu qua pervincere victor
Cuncta queas, artem paucis age percipe dictis,
Atque alte memori praecepta in mente reponere.

Protinus in magnum curvanda est lamina ferri
Ducta globum, ferri, sive actis, sive oricalchi;
Mole sua tantum qui curvis aëra claudat
Parietibus, quantus satis est, ut pondere vincat
Ille, globi pondus, proprio. dein aura per artem
Scilicet extrahitur paullatim, atque oris hiatus
Iam vacuo in vase obstruitur, via libera rursum
Ne pateat, ne qua subeat penetrabilis aër.
Interea sursum vacuus globus ennatat, ac se
Librat agens hinc inde auris tollentibus. illum
Ni teneas, superas numquam rediturus in oras
Quippe abeat, nebulisque erret commixtus in alto.
Quid? si non unum, plures at feceris orbes
Hoc genus, ingentesque adeo vastumque tumentes,
Intus uti magnam vim claudant aëris, ipsam
Quae superet longe puppimque & vasta globorum
Pondere majori latera? in sublime volantes
Effugient, navimque ferent, si forte tenaci
Jungatur nexu, simul ac gravis exiit aura.
Aspicias, ut pueri quum stagna per humida nerei

Nare

Nare timent, discuntque tamen: ne pondere merfi
Aequoreis vitam ponant sub fluctibus, utrem
Vel tumidum dorso pavidi prius addere fuerunt,
Subere vel molli inniti. sic aequora tentant,
Hac opē se librant: quantum gravitate premuntur,
Tantum etiam tumido contra attolluntur ab utre;
Qui minus est multo quoniam fluitantibus undis
Ipse gravis, non ille alte super innatat unus,
Sustinet at summo iunctum sibi gurgite pondus.
Nec me forte putes tibi somnia fingere vatū,
Falsaque pierio commenta ornare lepore,
Aëra quum doceo graviolem evadere posse
Nempe globis ex aere aut duro corpore ferri,
Nullae heic insidiæ vatū; nec pelion ossae
Impositum canimus, durumque cubile Typhoei.
Inarimem, aut aetnam Enceladi; non caucaso alto
Usque renascentis jecur immortale Promethei,
Tergeminumque canem, flammantiaq; ora Chimoerae,
Phorcidas, Harpyasque, & corpora Centaurorum.
Talia cecropiis sub mendaci Aracyntho
Sat celebrata viris; semper florentis Homeri
Talia sat cecinit non uno carmine musa.
Vera magis canimus, quam quae vel corniger Ammon,
Vel tripode e Claris fœvit responsa sacerdos
Reddere, quum tenebras mortalia pectora nondum
Excudere, ac testam valere agnoscere fraudem

Ambagesque dolosque . ita tute fatebere victus ,
 Ni refugis , certasque piget cognoscere leges ,
 Ipsius e veri sacris penetralibus hausitas .
 Per medium (m) quaecumque globum nam linea recto .
 Transiit ubi ductu hinc atque hinc , ea dicitur axis
 Ipsius transmissa globi . dimensus in aequas
 Hanc quascumque velis partes & quotquot , ad illum
 Si referas , magno rectam qui amplectitur orbe
 Circulus , inventa subito laetabere tota
 Corticis externi facie . tum secta suique
 Dimidia iam parte carens ea recta trientem
 Totius ad magni referatur corticis ; ipsa
 Alta dabit spatia & molem repetita globorum .
 Jam geminos conferre globos , iam noscere certam
 Ne pigeat seriem , quoque ordine longior axis
 Augeat externam faciem , quoque augeat intra
 Ille cavi spatia ampla globi . tres axis in ulnas
 Alterius tantum longus procuret ; at alter

Lon-

(m) Haec quidem delibata ex geometria , ut clariora sint , non abs re fortasse erit , si geometrarum verbis exponantur . Igitur *diameter Sphaerae sive axis est recta quaevis per centrum ducta & utrinque terminata ad superficiem . Circulus maximus Sphaerae est ille , qui oritur ex sectione plani cuiusvis , quod transeat per Sphaerae centrum . Superficies vero Sphaerae aequatur areae circuli habenti pro radio diametrum ipsius Sphaerae ; & soliditas Sphaerae aequalis erit trienti producti ex quadruplo*
 cir-

Longior alterius sese ulnas proferat axis
 Ad denas . primi facies se nempe per ulnas
 Parva novem tendet ; sedenim curvamine vasto
 Centum ulnas facies postremi excurrat in aequas .
 Quid spatia ? an pariter crescant sic ipsa vicissim ?
 Haud ita : namque globi , cuius fuit extima centum
 Lata ulnas facies , eius spatia intus ad ulnas
 Mille pares crevere , ingentique augmine turgent .
 At vero alterius tantum spatia intima ad usque
 Septem & bis denas crevere . ita protinus ampla
 Se spatia immensum fundunt , quum longior axis
 Curvato se forte globi distendat in orbe .
 Haec ratio , haec series , quamvis ingrata camoenis ,
 Dum myrto idalia & odorato hyacinto
 Pindo in florenti texunt halantia ferta ,
 Acciderit , dicenda fuit : namque usibus apta
 Pluribus , huic nostro in primis . fors ipsa colendo
 Mollior adfuescet parnassi in vertice vatum

B 2

Di-

circuli maximi , vel producto ex triente superficiei & semidiametro . Hinc sphaerae sunt inter se in ratione triplicata diametrorum ; earundem autem superficies sunt in ratione solum duplicata diametrorum : nam areae circulorum maximorum sunt in duplic. ratione radiorum , quibus accedit ratio ipsorum radiorum , quum pro habenda sphaerae ducantur in diametros vel radios ; atque ita fit triplicata . Notandum , in versibus adhiberi heic verbum Refero pro Multiplico quum ipsa multiplicatio sit quasi quaedam comparatio vel relatio repetita .

Dicier ore, nihil non vestro munere, divae,
 Sperandum, ex quo per salebras perque invia quaeque
 Stayadem (n) videntem alma excepistis in umbra
 Sacrorum nemorum, capitique insigne dedistis,
 Quale prius nulli cingebat tempora, fertum.

Hoc igitur proprium formam sortita rotundam
 Corpora habent; facies multo minus extima eorum
 Crescat uti, curvo spatium quam cortice clausum,
 Si majora eadem facias. hinc horrea curvum
 Hinc tua si referant orbem cava dolia; eadem
 Structa mihi formâ jam sint, at quattuor ulnas
 Exterius mea laxa magis; discrimine credes
 Non adeo magno se inter differre: labore
 Quum tamen assiduo placati hominumque boumque
 Liber & alma Ceres complebunt utraque donis,
 Et segeto & longe vincam te munere bacchi
 Ditior, horrentis metuam nec frigora brumae.
 Quare etiam minus ipsa gravis licet aeris aura

Cor-

(n) Hic Benedictus Stayus praeful ampliss. innuitur, vir in omni litterarum genere plane doctissimus, qui jam, quod optandum ei potius quam sperandum videbatur, illud est consequutus, ut rerum gravissimarum, quas lucretiano stylo describit, difficultas atque asperitas cum latini sermonis elegantia ac facilitate certare quodammodo videantur. Itaque de illo recte Cunichius ait:

Vidi

Corpore sit solido, jussu quod possit in orbem
 Curvari, evadat gravior tandem illa necesse est,
 Usque globus major si turgeat, intima crescunt
 Quippe, magis spatia atque magis, convexa sed extra
 Non pariter crescit facies: fluitantis ut aurae
 Pondus item, quamvis fuerit minus ante metalli
 Pondere, tunc ipso fiat majus. subit orbem
 Aerii fluctus multo nam copia maior,
 Quam nova materies, qua grandior extima crevit
 Illa globi facies, accedat. proin quoque tanto
 Aëre maiori vacuus, pariterque levatus
 Pondere maiori tanto globus enatat alte,
 Jam vice mutata, caeli suspensus in ora.
 Plena velut dulci si vitrea pocula vino
 In liquidis demissa sinas immergier undis,
 Ina petunt: si mox eadem spumante lyaeo
 Jam vacua in summa ponas cava leniter unda,
 Suppositis tolluntur aquis, pellucida vitri
 Sit gravior quocumque licet natura liquore.

B 3 Novi

*Vidi ego (nam sacri phoebo monstrante poetae,
 Quidquid agunt manes, cernimus, & superi)
 Vidi umbram ingentem Neutoni umbramque Lucreti
 Stayadae media nocte subire domum;
 Nec mora; dia viro scribenti carmina magni
 Ad latus hinc atque hinc adstiterunt comites;
 Alter & incoepum doctrinae luce rigavit,
 Alter musaeo nectare sparsit opus.*



Novi autem, melior (o) cui iam sententia visa
 Illa, fuit, tenuis pando si corpore fiat
 Sic ratis, ut vera volucrum sub imagine fallat
 Spectantes, magnaue adeo ni turgëat alvo,
 Ignaris iam possit avis non ficta videri.
 Omnia enim volucris similis; collumque, caputque
 Tergaque, multifidasque alas, caudamque patentem
 In quascumque voces, facilem se flectere, partes.
 Jam neque tunc orbes vacui, non ulla paranda
 Texta forent ex aere; petant quae daedala nubes.
 Nam validis quidquid nervorum viribus usae
 Pennigerae, praestant volucres, seu tollere corpus
 In sublime velint, seu pronae insidere campis;
 Hoc homines clausi curvata in mole per artem
 Efficiant vasto quatientes brachia motu
 In numerum; ac pariter pennatae mobile cymbae
 Remigium alarum motantes impete magno.
 Tum valido plumae nisu adtollentur, & omnes
 Accipient, tenuemque magis magis aera carpent:
 Donec, ut insuetos quum prolem ille armiger ales
 In-

(o) Intellige Petrum Jac. Martellium, cujus haec na-
 vis breviter describitur: de hac ipse primum lib. 4. sui ita-
 lici poematis *de oculis Jesu ad Amaryllidem* mentionem
 fecit; eandem postea fufius explicavit, vindicavitque in
 dialogo, quem *de volatu* inscripsit.

Instruit ad cursus, plumosa volumina quassans
Emicuitque solo, caeloque it navis aperto.
Sed quis erit, firmo qui tantum corpore possit
Eniti, viresque suas contedere, ut auras
Tollat in-aetherias volitanti hanc remige molem?
Multa latent heic falsa: ratem nisi nubila in alta
Evehat excluso levior globus aëre, frustra
Conando miser ingratum experire laborem.
Ergo ades, & solum mea jam vestigia serva.

Heic etiam vera ratione ostendere possim,
Ille globus quantus sit oporteat, aetheris oras
Qui queat in superas corpus sustollere, quanta
Auctum mole velis, & quanto pondere. sed me
Singula scrutari, tenuesque evolvere curas
Et piget, & fessam subeunt fastidia mentem;
Seu quod pimplaeum renuunt hirsuta leporem,
Seu fugiunt quod parva hunc diae lucis honorem.
Cuncta tamen qua sponte fluant ab origine dicam,
Atque iter ostendam certum, ne devius erres,
Aut incerta solo gradiens vestigia figas.
Sat cognoscere viam: neque enim tibi laudis amore
Pectus eget, metuisque viae te credere solus
Quamvis difficili: sic & jucunda voluptas
Fors magis adveniet, per te quum plurima nosces;
Et velut inventis primum laetabere rebus.

Jamque puto, (p) densae tenui quam differat aur?
 Pondus aquae, tibi notum. isto discrimine rite
 Servato, vacuum certae iam molis ahenum
 Ponderis & pariter certi manantibus undis
 Imple instans summo patuli tenus oris hiatu.
 Tunc tibi se infusae manifesto pondere prodet,
 Quod vacuo nuper veniens accessit aheni,
 Augmen aquae, proditque suum dum pondus, & ipsum
 Quippe gravis prodat simul aeris augmen, ibidem
 Si foret inclusus pura pro fluminis unda.
 Praeterea notum quum sit, globus ille tumescens,
 (Dimensus quippe ante), sua quae mole receperet

In

(p) Indicatur methodus adhibita ab ipso Lana in magisterio nat. & art. Ratio ponderis aeris (ait ille) ad pondus aquae non eadem a philosophis omnibus assignatur: per quosdam enim est ut 1. ad 700. aut 800. aut etiam ad 1000. Hic vero assumitur aerem esse ad aquae pondus, ut 1. ad 960. parum enim nunc refert exacta determinatio. Supponitur deinde pes cubicus aquae esse pondo libr. 80. idest uncia. 960. nam haec est Romani pedis antiqui communior mensura, de qua Villalpandus, & Ricciolus in Almug. Hinc sequitur aeris pedem cubicum habere pondus unius unciae. Sit iam vas diametri pedalis capax 80. librarum aquae seu uncia. 960. Aer in ipso contentus ponderat unciam unam, pondus autem materiae, ex qua vas constatum est, duarum sit librarum seu unc. 24. extracta porro unica aeris uncia, vas istud in aere ponderabit 23, uncias. Fiat nunc ejusdem materiae & crassitiei

Interius spatia incurvus; tibi nempe parebit;
 Quantus & esset, aquae si tantum, aut aeris intus
 Clauderet, inclusae vis undae, aut aeris unum
 Vincat uti gravior non ipsum pondere; at illi
 Qua tu cumque velis simul addita corpora mole.
 Sic aliis semper praepandunt lumina rebus
 Res aliae sociaeque inventae proderè gaudent.
 Verum ne coepto frustra lassatus in ipso
 Deficias, parvo monco tentamina vase
 Molirique rudem, parvisque adsuescere curis,
 Excurfusque breves tentare. ita major ab usu
 Adveniet vis usque novo curamque subire

Au-

sitiei aliud vas Sphaericum, cujus diameter sit pedum 25. cum nempe sit superficies in ratione duplicata diametrorum, jam ut 1. ad 25. ita 25. ad 625. superficies prodibit; & cum illa supponatur ponderare duas libras, haec altera superficies ponderabit libras 1250. At moles seu capacitas cum sit in ratione triplicata diametrorum, ut ista habeatur, fiat, ut 25. ad 625. ita 625. ad 15625. Quare cum aer prioris vasis unam ponderet unciam, aer contentus in hoc majori aequabit pondus unciarum 15625. seu libr. 1302. & unc. 1. Igitur pondus vasis seu superficies seu laminae metallica minus est pondere aeris, qui in illo vase continetur, adeoque differentia est lib. $52\frac{1}{2}$. Itaque si totus aer e vase educatur, vas ipsum specificè levius erit aequali aeris mole, & ascendet in aere ita, ut sibi conjunctum pondus lib. 25. sursum valeat evehere. Haec fere Lana; eademque methodo quaecumque ratio. patebit quaesita,

Audebit quaecumque. vides, ut saepe per auras
 Quam tener insuetas nido jam praspes ab alto
 Gaudet abire? prius se circum frondea testâ
 Exercet volitans, atque has atque insilit illas
 Ramorum ad sedes; mox se pernicibus alis
 Sustulit expertus, montesque & nubila supra
 Evolat, ac celeres vocat in certamina ventos.
 Quid tamen haec exempla avium sequor? adspice docti
 Conatusque (g) viri egregios inventaque dia
 Sarmatia in gelida. postquam ille inspecta notavit
 Per caelum spatia ampla & inaequales excursus
 Astrorum, terraeque vices dispexit, & acer
 Componens versansque diu, quas repperit, omnes
 Contulit inter se leges, subvectus in altum
 Uraniae curru caeli regione locavit
 In media solem; qua ceu regnator ab aula
 Imperii vastos regeret moderamine fines
 Nulli non aequus. subito stetit ipse viai

Jam

(g) Nicolaus nempe Copernicus natus est Thoruniae una ex Prussiae, ut nunc vocatur, Poloniae urbibus, anno 1473. Ejus planetaria hypothesis olim, quemadmodum nonnulli volunt, etiam a Pithagora Samio aliisque antiquissimis philosophis usurpata fuit; ut non omnino nova & ab eo excogitata, sed renovata posita, atque exulta feliciter censenda sit. Lege elegantissimam ejusdem descriptionem in lepido illo Fontanellii dialogo *Sur la pluralité des mondes*.

Jam ninium longae fessus, viditque volentes
 Mercurium veneremque simul cum Marte Jovemque
 Saturnumque senem sua jussa facessere, & omnes
 Circum se unanimes volvi, tellure relicta.
 Impluit deserta quidem, sed non quoque tantam
 Tendere vim contra valuit. quin fervidus heros
 Multa reluctantem frustra hinc inde revinctam
 Corripuit: correptam immani turbinis ictu
 Impulit, astrorum nimirum ut legibus acta
 Iret & ipsa viam. quo impulsu concita sedem
 Deseruit veterem, quam tot regina per annos
 Obtinuit; pariterque suo super axe voluta
 Auricomum solem rapido circumdare motu
 Coepit, & adsiduo ferri late acta rotatu,
 Iam trivium comitante una; quam nulla viri vis
 A domina potuit, non ipse avellere frater.
 Tantus amor telluris! eam comitatur euntem
 Semper, & exercens circum revoluta (r) choreas
 Bissenis illius iter, semel integer annus
 Dum cursum explevit, gyris ingentibus ambit.
 Quid memorem legesque viri servandaque jura,
 Omnibus imposuit quae certo foedere stellis;

Erran-

(r). In hac significatione Manilius etiam *lib. i. Astronom.* accepit hanc vocem

*Et quinque adverso luctantia sidera mundo
 Exercent varias naturae lege choreas. &c.*

Errantesque vagasque suos ut clausit in orbès,
Unde novus caelo venit decor? ardua nulla
Usque adeo res est homini, si figere certo
Calle queat gressus, animique extendere nisus.
Namque novas prorum inventis est addere rebus,
Principiis atque e paucis, quae cognita consent,
Multa ignota parent, aliud quum discere pergas
Ex alio, eque datis quaesita evolvere rerum,
Paullatim claro donec se in lumine sistant.

Nunc locus est liquidam curvis ex orbibus auram
Extrahere, ut surgant imis de sedibus: adsis
Heic etiam; non te per longa exorsa tenebo.
Nam quamvis modus haud auras educere simplex,
Quid tamen ardentis referam flammaeque calorem,
Argentique usum vivi, roremque liquentem;
Quum fragili constans e vitro est cognita moles
Admiranda tibi Boyleae, haud pervia fluctu
Illa quidem aërio, simul ac occluditur oris
Subter hians aditus? multa ergo canalibus arte
Adpositis, ultro citroque meante cylindri
Robore in insertis apte siphonibus auram
Assidue motam certant educere vase
E vitreo. illi instant: paullatim pulsus at aër
Effluit, ac vacuas sedes magis usque relinquit.
Tunc videas subter, via qua patefacta, flagrantes
Extinguique facès agitari & flamine chartas;

A n

Ast intus ponitque apicem depressior ignis,
Tinnitusque negant solitos muta aera ciere.
Tunc, si forte prius sit viva inclusa volucris
Intus, eam subito cernas languescere, & alas
Pandere demissas, ac totos intremere artus:
Jamque huc jamque illuc errantia lumina volvens,
Extremosque ciens gemitus vix ducit hiulco
Ore animam sensim fugientem, aurasque requirit
Nequidquam eductas. stat circum plurima pubes,
Intentosque tenens oculos miratur: at illa
Aegra cadit, clausoque jacet jam mortua vitro.
Quid paleas plumbique loquar grave corpus eodem
Tempore delabi? quid quae jam plurima possis
Aeris educti certissima credere signa?
Cur igitur tenuem nequeas hoc aera pacto
Orbibus ex illis haurire? haud magnus ab una
Parte aditus pateat, cui providus ante cavatos
Adde tubos, bibulo qui ductu sugere possint
Aera, paullatimque foras emittere, & arte
Ostia complecti; ne qua novus involet ipsum
Inter opus, tota postquam vel sede recessit.
Omnia nam turbantur; & irrita vota querere
Conatumque artemque simul, si rima pateat
Parte aliqua vel parva, illa citus irruct aer,
Lubricus atque iterum succedet sedibus isdem,
Nullo cessurus nisi nulloque labore est,

Illum

Illum quamquam iustes multa vi pellere contra
Obnixus, tentesque industrius omnia; rimam
Ante fatiscentem vigili ni clauderis arte.
Illa mali causa est, illam citus obstrue; neve
Aut operae lentus per arcas, aut sumptibus ullis.

Nec tibi se quisquam jactet prudentior auctor,
Dicere neu coeplet, non ullo posse labore
Educi e curvis penetralibus aera totum;
Sed fore, qui semper maucat subtilior, aurae
Aemulus aetheriae. sat enim est, si crassior ille
Effluat arte cavis eductus ab orbibus. aether
Qui remanet, vix ipse suo cum pondere quidquam
Exiguus tenuisque addit, vel deprimat orbes
Subter agens, luci puroque simillimus igni.
Ille etiam longe metus absit, ne qua fluentum
Aurarum vi sublati, vacuisque globorum
Parietibus clades nascatur, laevia rumpens
Claustra, atque inmani dissolvens cuncta fragore.
Non etenim tenui ingentem sint cortice in orbem
Curvati, fragilique globi de corpore vitri,
Aerii tranare parant qui gurgitis undas.
Deinde etiam quum sint omni de parte rotundi
Aeris impulsu circa fluitantis ad omnes
Accipiunt aequae partes; visque undique nisu
Omnibus in punctis aequali affusa feritque
Defenditque globos eadem, quantum illa fatigans
Irruat

Irruat hinc pulsu valido, tantum urgeat illinc
Nempè opus est contra, seque ipsa elidat inani
Impete. nequidquam alternis sic ictibus aer
Huc aditum quaerens atque huc, quo sive subire
Victor, inaequali seu nisu insistere possit,
Circum errat, pulsatque errans innoxius orbes,
Nèc tamen expugnare valet. nusquam via certa,
Qua subeat; nulla aequato pars aspera dorso,
Quam magis impellens socia compage resolvat.
Ergo globus quamquam vacuus, penetrabilis ictu
Non tamen aerio est. nam se nectuntque premuntque
Mutua particulae atque haerent simul. arctius, aequum
Curvata quo mole magis glomerantur in orbem.
Idecirco longisque cavus sinuatur in arcum
Porticibus curvum fornix; pontesque minaci
Impositi fluvio juncta testudine flexum
Quo melius referunt orbem, super addita forti
Hoc stabiles melius quaevis ingentia tergo
Sustineant onera, & nullo incumbente fatiscant
Impetè dejecti. crebris adsultibus urgens
Subter aqua oppositas moles evincere tentet,
Spumeaque albescat; valido super ungula cornu
Pulsa sonet, magnoque gemant sub pondere plaustra,
Volvanturque ruantque; immoti mole sua stant.

Forſitan & quaeras; quot ſint, aut parte carinae
Qua vacui jungendi orbes? ſeu quattuor adde,

Sive

Sive etiam plures, si plures exigat usus,
 Aut malo, aut potius navis latera ardua supra
 Hinc atque inde pari sese inter limite longe
 Semotos, ne qua possint se tangere parte,
 Inque vicem crebris & laedi & laedere plagis,
 Dum vacuos fert aura, & motu concitat acri.
 Seorsim quisque natet; nec primo impendeat alter
 Altior; elati hinc aequae tollantur & illinc
 Aera per liquidum. melius libratur & ipsa
 Tum ratis, & paribus nat pendula viribus acta,
 Nec metuit ventos, nec iniquos aetheris aestus.

Illud in his rebus tibi restat difficile unum
 Atque novum, tanta nimirum effingere curvos
 Mole globos, non tantum ipsi, verum addita navis
 Vectorumque manus mercesque ut pondere cedant
 Aeris exclusae spatia extra concava massae.
 Scilicet immani turgescant mole necesse est,
 Immensamque trahant alvum, laterumque cavatas
 Compages; ingens late se machina tendet.
 Tu ne cede tamen: semper timor ardua fingit,
 Quae nova sunt, nullique prius tentata: sed acer
 Cuncta labor vincit. praeter sua litora nautae
 Nondum alias nossent oras, nec caerula dorso
 Velivolae ferrent classes; nisi primus Iason (s)

Auda-

(s) Jason hic poetice dicitur primus navigasse;
 quum

Audaci spernens animo syrtesque minasque
 Horrificas ponti validis implenda dedisset
 Vela notis. duce quo patuere illa invia nereï
 Claustraque & insidiae, quae tot per saecula gentes
 Terruerant falsa pavidas formidine mortis.
 Ille alta in puppi velatus tempora lauro
 Hortatur socios argivæ robora pubis,
 Accenditque animos: illi urgent acquora remis,
 Attonitæ spumant undæ. volat ætæa carina
 Phæidos ad fines, ubi dives ab arbore pender
 Vellus, & auratis perstringit lumina villis.
 Jam male defensum, vigili custode pereempto.
 Ite animæ illustres, factis extendite seros
 Nomen in ætatum cursus. jam culmina nota
 Vanescunt, patrio & matres in litore flentes;
 Invalidique senes. vobis en ipse tridenti
 Pandit iter Neptunus: eum comitantur ovantes
 Nereides, Beroe, Galateaque, & aurea Xantho,
 Nefæeque & Phillodocæ, delphinibus omnes
 Insectæ, sparsis omnes per colla capillis;
 Cymmodoceque, Thetisque soror jam faucia flamma,
 Peleæ jam tota suspirans anxia mente. (1)

C

Ite

quum nihil ejusdem expeditione apud poetas celebratius
 sit. Ceterum cui sit primo navigatio tribuenda, cer-
 tant sapientes, & adhuc sub judice lis est.

(1) Fuit enim etiam Peleus in argonautica expedi-
 tione

Ite agite heroes : vestigia vestra sequutae,
 Exemplisque actae felicibus aequora classes
 Contexere ; cavis fervent maria omnia late
 Navigiis . quisnam ille autem (u) fidentior , altum
 Oceanum qui spectat , & indignatur Iberos
 Spem trahere , ac regna alterius contemnere mundi
 Trans anni solisque vias , & sidera nota ?
 Magnanimum nosco Ligurem ; virtutis alumnum
 Nosco italiae . viridi date ferta recentia lauro ,
 Ausoniae nymphae ; calathis date candida plenis
 Lilia : semper honos , semper stet fama sepulti ,
 Oceani dum fluctus erit , dum semita ad oras
 Pervia , phoebus ubi solvit remone jugales .
 O quas ille vices , & quanta pericula passus ,
 Litore ab hispano dum solveret ! aspera rerum
 Quae tulit , & quantas pelagi caelique procellas
 Primus ad ignotas intendens carbasa terras !

Non

tione : vide Orph., Apollonium Rhod., Catullum in aureo
 carmine : *Peliaco quondam prognatae vertice sylvae &c.*

(u) Post argonautas non immerito heic mentio fit
 de Christophoro Columbo , cujus in Americam navi-
 gationem aetates omnes suspicient atque admirabuntur .
 Velim autem animadvertas , quod hoc in loco tacite
 videtur auctor cum Fontanellio innuere , quamvis non
 audeat palam proferre invidiam pertimescens : nimirum
 non videri omnino fieri non posse , ut quemadmodum
 Ame-

Non certe Alcides odiis agitarus iniquae
 Junonis; non ipse vafer se praeferat illi
 Laerta satus, incensae post diruta Troiae
 Pergama tam multos quamvis expleverit annos
 Omnibus & terris & late fluctibus actus.
 Virtus multa viri vicit tamen omnia, & oras
 Vectus ad optatas, ubi nos quum phoebus anhelis
 Adflat equis, vesper nocturnos excitat ignes,
 Atque alia effulget stellis maioribus arctos,
 Djs pelagi, aurifero religata in litore puppi,
 Dona tulit voti compos, Cubaque poritus, (x)
 Gentibus attonitis monstro atque ingentibus ausis.
 Quin & jam menso oceano, rursusque remenso,
 Victor ad hispanos remeans cum classe penates
 Ante invisa refert peregrino munera ab orbe,
 Inventasque ostentat opes, cultusque locorum
 Edocet, atque auro dites atque ubere glebas.

C 2

Hinc

Americani de oceani navigatione perverse sentiebant ante adventum Hispanorum, sic fortasse Europaei de navigatione aëria non omnino recte opinentur ac iudicent. Vulgatum illud Lucretii lib. V. *unumquidquid paulatim protrahit aetas*

In medium, ratioque in luminis eruit oras &c.

(x) Hanc in insulam juxta plerisque historicos primum descendit Columbus, eaque etiamnum parer hispanis; estque accommodatissima hispanorum classibus ad importandas, exportandasque merces ex America.

Hinc subito Europen late vulgata per omnem
 Fama volat, veterem quarta crevisse reperta
 Parte orbem, oceano edomito, trans ultima caeli
 Sidera. felices illic felicia gentes
 Regna tenere, aurum rivis fluere, atque adamantas,
 Gemmarumque alias nullo custode jacere
 Per juga per saltus & sylvas; unde superne
 Balsama odorato manant sudantia ligno.
 Ergo omnes ardor stimulat nova quaerere regna
 Auspiciis actos tantis: timor omnis, & illa
 Formidata leves jam monstra abiere per auras,
 Falsa velut tacitæ fugiunt insomnia noctis.

Et dubites parere meis horatibus ipse
 Lentus adhuc? gelidusne tibi praecordia circum
 Sanguis hebet, tantumne times convicia vulgi
 Ignari? tentanda via est, qua te quoque in altum
 Tollere, & immensum possis volitare per orbem.
 Jam domita oceani rabies: nunc aura domanda est
 Aeris; hinc laudem speres, hinc praemia, si te
 Major tangit honos, major si gloria famae.
 Nec superi votis aberunt a grandibus: ille (y)

Tau-

(y) Non desunt Mythologi, qui existiment Tau-
 rum & Arietem fuisse naves quarum altera Phryxus ad
 Colchos, altera vero Europa ex Phoenicia in Cretam
 vehebatur: idem de Pegaso Bellerophontis, de Persei
 Ba-

Taurus ut Europes, ut Phryxi candidus. albis
 Ille Aries villis, utque ales Pegasus; Argo
 Testis & ipsa, maris quæ prima innare per undas
 Ausa procellosi puro micat aurea caelo
 Sidereo in coetu, furvas & discutit umbras.
 Cui tua stellifera quondam comes addita sede
 Per noctem late flammantia lumina fundet
 Navis, & ardebit nautis felicius omen,
 Tyndaridum quam signa, heliceque, aut parrhasis ursa;
 Ipsa per ignotas postquam te vexerit oras
 Victorem, & fama ingentem compleverit orbem.
 Adspice qua gelidam mundus consurgit ad arcton
 Arduus, & contra vergit qua pronus in austros;
 Illic humanos regio frustrata labores
 Hactenus ignoto jacet avia litore, & illa
 Fors quoque & uberibus campis populisque superba
 Atque opibus, (y) sed navigiis nondum hospita curvis.

C 3

Quip-

Balaena, & Triptolemi Dracone sentiunt. Vide Joann. Potter. Archaeol. Graecae lib. 111. cap. xiv. ubi etiam praeter alia testimonia locum Aristophanis affert ex *Thesmoph.* in quo Perseus ad Gorgonas nave vectus manifeste dicitur.....

Περσευς πρὸς Ἀργὸς ναυσὼν, τὸ Γοργόνας
 Παρακομίζων &c.

(y) Multi saepe cum Britanni, tum Batavi praesertim extremas Sinarum oras praetergressi, experti sunt, sed

Quippe gelu assiduo torpet maris unda revincta,
Et patulas vetat ire rates. tibi mobilis aer
Pāndet iter glaciemque super, super horrida canae
Strata nivis; caelo venies ceu missus ab alto.
Qualis quum rhodopen mavors, aut thracia curru
Arva petit, volucrumque sedens moderatur habenas
Alipedum; volat aetherios vi fervidus axis
Per campos, jam jamque venit, temploque propinquat:
Defilit; arma humeris sonuere: at pectora thracum
Dirigere metu, & sanctum sibi numen adorant.

sed incassum, in Europam per Septemtrionis latus redire, atque ita novum iter navibus in Indiam aperire. Immensa glacies in eo mari praeter alia incommoda, impedimento fuit, quominus voto potiti sint.

FINIS LIBRI PRIMI.



NAVIS AERIA.

LIBER SECUNDUS.



ED me jam Zephyri nemora inter gar-
rula blando

Murmure ludentes invitant ire per al-
tum

Aera. jam nautae funem convellere gaudent,
Infuetamque viam tentare; idem omnibus ardor,
Cura eadem stimulis omnes non mollibus urget
In superas tolli nubes, & linquere terras
Evectos volucris cymba. ruit excita pubes
Undique visendi studio, fruiturque tuendo
Admirata ratemque simul, simul ipsa globorum
Texta rati conjuncta; moras atque increpat omnes
Impatiens. ergo tempus petere alta volatu
Sidera: vos musae mecum conscendite; tuque
Uranie ante alias, cui parent ardua caeli
Templa & caerulei tractus, tu dirige cursus
Aerium per iter: sine te nec tollere puppim,
Nec rursus terras ausim deducere ad imas:
Tu me diva mone, atque omnes dic ordine leges,
Dic varias artes, ignotaque pande reperta,
Dum nostri tibi dona parant solemnina nautae,
Vt Nereo & Panopeae & Tethyi Neptunine.

C 4

Si

Si pluvii de parte noti, si fulminat austr
 Cum fremitu domus atra; oculis aut nubila caelum
 Eripiunt imbri foeta & resonantibus euris;
 Non patriis quisquam tum te discedere terris,
 Aera nec moneat paullatim educere clausum
 Jam tibi monstrata curvis ex orbibus arte.
 Horrida nam caelo tempestas saevit, & omnis
 Aestuat aura super ventorum turbine magno
 Sedibus ex imis agitata. abjere volucres
 Frondiferas pavidæ in sedes, penitusque latebras
 Cerratim subeunt jam toto ex aethere pulsæ.
 Interea magno crepitans ruit impete grando,
 Pulsataeque fremunt sylvae, ferturque tumentî
 Per segetes pelago torrens, atque omnia late,
 Qua se cumque tulit, violento gurgite vastat.
 Heu male tum vacuo tenues defendere possis
 Aere globos, volucremque ratem: tam magnus ab alto
 Concretae cadit imber aquae, subiectaque frangit.
 Vere tibi melius classes immittere caelo;
 Vere viget sudi genitabilis aura favonj,
 Caeruleoque niter placatum lumine caelum,
 Quum ferus averso fugiens canis occidit astro (a),
 Taurus & aurato cornu micat. at mala nautis

Fri-

(a) Virgilius etiam *lib. 1. Georg.* per eadem ferme haec signa vet̄ describit, quamvis id fortasse recentioribus Astronomis non omnino probetur.

Frigora & hiberno minitanti tempore signa:
 Tum vario motu caeli domus excita ferveret,
 Luctanturque inter se vasto turbine venti.

Ergo ubi post hyemem sylvas aquilone moveri;
 Ac nitido adspicies phoebum splendescere curru,
 Nec jam aderunt atrae, pulsa caligine, nubes;
 Tu socios hortare, novasque industrius artes
 Adgredere, & liquidum siphonibus aera motis
 E patulis expelle globis. expulsus abibit
 Scilicet ille, viae facilis qua ductus apertae
 Extrorsum est: verum quum sedibus exiit imis,
 Ostia claude vigil multa vi protinus, idemque
 Omnem aditum explora, ne qua citus irruat hostis.
 Jamque graves minus atque minus, sensimque levatos
 Circumfusa globos alte sustollit, & imo
 Evehit aura solo. vento vos pandite nautae
 Carbasa; jam pariter sublata nat aere puppis
 Aemula pennigeris avibus. stupet inscia turba,
 Attollensque oculos tacite miratur, & ipsa
 Quae videt, haud credit novitatis imagine tanta
 Perculsa. at dryades passim sociaeque napeae,
 Quae nemora & saltus late quaeque ardua montis
 Saxa colunt, trepidae discurrunt omnibus agris,
 Incertaeque animi pendent, an numina caeli
 Esse putent, mira an pendentia nubila forma.
 Atque aliqua aut Phoebum metuens ipsumve ruentem

Alta

Alta in nube Jovem, gressu subit invia saxa
 Pernici, penitusque cavo sese abdit in antro.
 Quid fugitis? volat acta abies tollentibus auris
 Innocua, & terris longe magis usque relictis
 Nubiferas sublimis adit, templa edita, sedes:
 Quoque magis petit alta, homines, urbesque videntur
 Effugere, atque ipsi pariter decrescere colles.

Non tamen & libeat nimium conscendere in altum,
 Summaque veloci superare cacumina nifu
 Atlantis rhodopesque aut alti culmen olympi,
 Sidereo vincit nubes qui vertice. tenuis
 Aura ibi, nec generi nostro spirabilis aer
 Possidet a terris longe loca, celsior ille
 Scilicet ex ima quo terra adsurgit in astra,
 Rarefcit magis, & similis fluit altus inani.
 Tu medium lege tutus iter, mediamque teneto
 Usque viam; placida triviae sine regnet in aula
 Endymion, (b) populosque externo tutus ab hoste

Pace

(b) Lucianus, *λογω α. αληθ. ιστορ.*, ita de rege in Lu-
 nari orbe, quo suam navim adpulisse fingit, κ' ὁ
 ἀρχαῖος, αἰτ, το καὶ' εὐρυτον, ἡμιν διαξῆται, ὡς κ' αὐτοῦ
 αἰθρῆκος ὡν, τρυμα Εἰδυμιοι, ἀπο τῆς ἡμετέρας γῆς &c.,
 ibique, ut solet, lepidissime Planeticolarum pugnas descri-
 bit. Quibus non abs re Hippolytum atque Adonidem adj-
 icere visum est; quod suas Venus in Euripidæo Hippo-
 lyto Στραχηνηφορῶν inimicitias cum eodem satis aperte de-
 clarat; & Diana, quae eadem est ac Luna, suas cum
 Ado-

Pace regat, longam neque rumpat cura quietem.
 Quamquam etiam perhibent saevae post crimina Phoedrae
 Hippolytum superas Lunae Itonidis oras
 Adscendisse; illum fortes in praelia turmas
 Ducere, si quando armorum furor instat, & acer
 Idaliae e regno Veneris movet agmina Adonis.
 Hos pugnare juvet; mihi tu demissior ito,
 Nec regna astrorum cures palantia nosse.
 Proderit idcirco solventi vela, faburram
 Tollere, si navis fuerit sine merce, neque ullo
 Pondere pressa. hoc (c) effusus munimen ad Euros;
 Hoc ubi subducta vectari coeperis aura,

Ne

Adonide; quem etiam interfecturam minitatur. Id enim contra Euripidis Scholiasten Sciblinus & Barnesius cum Apollodoro ac Petro Victorio ex his ejusdem traegodiae versibus erui contendunt: Εγὼ γὰρ, inquit Diana prope finem, αὐτῆς (nempe Veneris) ἄλλον οὐκ ἔστι χεῖρος,

Ὅς αὖν μάλιστα φιλτατος κύριοι βροτῶν

Τοξοῖς ἀφυκτοῖς τοῖςδε τιμωρησόμεαι &c.

De immodico vero Endymion's somno audiendus praeter alios Theocr. in *Idyll.* γ'. prope finem. Ζαλευτός μὲν αὖτ' ὁ τοῦ κτιστοῦ ὑπνίου αὐτοῦ Ἐνδυμίων, ζαλὼ δὲ &c., quae olim ipse auctor, quum hoc *Idyllium* latine verteret, sic extulerat liberius & *Endymion felix*, cui condita nocte lumina sunt molli semper, fruiturque sopore; *Mirror & Jussora* &c.

(c) Similis loquutio habetur apud Virgilium lib. 2. Georg. vers. 352, & sequ.

Ne rapido nimium supera ad convexa volatu
Abripiare citus; placido sed vectus in altum
Ceu Zephyro sensim magis & magis usque ferare.

Nec sum animi dubius, mirum tibi posse videri,
Ista minus fluido quum sit gravis aere puppis,
Cur pariter summas aerae volitantis ad oras
Supremumque locum trans subdita nubila vecta
Non eat; atque illuc librata evadere certet,
Ipsam nullus ubi jam desuper urgeat aer?
Sic etiam aequoreis leviores fluctibus ipsae
Caeruleae naves summa librantur in unda;
Per medios nec subter eunt, loca pervia tantum
Squamigeris gregibus, latices; nisi forte coorta
Ventorum ac pelagi rabies infracta carinae
Disjiciat latera, ac torto voret aequore vortex.
Quamquam tunc imo subsidunt omnia fundo,
Nec medio pendent suspensa in gurgite, falsis
Quae sunt cumque undis graviora: ita nempe vel alte
Cuncta natant, vel cuncta jacent demersa profundo.

Haec tamen ut certis valeas deprendere falsa
Indiciis, certaue animi ratione resolves,
Contemplator, aquas quum caelo affusa minantur
Nubila, & in tenebris phoebe latet abditus ignis:
Nunquam alte regionem omnes tolluntur ad unam
Imbriferæ nubes; sed pars petit edita longe,
Pars autem magis ima tenet, propioraque terris
Aerio

Aerio spatia in campo . nec fecius omnes
Altior haec, humilis magis illa , in tramite caeli
Suspensae medio fluitant ; insistere summo
Nec spatio certant , neque item , licet altior aer
Imineat , lapsae terras voluntur ad imas .
Nonne etiam superas quo caeli fugit in oras
Alta magis , terris secretaque , purior aura
Hoc fluit , ac minimum terrenat obnoxia faeci
Sidereis longe in campis ? ibi nubila nunquam ,
Nunquam imbres , nunquam densantur turbine nimbi ;
Aurea sed ridet species , & pulchricornus sol
Indistincta suae diffundit spicula lucis .
Semper enim tenuatur ; odor ceu dissitus halat
Ille minus , quo se in superas magis extulit oras ,
Vel cilici quum scaena croco perfusa renidet ,
Arave quum thuris panchaeos efflat odores .
Densior hinc etiam primae regionis in altum
Multa efferre queat , rarus quae deprimat aer
Alterius ; quaeque hic possit suspensa tument
Ferre super dorso , neget alter rarior , illum
Ordine qui sequitur . vario pro pondere navis
Proin tua se varia sistet regione , nec ultra
Quaeret iter librata semel , spatiumque feretur
Per levius sese & gravius , media inter utrumque .
At maris effusi densum quod corpus ubique
Est aequae , haud gravior fundo pars altera sedit ,

Altera

Altera pars unda in summa subtilior ; ipsa
Fit quoque uti cymbae curvatae pinea texta
Summa petant pelagi, summoque in gurgite tantum
Se librent, sistantve vadis demersa sub imis.

Praeterea, magnam lymphis ingentibus urbem
Qua Tamesis lambit, multi voluere per artem (d)
Institui sic posse rates, ut subter aquarum
Per liquidos mediae fluctus, infraque supraque
Circumfusae undis narent; ceu grandia Protei
Armenta, atque alia immensi vaga monstra profundi,
Nec vero pugnax ausim contendere contra,
Ut solet ignarum vulgi genus, omnia falsa
Qui credit, quaecumque sibi miranda videntur
Arduaque: ante animo multarum foedera rerum
Vestiganda acri; tum quid vel possit oriri
Vel nequeat, dicendum. aliter de tramite recto
Judicii abripiet praeceps te saepius error.

Nam

(d) In hac opinione Merseus est. Varias autem
navium species habes apud Thomam Garzonium; qua-
rum celeberrimae sunt illae tres a Guilelmo Schrotero
inventae, & a Scoto nostro in sua Mechanica descriptae.
Celebratissima & illa Roterodamensis est navis, huic si-
milis etiam Antuerpiensis, cujus Famianus Strada
lib. II. dec. II. de bello belgico, mentionem fecit. Omni-
bus vero praestantior hoc in genere illa fuit, quae in-
spectante Henrico VIII. tamesim subiit, inque sui ad-
miracionem oculos omnium, qui adierant, convertit.

Nam quid obest, fieri tanto ne pondere cymba
Possit, uti quantum subjectis tollitur, illis
Quae super incumbunt, tantum mergatur ab undis?
Tunc non illa quidem fundum descendet ad imum
Suppositis instans lymphis, non gurgitis alti
Summa petet, laticis supera depressa liquentis
Parte alia; sese certa sed sistet aquarum
Sub regione, aequis hinc atque hinc viribus acta,
Ac pariter suspensa. velut, diversa quadrigae
Quum geminae in spatia addunt se & discedere tentant,
Si modo se nexu teneant ac viribus aequis
Alipedes hinc inde trahant; immobilis haeret
Utraque, libraturque: haud hanc haud tendit in illam
Ulla plagam, torto licet acer desuper instet
Fusse sonans auriga, omnesque effundat habenas.
Magna hinc utilitas, magnum navalibus esset
Auxilium pugnis: & quantum bella juvarent
Aeriae classes; medias tantum ipsa per undas
Navigia haud viso venientia tramite, & armis
Improvisa imi de sede furentia Nerei. (artem
Atque equidem haud dubitem, quin haec quoque dira per
Damnaque & immanes ad mutua funera clades,
Tantus amor caedis! mortalia pectora tentent.
Ne vero, ne talem animis adsuescite pugnam,
Spicula neu properae nimium nova quaerite morti;
Mille patent lethi causae! satis in mala nostra
Ver-

Vertimus ingenium : rigidos conflavimus aera
 In gladios hastasque & acuta cuspide tela ;
 Unde unci melius vomis formatur aratri ,
 Plaustraque eleusinae matris , cerealia dona .
 Ignem etiam vafri subductum fraude Promethei
 Innumeros vitae munus mortalis ad usus
 Perdimus in caedes . cuius vi plumbea grando
 Terrifico jaculata sono late agmina sternit ,
 Sternit equos ; altas & fundo diruit arces ,
 Quin homines contra quin ars obistere possit .
 Vita fuit certe potior , quam sanguine nondum
 Immaduit nostro tellus , non fluminis alvei
 Purpureis rubuere undis ; nec noverat ullus
 Arma , nisi inverfo cererem queis conderet arvo ,
 Fissile vel robur vel celsam excinderet ulmum ,
 Vitigenam aut premeret frondem . nunc vividus artes
 Extudit innumeras usus ; sed & omnia regna
 Vipereis crines Alceſto impexa colubris ,
 Non mare non linquens terras , hostilia ad arma
 Exciit , ac magno furiarum involvit in aestu
 Bella necemque ferens & tristia semina cladis .

Quod superest , media quum jam volitabis in aura ,
 Omnia queis regitur pelagi per caerula cursus ,
 Illa tibi tractanda : secus neque tutus in alto
 Nare , neque optatam poteris contingere metam .
 Omnis in albenti primum descripta papyro

Tel-

Telluris vastae facies & mensa locorum
 Intervals viis cunctorum cognita debent
 Esse tibi: campique urbesque atque edita caelo
 Culmina, & aequorei tractus circumfluis humor
 Qua pateat, qua se freta per diversa profundat.
 Sidera tum late magnum per inane notanda,
 Quid pluviaeque ferant hyades, quid plejas, & haedi
 Nascentis sidus; vel quid minitetur Orion
 Turbidus, aut heros stricto Danaëus ense.
 Orbem etiam triviaeque juvat servare, cadentis
 Et phoebi; marremque venus quo lumine cernat,
 Saturnusque jovem, cyllenius ignis utrumque.
 Non quod celsa sua quidquam vi sidera posse
 Ipse rear tanto a nobis distantia tractu,
 Hoc moneo; verum & labentia tempora noctis,
 Et varios caeli signant quod fulgida mores,
 Seu purum referant, fuscum sive ore colorem.

Ante tamen tristesque hyadas & oriona & haedos,
 Mundus ubi ad scythiam adsurgit, spatioque coercet
 Inrequieta brevi volventia lumina, & alto
 Non finit oceano condi; sub cardine summo
 Usque nitens ursae (e) sidus glaciale minoris

D

No-

(e) Graeci quondam; aliaeque gentes ad majorem
 Ursam vel Helicen, quam primus observavit Nauplius,

Noscere te jubeo, caudae quod parte sub ima
 Emicat, ac dubias vasto regit aequore naves.
 Illa tibi monstret cursus, illam aspice semper
 Axe sub argenti rutilanti: stat proximus illi,
 Arcas & ipse olim, stellato corpore fulgens
 Arctophylax. nautis non ipse irascitur ardens,
 Sed vigil observat, ne qua se Parrhasis axe
 Auferat, aut vetita nereï se proluat unda.

Quin & quum caelum uebulæ obsedere, nec ulla
 Nimbiferam per noctem aegris mortalibus ardent
 Lumina, hyperborei sedem magnæ signi
 Prodet acus, certoque ostendet pendula nutu,
 Qua gelidus sit parte polus. non vertit ad afros,
 Non ea ad hesperias aciem vel memnonis oras

Li-

si Theoni credere fas est; vel, juxta Flaccum, *Argo-*
naut. lib. 1., Tiphys ille celebratissimus Nauclerus,
 cursum instituebant: unde Aratus inquit,

..... ελικη γὰρ μὲν αὐτὸς ἀχαιοί

Εἰς αἰετὸς τεκμαίρονται, ἐπεὶ χρὴ θηῶς ἀγνοῦν &c.

At Phœniçes iter dirigebant ad minorem Ursam (te-
 stibus Eustathio *Iliad. α'*. Et Arriano *Exped. lib. vi.*)
 quam dispexit primus juxta nonnullos Thales Milesius
 origine phœnix; apud Hyginum *lib. II. Poet. Astron.*
 Eustathium *Iliad. δ.* & Theonem in *Aratum*. Phœni-
 cios nunc Europæi omnes imitantur. Vide Potter. in
Archæol. lib. III.

Libera; at optato septem subjecta (f) trioni
Litora, riphaeoque horrentes frigore terras
Uſque petit. tum ſi placidam deſcendere cogas
Sedibus arctoïs, furit ipſa irata, diuque
In gyrum videas tremulam ſe volvere: nulla
Vel mora vel requies uſquam, niſi rurfus ad arcton
Vergat; ibi inventa jam tandem in pace quieſcit
Occaſum hinc fugiens, illinc tithonia regna,
Tergaque nimbiferos vertens contraria ad auctros.
Hujus ope haud unquam, tellus procul avia quamvis
Fugerit ex oculis, ſtygioque excita lacu nox
Tartareis caelumque diemque obduxerit umbris,
Errabis recto excedens de tramite callis:
Tantus in arcadicam rapit urgens impetus uſam!
Non tyriis olim haec nautis non cognita grajis
Res fuerat; ſolum ferri ſpectandus amore
Ante fuit magnes, durum quum ſaepe viderent
Appoſiti propius ferri vincere rigorem,

D 2

Ad

(f) Id quidem non eſt intelligendum ſine declinatione diverſa in diverſis terrae locis; quamobrem & tabulae, uti vocant, declinationum conſtructae ſunt. Inio ſi ad ingentes ferri fodinas aliquando deveniatur, non polum, ſed illas magneticam acum reſpicere certum eſt; nulluſque fere iplius tunc habetur uſus. Si vero in ipſis polis iſſique ſolis maſſae ferreae haberentur, ad ipſos tantum polos ſine ulla ferme declinatione magneticæ acus dirigerentur.

Ad sua & invisis trahere oscula viribus aera .
 Aequoreos illum primus traduxit ad usus
 Ausoniae (g) cultor , quo nunc se jactat alumno
 Parthenope , & stimulos contra jaculataque tela
 Invidiae multa famam cum laude tuetur .
 Quaeque etenim voluit , magnis contingere semper
 Ut solet in rebus , tantae decerpere laudis
 Praemia gens , tantique sibi decus addere facti .
 Cujus ut inventum paruit , prius invia stagna
 Oceani longe effusi petiere carinae ,
 Nec timuit vix audito se credere ponto
 Navita : ad eoi maris hinc felicia regna ,
 Occidui hinc alias orbis conquirere partes ,
 Ignotos & itum terrarum extendere fines .

Disce & signifero phoebe (h) cognoscere ab orbe

Quam .

(g) Primos se fuisse magneticae hujusmodi proprietatis inventores mortales multi gloriantur ; nec desunt , qui jam Sinis notam fuisse multo ante , quam fuerit Europaeis , arbitrentur . Vide *Lexicon Chambers.* ut alios mittam Scriptores , constabitque Flavio Giojae Neapolitano , qui saeculo XIII. vixit , potiori quidem jure , quam aliis , hanc esse laudem tribuendam .

(h) Methodus determinandae latitudinis geographicae est admodum facilis & expedita vel ipsis navigantibus . Minor autem Ursa , & potissimum ea ipsius stella , quae , quod in ejus cauda sita est , adpellatur
 Kue .

Quam distes; austri quantum hinc in regna, vel illinc
 In boream vergas. altus certissima titan
 Signa dabit, quodcumque tuo seu vertice supra
 Sidus inardescens, five ipsa Lycaone nata.

At non sic facile speres deprendere (i) quantum
 A mediae recta distans regione diei
 Solis ad occasum tendas vel solis ad ortus,
 Quamvis & phoeben umbra telluris amictam,
 Nigrantesque jovis comites, ipsumque nigrantem
 Saepius adspicias solem. longae omnia curae,
 Omnia adhuc magni nec certi plena laboris.
 Non tamen & dubiis vanos conatibus usque
 Hic labor exercens animos eludet in aestu
 Vel medio pelagi, rapida vel in aetheris aura,
 Si melius pateat, quam phoebe argentea distet
 Sideribus longe a fixis & solis ab orbe.
 Hoc quoque vos nautae sperate, hac nautica laude
 Ars etiam sese jactabit; & omnia vincet

D 3

In-

Kurorepas, polo proxima atque idcirco minimo acta-
 motu & nunquam occidens, aprissima est ad designan-
 dos cardines finitoris seu horizontis.

(i) Longitudinis geogr. determinandae ratio adhuc
 est difficilis illa quidem nec satis accurata; quamvis
 Sellae cujusdam ope, quam Irvinus in Anglia excogitavit
 perfecitque, in ipsa maris fluctuatione jam & majora tele-

Ingenii vis illa, viget qua Gallia solers,
 Aut metuenda mari vicina Britannia; cui non
 Audeat aequoreis quisquam contendere in undis,
 Sive opus iratos nereï contemnere fluctus,
 Seu varias artes nautarum extundere in usum.
 Quid te jam cunctos moneam praediscere ventos;
 Quid tempestates caeli, varique tumultum
 Aeris, ac motus omnes? quid signa docebo,
 Quae procul adspiciens metuas discedere terris,
 Aut properes petere ima redux, portuque subire?
 Ultimus haud etiam fuerit labor, edita malo
 Carbasa nosse manu tractare; & nunc dare ventis
 Laxa magis, nunc illa minus, modo tollere in altum;
 Et modo dejicere, aut partes obvertere in omnes,
 Quo ventus cursusque vocet. non utilis ulla,
 Jactatis aut ars magis opportuna carinis.

Forfitan heic quaeras, zephyri si flamina cessent
 Aeoliis inclusa antris, num insurgere remis

Ob-

telescopia, & Dollondianum micrometrum, aliaque
 hujus generis instrumenta non sine fructu ac magna
 utilitate facile possint adhiberi. Consule *adnotationem*
78. & sequ. ad lib. II. doctissimi sane poematis Bosco-
 vichiani *De Solis ac Lunae defectibus*. Vulgatum etiam
 recentissime ferunt in Britannia jussu illius regiae So-
 cietatis ab Harissonio novum quoddam *longitudinum*
horologium.

Obstantesq; auras possis impellere ? fluctus
 Cœu maris impellunt nautae, si quando morantes
 Vela negant implere austri, non aeolus audit
 Vota, precesque; jacent posito freta muta timore,
 Atque hilares ludunt summa delphines in unda.
 Quamvis aura minus remis pellentibus obstat,
 Caerula quam nereï; tamen ictibus illa resistit,
 Illa etiam perculsa ferit, propulsaque pellit.
 Indicio est avium sublimis in axe volatus
 Aetherio. haud etenim liquidas se ferre per oras
 Remigio alarum possent, velut aequore pinnis
 In medio pisces, nisi mota resisteret aura,
 Pulsaque in oppositas pellentia corpora partes
 Truderet, acceptoque aequalem redderet aequa
 Vi motum. subito quo impulsu in corpore utroque.
 Mobilitas oritur geminas contraria in oras:
 Hac aer, illac fugiens volat incitus ales,
 Alter & alterius vires minuitque fovetque.
 Sed quoniam pelago leviorque & rarior aura
 Alta fluit, remorum idcirco palmula, fluctus
 Quae secat aërios, solitis tibi latior ima
 Parte sui pateat, multumque agat aëra pulsu.
 Nonne etiam volucrum se multo latius (k) alae

D 4

Cor-

(k) De hac re legendus imprimis doctiss. Borellius in
 Sta-

Corporis extendunt varia pro mole, natantum
 Omnigenum quam pinnae? haud hoc natura sagaci
 Imperii nutu nequidquam provida cavit,
 Quum prima lucem nascentis origine mundi
 Hauserunt mutique greges pictaeque volantes:
 Omnibus illa dedit, quorum quisque indiget usu,
 Seu mare seu terras celebrat sive aethera purum.
 Adde quod anterior minus obstat mobilis aer,
 Quam pelagus proris rostrisque tridentibus: ergo
 Quamvis ipse magis tenuis fluat, ille carinae
 Non minor in caeli liquidis erit impetus oris.
 Sic etiam verso propere remone vel illam
 Vel partem hanc caeli cymba properante tenebis,
 Avius & certo nunquam de tramite cedes.
 Heic tamen & remos suadebo ipsumque polito
 E corio, qua parte leves temo incitat auras,
 Efficere: haud magnum sic addent pondus, & una
 Aëraque accipient melius, meliusque repellent.

Quod, si quum medio nabis jam laetus olympo,
 Saeviat extemplo nimbis ferventibus auster,
 Involvatque diem tenebris; tunc arte magistra,
 Tunc opus est animis; atrae formidine mortis,
 Adversisque finas vulgum pallefcere rebus.

Nil

Statica, in qua sane egregie de avium differit volatu,
 rotaque corporis ac membrorum conformatione ad il-
 lum necessaria.

Nil usquam miseris tutum mortalibus esse
 Jupiter ipse dedit. non vis, non ipse juventae
 Largas inter opes securaeque otia mentis
 Aut vigor, aut vernans florenti in pectore robur;
 Magnorum non imperium, non aurea regum
 Limina firma satis. miseros quid Gallia luctus,
 Quidve tuas referam spes fractas; nuper acerbo
 Funere quum regni columen (1) tibi, perdita, raptum
 Ingemes; tuque ipse tuo, quum Sequana fletu
 Auctus, ab inspecta tumuli dum mole recentis
 Extincti tibi crescit amor, violentior ires
 Oceanum iam magnum? quid jam Germania cogis
 Me tua crudelis miserantem incommoda sortis
 Nunc memorare? tuos infelix Austria casus,
 Dic luctus dic ipsa tuos, quum moesta videres
 Sub Lare Caesareo cumulari (m) funere funus,
 Quin Juno, quin posset Hymen obistere morbo.

Heu

(1) Intellige Sereniss. Delphinum Ludovici XV. Christianiss. Regis filium: cujus acerbissimam toti Galliae mortem paullo post ejusdem conjugis amantissimae mors item acerbissima consequuta est.

(m) Eodem fere tempore anno 1767. Imp. Caes. Aug. Josephi II. uxor augusta obiit Maria Josepha Bavarica, ac Maria item Josepha Archid. Austriae Ferdinandi IV. utriusque Siciliae Regis futura conjux, nisi improvisa omnibus atque acerba, quum de ipsa jam italica profectione cogitabatur, tot populorum vota mors exemplo intercepisset.

Heu pietas, heu sancta fides, & conscia laudis
 Pectora! quas lacrymas, quos fletus funera tanta
 Excivere? altae fletunt hinc Vindobonae arces,
 Vindelicique una, Rhetique, Aenusque, Lycusque,
 Danubiusque, & Danubio centum patre Nymphae:
 Hinc Padus, hinc Athesis, pubes hinc itala flevit;
 Et pater in primis viridi Seberthus ab antro
 Inter mugitusque soli, piceamque favillam,
 Atque ejecta jugo torrentia saxa Vesevo,
 Crudelesque deos nequidquam dixit, & altum
 Ingemuit. cui nereïdes, cui najades omnes
 Crinibus errantes. fusis per caerula colla
 Responsant fletu; nec rubra corallia, & ulla
 Dona parant, nec dulci iterant jam voce hymeneum,
 Sed cava luctifonis complentes antra querelis
 Funereas circum ponunt de more cupressus.
 Ipsa Venus lacrymas visa est fudisse repentes
 Pausilipi sub rupe sedens, atque ipse Cupido
 Irrita dona querens nervos evulsit ab arcu,
 Extinxitque faces, atque aurea spicula fregit.
 Nec (n) sat erat; caelo terras miseratus ab alto

Ni

(n) Maria nimirum Theresia Hung. ac Bohem. Re-
 gina semper Augusta tum temporis eodem, quo supe-
 riores Nurus, Filia, & Neptis, occubuerant, gravi
Variolarum periculosoque morbo adstrictabatur: verum
 singu-

Ni pater omnipotens faevire impune vetaret
Fortunam ulterius, servans te maxima nobis,
Austriadum te Diva potens ad publica servans
Commoda; qua lethi revocata limine ab ipso,
Sol iterum roseo nitidum caput extulit axe,
Territaque optatam viderunt saecula lucem.
Quo tamen a primo digressum hi carmine luctus
Abripuere? fatin tibi dura atque aspera retum,
Infidae & casus non posse avertere fortis
Visi homines? magnum constanti ferre laborem
Pectore, quicumque inciderit; nec cedere victum,
Dum vires, & cura valent obistere contra,
Conandum est homini; tribuendaque cetera fato.
Ergo quum rauco misceri murmure caelum
Videris, & liquidos glomerari turbine campos,
Anteveni. remis velisque incumbere nautas,
Dum licet, ipse jube: terris advertere proram
Ne pudeat, quum saevit adhuc procul excita nimbis
Tempestas, longeque incoeptant praelia venti.
Jamque malum propius serpit propiusque citato
Impete se volvit: tum circum exaestuatur aer
Correptus; resonant sylvaeque & concava saxa

Pul-

singulari Dei beneficio ac providentia factum est brevi,
ut quantum boni omnes ex ejus morbo dolorem moeroremque ceperant, tantam etiam ex ejusdem recuperata valetudine laetitiam ac voluptatem susciperent.

Pulsataeque fremunt valles . tu praepete cursu
 Interea loca tuta subis tellure potitus
 Optata , portumque ingressus munera reddis
 Junoni aeriae & tyndáreo Polluci (o) ;
 Non tamen & fugisse malum , non usque licebit
 Evasisse prius caelo , quam turbine venti
 Aurarum in medio deprensam gurgite puppim
 Corripiant . lege vela citus crepitantia , & altas
 Antennas demitte , euri vis improba gliscens
 Omnia ne frangat , ne vertat in aëre cymbam ,
 Illa suo pendens quamquam se pondere libret .
 Heic etiam fyrtes , heic scylla & saeva carybdis
 Horrendam ostentant faciem ; sunt & sua caelo
 Monstraque & infames scopuli . cave proxima faxa ;
 Ac potius mediis aurarum agitatus in oris
 Alta tene , litusque fuge insurgentibus austris .
 Ne mihi tunc montis placeat latera aspera circum
 Errare & cautes propter . vicinius urget
 Dum spatium terrae ; reperit sua funera saepe
 Nauta , procellosi in fyrtes vi turbinis actus ,
 Demersusve vadis , scopulove infixus acuto .
 Tunc quoque profuerit , si fors non laeva resistent
 Numi-

(o) Tyndaridas Castorem nimirum & Pollucem ,
 atque ipsam etiam Helenam navigantibus suppetias fer-
 re , passim legitur apud poetas .

Numina, demisso vel culmina summa rudente
 Arripere aut nemorum ramos. jam dente tenaci
 Anchora subjectis aut haesit cautibus, aut se
 Arboreo implicuit trunco; jamque ipsa carina
 Siftitur haud metuens minitanti saxa nec ullam
 Ventorum rabiem. non hanc non turbine in illam
 Abripitur partem: rapido modo fluctuat aestu.

Si vero, quoniam non ulla industria quondam
 Profuit effugiumque dedit, diiecta resolvat
 Texta ratis laterum laxis compagibus auster
 Navisfragur, solum rebus quod restat in arctis,
 Tunc age. difractae si fors pars ulla carinae
 Orbibus haeret adhuc integris, hanc cape dextra,
 Hanc tanto in casu sociam citus arripe, tractus
 Pondere ne proprio caeli labaris ab arce,
 Neu facias moriens peregrinae nomina terrae.
 Nimirum, haud ulla disruptis parte globorum
 Parietibus, non ipse cades simul additus, aura
 Sustainatus adhuc: quamvis discrimina multa,
 Et varios cursus huc illuc actus inibis
 Ventorum arbitrio; donec consistere detur
 Monte aliquo, placidis ubi solvas munera divi,
 Ceu quondam Aeolides Phaeacum (p) ejectus in oras
 Post

(p) Homerus id egregie *Odyss.* i. describit, omnibusque pingit artis poeticae coloribus.

Post sicuti casus pelagi post tristia damna .

Hactenus haec : superest artis pars ultima nostrae
 Supremusque labor . jam sat per caerula caeli
 Ivimus , ac tenues puppi sulcavimus auras .
 Rursus amor carae subeat telluris , & illam
 Quamquam humilis longe jaceat , ne spreveris altum
 Classe tenens ; illic superis pia munera nostro
 Pro reditu sociique ferunt cognataque ad aras
 Pectora : fors etiam suavi dum lumine vitae
 Nos metuunt cassos , incessant fletibus ora .
 Et iam tempus ubi reduci petere ima volatu ,
 Nubivagos fluidum paullatim rursus in orbes
 Aera furtivo ductu revocabis . at ille
 Insinuans sese penitusque ingressus ab alto
 Incipiet caelo puppim gravitate potentem
 Deprimere , atque humiles terrarum advertere ad oras .
 Haud aliter nantes undosa per aequora pisces ,
 Haec eadem (q) testum quem se intra ad munera servant ,
 Utriculum vacuantque auris , onerantque vicissim ;
 Illic ut subeat melius contractior undas ,
 Laxior heic summum contra extollatur in aequor .
 Lubricus est aer , faciliq; in concava lapsu
 Claustra subit , simul ac moti patet oris hitatus ,
 Qua

(q) Vide *Grammat Scient. Beniamini Martin.* ubi
 cap. 5. part. 4. disseritur de *Zoographia* &c.

Qua veniat. verum si quando copia maior
Excipitur, prono ad tetram cadit incita puppis
Pondere, praecipitique volans ut turbine fertur.
Ipse tibi subeat tantus, librata per auras
Sentiat inlapsum vix illum ut navis, & alte
Circumagens sese per curvos devia calles
Nubiferas sedes, lapsu fallente, relinquat.
Aspice quum celsò conspexit ab aethere scyllam
Nisus atrox; non ille supra se corpore prono
Demittit, sed torva tuens atque actus in orbem
Hac illac cursus obliquo transite carpit:
Tum propior magis atque magis, jamque aera gyro
Usque secans brevior, tenet, captamque cruentans
Antra petit, notae vel densa umbracula sylvae.
Sic melius liquida sese sustentat in aura,
Nec raptim celeri puppis redit incita casu,
At potius cardata diu. quod si aeris illa
Pondere plus justo depressa feretur ad imas
Praecipiti cursu sedes; tunc arte levanda
Rursus erit, graviorque cavis siphonibus aër
Rursum educendus. donec jam denique victor
Paullatim optata patriae potiaris arena.
Non etiam dubitem subter demittere vincla
Stupea: quæis tractis, postquam cava fragmina rupis
Implicuere arcto nexu, descendere possim,
Aera quin tentem vacuos inducere in orbes.

Ma-

Magnus uterque labor, caeloque attollere navium,
 Atque iterum reducem patriis adpellere terris.
 Quid tamen ingentis nequeat spes vincere laudis,
 Quosve neget casus superare? illa agmine martis
 In medio, armorum qua densior ingruit horror,
 Mortales pulcrum per vulnera quaerere mortem
 Impulit: illa etiam gentesque ignotaque adire
 Nomina terrarum per multa pericula saevi
 Oceani, rerumque pati dira omnia jussit
 Esuriemque sitimque atram morbosque luemque.
 Hac duce & ostriferi sensit (r) juga pontus Abydi
 Et miratus Athos sua viscera pervia classi
 Assyriae; humentesque cavis nereidas antris
 Ludere, ubi nuper dryades duxere choreas
 Cum thiafo satyrorum & monticolis sylvanis.
 Quid Lernaesa lues, quidve illa Erymanthia monstra,
 Cen-

(r) Vulgatissimus est apud Scriptores tum graecos
 tum latinos pons ille a Xerxe, quum in graeciam vel-
 let exercitum traducere, in Hellesponto constructus. De
 Atho vero praeter alios Catullus in illa pulcherrima
 Callimachiana Elegia de Com. Beren. disertè ait:

*Ille quoque everfus mons est, quem maximum in oris
 Progenies phthiae clara supervehitur;*

*Quum Medi properare (scu potius peperere) novum
 mare; quumque juvenis*

Per medium classi barbara navit Athon &c.

quod vero ad Herculis pugnâs heic pertinet, enarra-
 tione non indiget: est enim omnium sermone tritum.

Centauri aëripedesque boves & corpora strata
Geryonis, pressaque Atlas cervice levatus,
An non herculeae cesserunt omnia laudi
Edomita? audendum est, praesertim magna periculis
Laus ubi proposita, & duri seges ampla laboris
Succrescens cupidis sese mortalibus offert.
O quanta hinc veniet divinae gloria famae,
Quantus & usus erit! quamvis neque gnossia regna
In labyrinthis clausum te flexibus arcant
A patria; neque saeva times Minoia iussa,
Rexeris artifice tutum quod Thesea filo.

Nam libeat martis seu forte ad praelia classes
Aerias armare; alio sive orbe vehendas
Ad merces, qua nec pateant maria alta, nec amnes;
At spatia immensae telluris & edita cellis
Saxa jugis, hae parva dabunt num commoda naves,
Exiguumque ferent usum? tu munere tanto
Haud tentata prius pandes commercia, & omnes
Inter se gentes sociali foedere junges,
Aeterna quamvis glacieque & frigore pressas,
A borea extremos tendit qua mundus in austos.
Quid quod & effugium duris in rebus habere
Proderit, aut patriam subitis incursum hostis
Invasisse velit; crebris aut excita tellus
Moribus immanem minitetur aperta ruinam;
Aut etiam pelago exundent freta lata sonanti

E

Arva

Arva per & populo ferventia strata viarum ?
 Quid jam venatus referam, quid retia tractus
 Jacta per aerios avibus? majora supersunt
 Munera: nam poteris propius disquirere causas
 Aethera per liquidum caelique patentia templa,
 Quid ciet elisos abruptis nubibus ignes
 Murmuraque, & stellas obscura in nocte caducas;
 Utque trahit varios iris formosa colores,
 Ingentique arcu caelum secat: humor & idem
 Cur modo se in rorem matutinasque pruinas,
 Ac modo se mutat lapidosae in grandinis imbrem,
 Inque nives pluviamque; & qua vi denique venti
 Nascuntur caelo, & nubes coguntur in alto
 Aere? jamque mihi, late qua maximus orbis (s)
 Panditur, hac videor terras invisere navi;
 Atque brevi lustrare die tot dissita regna,
 Quot nec Abantiades findens talaribus auras,
 Ipse neque edomitas Nysae de vertice tygres
 Victor agens Liber cum thyrsigeris Satyriscis.
 Quippe sua tellus vel sede immota quiescat,

Vel

(s) Sic & Fontanellius in dialogo, de quo mentio superius incidit lib. 1., elatum fingit se in aëre aequilibrari, atque illinc tellurem, dum circa axem illa suum diurno motu revolvitur, contemplari.

Vel celeri (t) sese potius vertigine circum
 Vertat ab occasu nascentem solis ad ortum,
 Ac modo phoebeo partem hanc, modo detegat illam
 Spectandam jubari; simul & circumflus aer,
 Qua trahet illa, via raptim volvetur eadem.
 Ergo etiam adverso qui finderet aera cursu
 Ales, & aequali motu contrarius iret,
 Nempe ipse occasum tantum, quantum aura sub ortum,
 Subter humum spectans variantis imagine scaenae
 Continuo varia gauderet. quare age segnes
 Tolle moras; vocat ecce eurus tua carbasa surgens:
 Litore ab eoo, puppimque per ardua pellunt
 Aerios contra fluctus cum Castore Pollux;
 Ocyor ut nimbis & praepete fulminis igne
 Ipsa citae oppositam vincat vim scilicet aurae
 Tantum alia provecta plaga. fuit incitus aer
 Insequiturque simul raptus vaga moenia mundi:

E 2

Pup-

(t) *Vel celeri sese potius* quamvis enim fere
 idem haberetur effectus vel mota vel immota tellure;
 tamen placuit Copernicanam potius hoc loco hypothe-
 sim adhibere; quum & poetica magis, & vero etiam
 jucundior nescio quo pacto orbis terrarum descriptio ex
 eadem efflorescat. Itaque poetae magis quam philoso-
 phi heic auctor personam sustinere ultro proficitur: quod
 etiam in hac eadem liberiori certe, quam accurata
 geographiae ratio postularet, locorum regionumque
 enumeratione licere sibi arbitratus est.

Puppis & ipsa fluit, connixaque viribus aequis
 Stat contra, spatioque immobilis haeret eodem.
 At nova terrarum subter se pandit imago
 Interea, ac rerum novus usque enascitur ordo,
 Qua se cumque ferant oculi. viridantia sese
 Nunc nemora ostentant longe, praeruptaque versis
 Antra jugis, campique & formosissima tempe;
 Nunc fluvii vitreique lacus substrataque ponti
 Caerula, qua rapido ventorum agitata tumultu;
 Qua placido leviter motu crispata superne.
 Heic magnae incipiunt urbes se tollere caelo
 Vertice turrigero; heic raris magalia testis
 Sparsa per & valles & dumis horrida saxa,
 Effugiunt. saevus ciet hac mars praelia parte
 Sanguineam quatiens hastam; spumantibus illa
 Fluctibus in pelagi luctatur navita, & alte
 Suspiciens placida frustra me spectat in aura.

Quae quibus anteferam spectanda? hinc Adria longe
 Adsonat; hinc maior Tyrrhena immurmurat unda,
 Pinifer & surgens pater Apenninus in auras
 Centum urbes magnas, centum labentia subter
 Flumina felicesque agros de vertice gaudet
 Despicere. ex oculis sed jam fugit abdita nostris
 Ausonia, & fugiunt alpes: jam Norica retro
 Culmina rarefcunt; vix & Germania saevum
 Ad boream conversa, aliaque apparet ab ora

Divēs

Dives in ingentes Hispania didita terras .

Hinc Galli , hinc Batavi , & Belgae , parvoque Britanni

Aestu discreti supra venientibus undis

Oceani jam jam condi mergique videntur .

Dumque loquor , fugere citi : late omnia pontus

Occupat , immensaue amplectitur Amphitrite .

Ecce autem nova se tellus adtollere longe

Incipit extremam europæ transque avia thules

Litora ab occasu . salve o post tempore multo

Cognita terrarum pars maxima ! nulla tibi auro ,

Ubere nulla soli tibi se componere certet ,

Omnigenum aut seclis animantum : at quo mihi tantum

Ipsa etiam properas ? viden , hinc ut tendit in arcton ,

Hinc austrum : pars hispano ditissima regno

Mittit opes ; pars æquoreis non parva Britannis

Cessit , Gallorumque animos incendit , & acres

Subjecit nuper curarum in pectore morsus .

Pars alia advectas non uno nomine gentes

Novit ; pars etiam propriis intacta tyrannis

Servit , & agrestes veneratur barbara mores

Externas exosa manus & non sua jura .

Aurea Castellæ hæc regio , Peruanaque regna ,

Illaque Amazonidum tellus ; Argenteus (u) amnis

E 3

Hæc

(u) *Argenteus amnis* , fluvius nempe qui vulgo ab Hispanis dicitur *Rio de Plata* : vox autem *Plata* argenteum

Hac fluit, hac minio sedem posuere rubentes
 Brasiliadae, aut turpes nigrantia faecibus ora
 Hirrochoi, Canadesque atque effera nomina gentes
 Innumerae, quas nempe inter tu maxima cura
 Palladis, Uranies & honos & fama Rogeri,
 Si freta sustineas longe tot inhospita obire,
 Incedet magno solis quum parva sub orbe,
 Sideream (x) Venerem lato spectabis olympos.

O tibi

tum hispanis est. In aliorum nominum, quae heic occurrunt, inflexione, scito, poetam sequutum graecae latinaeque inflexionis rationem quamdam ac similitudinem; minimeque sollicitum fuisse in inquirenda diligentius aliorum scribendi ratione; quum id in rebus novis atque a latinorum consuetudine alienis, uti sunt haec novarum gentium ac barbararum nomina, putet profecto cuique esse liberum oportere & in soluta metro oratione & multo magis in carminibus, ubi est non modo syllabarum ratio diligenter habenda, verum etiam poetici numeri suavitas atque elegantia conqui-
 rendam.

(x) Nactus heic poeta occasionem faciendi mentionem sui Rogerii Boscovichii viri certe omni laude ac commendatione majoris, eam non praetermisit. Itaque ei, quum a Londinensi Regia Academia amplissimis conditionibus ac verbis honorificentissimis fuisset invitatus, ut cum aliis Academiae sociis in Americam navigaret, e California transitum Veneris sub solari disco anno 1769. observaturus, fausta omnia adprecatur; feliciterque optat exitum, quam anno 1761. Venetiis habuerit, ubi

LIBER SECUNDUS.

71

O tibi, dumque subit, dumque ipsa egressa relinquit
 Lampada phoebeam, caelo lux alma sereno
 Fulgeat, & faciles Zephyri plaudentibus alis
 Disjiciant nubes! ah te ne eludat inani
 Spe labor, ah cupidum rursus ne fallat, in urbe
 Ceu Veneta quondam adriacas male ludit ad oras,
 Bosphoron invisum foedaeque Propontidos arces
 Quum peteres. i, docta rapit quo innata cupido,

E 4

Ide-

ubi omnino male, tenebricosi caeli vitio, res illi cesserat. Quam quidem in rem non minus vere quam eleganter in quadam Elegia ludit Cunichius, quum eundem a longis itineribus revocaret: ait enim *Ejus desiderio torqueri sodales unanimos, qui eum nocte vocant atque die*

*Irati quondam Gillis ac deinde Britannis;
 Isti nunc Veneri, quae mala te dubios
 Per casus pelagi, bellicue pericla tumentis
 Abripit: (ah nostri si miseret, Veneti,
 Quum nondum fessus longarum ambage viarum
 Adveniens vestra ponat in urbe pedem,
 Vos illum, Veneti, si qua ratione teneri
 Est potis, injecta vel retinete manu,
 Vel cupidae ardorem mentis restringite, ne quo
 Discedat dulci rursus ab ausonia;)
 Per casus pelagi quae te bellicue pericla
 Inlectum saevos ducit in Odrysios,*

Solis

I decus o nostrum ; non tu sine laude redibis ;
 Quo res cumque cadat . sed quid moror ? ardua ponto
 Litora consurgunt Asiae , Tithonia sedes ,
 Supra Indum Gangemque supra , felicia regna
 Qua Sinae posuere oris felicibus , & se
 Ingenti (y) vallo scythico tutantur ab hoste .
 Non & Bastra vides , Seraisque , & Perfidis arva ;
 Assyrios , Parthosque , & Caspia caerulea , & amplum
 Eu-

*Solis ut incedet magno quum parva sub orbe ,
 Primus ab eoa cuncta notes specula .*

*Isti dij Veneri faciant male ; quumque subire
 Incipiet phoebe lampada flammiferam ,
 Involvat caelum nimbis densissimus auster ,
 Illa suum caeco tramite currat iter ,
 Nulli visa prius , quam longe a sole remotam
 Pastor vel durus videvit agricola &c.*

Bosphorus vero , seu potius Bosporus , graece enim Βοσπορος scribitur , heic invisus ideo adpellatur , quod quum in amplissimi viri Corrarii legati veneti comitatu Boscovichius Constantinopolim tandem navigasset , paullo post ibidem lethalem in morbum inciderat &c.

(y) *Ingenti vallo* Nempe muro illo admirandae cujusdam magnitudinis , quo tota Sinarum regio , quasi urbs quaedam continuis moenibus , circumdatur : in longum enim ad 300. milliar. German. producitur ; 40. cubitos altus est , 15. latus : quem tamen Scythae vulgo Tartari anno 1649. facta irruptione penetrarunt , mul-

Euphratem celeremque Tygrin, auroque fluentes
 Hermum Pactolumque ? Phryges haec jugera vertunt,
 Et Lydi, & Cilices, Medique, & dives arenis
 Thuriferis Panchaia & eoi Nabathaei.
 Aspice & ad laevam Nilo faecunda tument
 Aegypti late arva: en ut Memphitica pubes
 Laeta vehi gaudet circum sua rura phaelis,
 Isidaque & facilem vocat ad solatia Osyrim.
 Mox subit ardescens propiori solis ab aestu
 Et Lybia & Numidae infroeni, Getulaque Iarbae
 Regia, quem rapta fertur Garamanthide nympha
 Cinyphii genuisse Ammon ad fluminis undas.
 Quia memorem Nomadas, Maurosque, aut illa superbae
 Moenia versa solo Carthaginis? unde juvenus
 Punica romuleis alpes immisit apertas
 Arcibus, ingentemque metum. cunctantis adesset
 Ni Fabii (7) prudens in tali tempore virtus,
 Africa fors Latium premeret, Carthago maneret.

Quo

multaque regna in suam potestatem redegerunt, per
 octo annos saevissime grassati.

(7) *Ni Fabii* . . . intellige Q. Fabium Maximum,
 qui fuit quinquies Consul, semel Censor, bis Dictator,
 bis Princeps Senatus, bis triumphavit; primo quidem
 consulatu de Liguribus, anno 521. quinto autem de
 Poenis, Tarentum quum recepisset anno 542. Anni-
 balis

Quo tamen heu fugitis terrae? vix cernere partem
 Exiguam licuit raptim; volat incita cursu
 Ad dextrum conversa latus jam Graecia, jamque
 Cyclades aegaeo pariter rapiuntur ab aestu.
 O ubi Thessalia est, ubi sunt Peneïa rura,
 Amphryfusque, & Taygeti Juga laeta Lacaeis
 Virginibus, Dirceque, Alphacaeque flumina, & Aspera
 Hesiodo celebrata seni: Nemeaeaeque vallis,
 Pythonisque nemus dictum, tua Pindare fama,
 Isthmosque, argivaeque olim stadia illa juventae
 In Jovis Elaei campo. mihi laurea Pindi
 Quis nemora ostendat, quis dulcem Aganippida lympham
 Hauriat? o Helicon; o Cyrrha, o flumina sancta
 Pieridum salvet! obiti mihi totius orbis
 Nulla viret pars laeta magis; fragrantia vobis
 Medorum nemora, & niveis fulgentia baccis
 Litora Erythraei; vobis & dives odorum
 Tmolus, & Hesperidum cedunt horti, aurea cedunt
 Et

balis ferociam & fortunam constantia sua contudit;
 remque romanam, acceptis ad Trebiam & Trasime-
 num cladibus fractam, cunctatione restituit, cuncta-
 torque appellatus est. Unde Ennius primum in Anna-
 libus, deinde Virgilius Aeneid. lib. vi. de illo iisdem
 verbis cecinit;

..... Tu Maximus ille es;
 Unus qui nobis cunctando restituis rem &c.

Et Gangis regna atque Indi, constrataque late
 Vericolorato gemmarum America nitore.
 Salvete o iterum phoebo loca culta! quis alto
 Post haec aut trhacen aut jam despectet ab axe,
 Illyris adriaco ridet qua litore, terram;
 Nobilis ismario quamquam illa superbiat Orphleo,
 Haec patriae (a) notas longe mihi praeferat arces?
 O patria o mihi cara vale! feror avius alium
 In Latium toto paragrato victor ab orbe,
 Si non Eleae properans tibi munus olivae,
 Ast hedera, & lauro mixtum parnasside fertum.

Haec ego de volucris cymba cursuque canebam
 Aërio, magni dum iam ducis (b) altera proles
 Nomen avi referens hetrusca ludit in aula,
 Discit & auspiciis tanti genitoris ad Arnun
 Tyrrhenis dare jura atque aurea condere secla:
 Jamque prius (c) cecini laetus florente juventa,

Cur

(a) Patria enim auctoris est Ragusum; quae urbs
 ad Illyricum pertinet.

(b) Petro Leopoldo Archiduci Austriae, & Magno
 Hetruviae Duci hoc anno, quo editum est hoc poema,
 summa omnium gratulatione ac laetitia natus est Magnus
 Hetr. Princeps Arch. Austriae &c. Franciscus &c.

(c) Quemadmodum Virgilius in fine lib. 4. Georg. ait,
 audaxque juventa,


Tityre, te patulae cecini sub tegmine fagi

ita

Cur sonitus referant missos, cur muta loquuntur
Et nemora & rupes. at nunc helicone relicto
Musarumque choris, diae sacra munera mentis
Naturamque sequor, lenis qua labitur amne
Caeruleo tybris, magnamque interfluit urbem.

ita etiam heic poeta initium sui carminis, quod in duos pariter divitum libros *Echo* inscribitur, & cujus jam alias mentio facta est, censuit adscribendum. Ad-
dit etiam se *nunc diae sacra munera mentis naturam-
que sequi*, quod hoc tempore in Theologiae studio ver-
satur, utiturque magistris duobus viris doctissimis sa-
pientissimisque Gaspare Segovia, & Hyacintho Stopinio.

FINIS LIBRI SECUNDI.



ELE-

ELEGIARUM
MONOBIBLOS.



.... ΓΕΡΑΩΝ ΔΕ ΘΕΟΙΣ ΚΑΛ-
ΛΙΣΤΟΝ ΑΟΙΔΗ.

Theocr. Idyll. xxiii.



AD MAGNAM
DEI MATREM.



CUI dabo exiguum pium libellum
Nec satis lepidum nec expolitum?
VIRGO dia tibi . tuas libellus
Quum laudes habeat , tuus libellus
Dici vult . satis ille se putabit ,
Si non displiceat tibi , beatum .
Quod si fors placeat ; nec inpolitus ,
Nam nec illepidus , perennis aevo
Plus uno sibi plaudet , & libellos
Omnes , quot fuerunt politiores
Auroque & minio & cedro elegantes ,
Vincet exiguus pius libellus .
At nisi auxilium tui repertum
Illi erit decorisque nominisque ,
Vix notus tineis araneisque
Inter multa pusillus impiorum

*Grandia illa volumina ac venena
 Atris in tenebris jacebit usque ;
 Vel tractu levior liquentis auræ
 Unaque æriam ratem sequutus
 Ibit ludibrium favoniorum .*

*Quare illum tibi habe , tuus vocetur ,
 Sit tuus . sub hera quid oro tanta
 Vel sibi metuat , vel optet ipsi
 A me jam fieri mage expetendum ?*



ELEGIARUM MONOBIBLOS.

ELEGIA I.

Ad Virginem sine labe Conceptam.

Primam qui vetito matrem decerpere ramo
Poma malus vastis impulit insidiis;
Quique suo mortale genus late omne parentis
Unius ob noxam subdidit imperio
Lethiferum inspirans virus, quod corpore fufum
Atque anima omniigenum monstra creat scelerum:
Idem ille in colubri faciem conversus & ora
Hostis atrox veteri te quoque posse capi
Credidit arte, infans rerum purissima. non spem
Tantae illi potuit demere laetitiae
Criminis aut ulterix diri promissa (a) virago
Impresso elidens monstra nefanda pede;

F

Aut

(a) Cornelius a Lap. in illud Genes. cap. 3. *ipsa conteret caput tuum, & tu insidiaberis calcanei ejus &c.* id etiam de B. Virgine intelligendum affirmat.

Aut rubus ille vetus (b) flamma crepitante cremari
 Visus, sed nullam passus ab igne notam,
 Unave (c) diluvio referens te, diva, Carina
 Illa jugis tandem sospes in Armeniis;
 Proxima vel tellus largo dum rore madescit,
 Aridulum, ac nullo vellus (d) ab imbre madens.
 Sunt rata signa: tuæ foecunda matris in alvo,
 At non maternæ conscia labis, ades
 En concepta. prius caelesti lampade sanctus
 Nempe Amor exussit terque quaterque lumen
 Incretam, & stygii exemit mala semina tibi:
 Tum nivea finxit candida membra manu
 Sanguinis ipse legens guttas, qui purior, & qui
 Matris erat toto in corpore vividior.
 Ah fuge jam coluber: viden ut dia emicet infans?
 Te petit illa, tibi bella necemque parat.
 Hinc Amor, hinc tutam custos tegit altera pulcrum
 Gratia (e) stellanti corpus amicta toga,
Spec-

(b) Exod. cap. 3.

(c) *Requievitque Arca super montes Armeniae* &c Genes. cap. 8.

(d) Judic. cap. 6.

(e) Riccardus a S. Laur. super Eccl. omne enim, ait, *genus gratiarum, & omnia charismata virtutum intrarunt in Mariam* &c.

Spesque fidesque simul, flos ille merus virtutum,

Formosam laeto circumcunt thiaso.

Infans ò felix salve! quid vota moraris?

Annae jam nascens egredere ex utero

Nunc infans, olim virgoque parentque futura

Digna Deo; ex te una est nostra oritura salus,

Unaque tu generis lapsi pars integra, & una

Quam merito e nostro vix rear esse satum.

Scilicet Isacides priscum genus heroinae

Tantum omnes cedunt laudis honore tibi,

Quantum sublustri rutilantia sidera nocte

Fulgori cedunt cuncta hyperionio:

Qui quum se eoa mane extulit amphitrite,

Obruta inextinctis ipsa latent radiis,

Nec caelo apparent, nec pingunt aurea templa;

Ille suo tantum fundit ab axe jubar.

Et merito: nam quae parili se jactet honore,

Quae se laude tibi conferat? anne (f) Sara;

An formosa Rachele, an Debora fortis, an illa

Assyrio referens quae redit exuvias

F 2

De

(f) De Sara in Genesi mentio cap. 11. & sequ.
De Rachele Gen. 29. dicitur, quod erat *decora facie*,
& *venusto adspecu*, quam &c. Jud. lib. 4. erat autem
Debora prophetis uxor Lapidoth, quae judicabat popu-
lum &c. Vide etiam librum Judith &c.

De duce sanguinea caput a cervice revulsum?

Quae prius, eximiae quam retulere decus
Virtutis, dederant stygiis captiva catenis

Et phlegethontaeo colla premenda iugo:
Omnibus ille draco malus ingruit, omnibus ante

Cervicem impositis pressit atrox pedibus.

Cujus tu contra sprevisi sola furorem,

• Nec de te exuvias perfidus hostis habet.

Quin stygio quamvis epotum in te vomat amne

• Virus, si qua ortus laedere fraude tuos
Possit, conantem frustra vincis tamen hostem

Innocuo calcans livida terga pede,
Insultansque. magis, magis o precor usque scelestum

Auctorem, a quo sunt omnia nata mala,
Omnia sunt nobis feliciis gaudia vitae

A quo rapta, magis dia puella preme.

Ille suo ereptum per te nostrum genus iri

• Infrendens frustra jam sciat imperio;
Et sciat & doleat vesanus. cur bona cessant

Gaudia? vicit io magna puella stygem,
Vicit, & attonitis lactum mortalibus omen

Iris (g) vicinae nuncia pacis adest.

En iterum, quales nondum ullo crimine foeda,

An-

(g) *Hoc est signum foederis arcum meum ponam
in nubibus &c.*

Anguineo nondum perdita flagitio ,
Terra dabit, flores parit undique versicolores :
 Illi autem, circum dulce sonans Zephyrus
Dum volar, arguto foliorum murmure discunt,
 Ut merita es, laudes dicere sancta tuas .
Dicite jam laudes, jamque una crescite flores ,
 Quos alit alma suae terra parens dominae ;
Quosque in ferta legens dicam, tibi munera prima
 Lux mea pro domita dat styge noster amor :
Addam etiam cantus, sed quos nec Pieris ulla,
 In sylvis Phoebus nec docet aoniis ,
Humor hiantae qua defluit hippocrenes ,
 Et vatum epoto corda ciet latice .
Ingenium dabis ipsa ; unam te nostra sonabunt
 Carmina ; tu nostri carminis auctor eris .



ELEGIA II.

Ad Virginem nascentem .

Qualis noctivagae phoebes (a) nitor almus olympo
 Enicat , ac niveis invehitur bijugis ;
 Qualis ab eois nimbo conspersa rosarum
 Memnonis illa parens profilit aequoribus ;
 Qualis & imbriferas ubi guttas auricomus Sol
 Permeat , in vario lumine versicolor
 Post hyemem jam depulsam post nubila tētra
 Formosae facies iridos exoritur ;
 Talis ades nascens : quid talis ? ne bona faevi ;
 Quin potius vati parce puella tuo .
 Pauperis hoc vitium linguae , quae nescia fari est ,
 Quod videt attonitis sensibus in te inhians
 Mens animi , puras quum primum lucis in oras
 Matris felici laberis e gremio :
 Conatur tamen ipsa , potis si dicere , & omnes
 Verborum nequidquam anxia versat opes ,
 Vestigatque undas , poti queis ducere vates
Sue-

(a) Cant. cant. 6. cap. 6. *Quae est ista , quae progreditur , quasi aurora consurgens , pulchra ut luna &c.*

Suerunt ismâriis culminibus nemora,
 Atque hebrum tanaimque inhibere: heic deficit humor
 Pegaseus, sons heic aret apollineus;
 Rerum nulla refert species te, diva, venustum
 Nil est, quo non sis tuta venusta mage.
 Quippe venis, qualem voluit Sator ille supremus,
 Et voluit, qua nec pulchrior ulla fuit,
 Nec melior, volvens te (b) aeterna in mente, priusquam
 Mundi libravit moenia ponderibus,
 Effuditque auras late, certisque revinxit
 Terrarum clausum finibus oceanum,
 Sidera & immisit czelo. tu namque fuisti
 Illud opus, majus quo nihil ipse deus,
 Condidit & solem quamvis & sidera, prompsit
 E tot inexhaustas mentis imaginibus;
 Tantaque virtutis tua sunt (c) exordia, nondum
 Nata omnes omni ut decore antevoles.
 Nil igitur conferre tibi sese audeat: atqui
 Non ideo has humiles sperne puella domos;
 Has tibi praecipue rerum pater ipse paravit,
 Praecipue tellus condita & astra tibi.

E 4

Aspice

(b) Proverb. cap. 8. *ab aeterno ordinata sum &c. quando &c.* vide Expositores in hunc locum.

(c) *Fundamenta ejus in montibus sanctis: Diligit Dominus portas syon super omnia tabernacula Jacob, Psal. 86:*

Aspice fulgentem lunam, quae dum aurea caelo

Ducit fidereas nocte silente faces,

Optatum per lassā dabit tibi membra soporem

Pallidula tēneros luce fovens oculos.

Aspice & auroram: rubuere ardentia cæli

Templa, rubent longe culminaque & siluæ :

Haec tibi folis erit praenuncia . jam nova rerum ,

Quoquo oculos vertas, se facies aperit:

Tethyos en pura prodit sol alinus ab unda,

Vanescunt tremulis sidera luminibus,

Nusquam atrae est facies noctis: tantum ille coruscans.

Litore ab eo litus ad hesperium

Spicula diffundit lucis volitantia; quae se

²In septem postquam, flamina dissolüunt.

Omnibus ille suus rebus color, omnibus illa

Et forma & species floribus enituit.

Tum libani te (d) cedri, & sioniae cyparissi.

Tum vocat atque ingens palma, oleaeue viror,

Et rignu platanu campo, Hiericuntis & illa

Ambrosium os rubro tincta lepore rosa :

Dumque vocant, placidas zephyris motantibus auras,

4. Adsonat omne avium per nemora alta genus,

Collu-

(d) Eccl. cap. 24. *Quasi cedrus*. &c. Lege sis Rup-
pertum &c.

Colluditque iterans blando tua nomina cāntu :

O quae tam felix nasceris , haud metuas

Hic habitare ; tuo si nunc dignabere terram

Adspectu , veterem se induet in speciem ;

Qualem habuit , miseram quum nondum perdidit Heva

Decepta inferni fraude mala colubri .

Omnia sunt illi primum hoc de fonte coorta

Tot mala , & omnigenae semina nequitiae :

Quae cunctis natura parens infauit suorum ,

Hausere ut primae tempora vitae homines ,

Insinuat penitus ; tibi sed , quae colla draconis

Presseris in carae matris adhuc gremio ,

Haud unquam iniecit . semper curaeque metusque

Longe aberunt , falsae & gaudia laetitiae ,

Et spes & desideria atque aestus animorum ,

Transversos qui nos turbine conripiunt ,

Absorbentq; atrum in barathrum . tibi pectoris omnes

Morus pax certo foedere certa reget ,

Nulla inconstantis fortunae agitabere casu ,

Nulla tuum invadent nubila consilium :

Quae sunt recta , voles ; atque inter recta sequeris

Optima quaeque ; in te cardida lux incipit ;

In te dius Amor , puram qui saepius auras

Te levis hinc pennis evehet aureolis

In superas alte volitans , ubi purior aether

Et supra Sinaï & juga Thaborea

311

Ri-

Ridet, & haud ullo concussus turbine saevit .
Illic tu nigris altior & nebulis ,
Altior & nimbis ventisque furentibus omnes
Despicias casus, despiciasque minas ,
Queis humilis regio haec miscetur . quare age laeta
Regina o terras ingredi, ipsa decus ,
Ipsa aderis magnum columen mortalibus aegris .
Quos inter quum me videris, affer opem
Jactatoque vagoque : orto jam fidere tanto
In medio incolumis ibimus oceano .



ELEGIA III.

Ad Virginem Deo se in Templo dicantem.



TAncane te capiunt carae fastidia matris?
 Sicne audes patriis cedere liminibus?
 Ah properos cohibe gressus, quo dia puella
 Te rapis? an celsae templa petis Solymae
 Virginibus (a) virgo decus accessura? quid ehen
 Te sine jam mater, te sine jam genitor
 Heu quid agat? tecum solatia raptâ senectâe,
 Omnis tecum una lucis abibit amor,
 Iste tuus praesens quem pridem adspectus alebat,
 Nunc absens multa perdit amaritiae.
 Et quamvis te non teneant, suspirat uterque
 Attamen, ac tepidis ora rigat lacrymis.
 Ire tamen tu pergis: eunti ignoscite, tristem
 Et fletum uvidulis tergite luminibus.

Illam

(a) Multa sunt hac in re aut obscura, aut incerta; magnaque est opinionum varietas inter auctores, qui de hujusmodi argumento scripsere. Nihil tamen heic dictum est, quod cuiquam tenere dictum videri jure possit; quum ea fere omnia, quae describuntur, non levis auctoris alicujus nomine atque auctoritate nitantur.

Illam ducit Amor : dio quis pugnet Amori ?

I, quo tantus agit, sancta puella, deus :

Ipse fores referat, dextram tibi porrigit ipse,

Ut facili valeas limen adire gradu

Auratum templi limen, magis aptus in orbe

Istis quo nullus moribus esse locus,

Nulla potis mage digna domus. tu candida nempe es

Illa (b) columba, olim missa per imbriferos

Quae tractus, nondum quum federat aestus aquarum,

Abdita queis tellus maxima delituit,

Ut sedem haud reperit late omnia circumspiciens,

Quiret ubi niveos ponere lassæ pedes,

Extimuit, plusumque alis fugiens dedit, & se

Laeta iterum navi reddidit iucolumem.

Scilicet in terris alibi num sistere posses,

Heic ubi commixtum fas simul atque nefas :

Tot scelerum facies, tam multae unde undique pestes

E stygio excitæ circumeunt barathro.

Quarum nulla tuos poterit contrumpere mores,

Nulla isthuc inferre ausa pedem poterit

Te puram terrere. audin? jam numen in alma

Aede sonant, numen carmina sacra canunt,

Thureus ante aras dum se vapor evehit alte.

Tu

(b) Genes. cap. 8. *Emisit quoque columbam post eum, ut videret . . . quae quum non invenisset, ubi requiesceret pes ejus, reversa est ad eum in arcam &c.*

Tu divino adflatu intus adusta animum
Suspirasque ardesque atque uno numine gaudes
Ora sinumque tepenti imbre madefaciens.
Qualis ubi aurato subnitens cerea lychno
Concepit flammae vim facula igniferam,
Illa quidem mollita liquecit ab igne, simulque
Cuncta renidenti luce loca exhilarat.
Huic similis fletque ardesque; & jam vix capis ipsa
Plenam exultanti pectore laeticiam,
Qua focias inter gaudes jam fede recepta . . .
In templi. at verso cardine jam crepuit
Postibus oclusis heu janua. quis mihi tete . . .
Invidet, & cupidis subtrahit ex oculis?
Pande fores nimium immitis quicumque minister:
Men longe posse hac Virgine abesse putas?
Ergo te numquam posthac formosa videbo,
Abstrusam in magni numinis obsequio
Nunquam ego te adspiciam posthac? at mente tuebor,
At certe gratis pascar imaginibus;
Haud aliter quam si manifesto in lumine praesens
Praesentem obtutu conspicer assiduo.
Ac modo fiderea (c) suffusam luce videbo
Arden-

(c) Aliqua haec officia atque munera referuntur ex
iis, in quibus puellae, quae alebantur in templo, juxta
verosimiliorem opinionem exercebantur.

Ardenti sanctas fundere ab ore preces,
Quas alacer charitum circumvolitans chorus omnis
Excipit, ac sedes evehit ad superas
Astra super solisque jubar: modo sacra canentem
Carmina, vel prisca temporis historias
Volventem, ac memori figentem in corde tuorum
Illa tot adspiciam grandia facta patrum.
Saepe etiam cernam, superum famulante corona,
Adposita in tela ducere ab arte notas;
Ut varii immensos per caeli didita tractus
Numinis ad nutum fulserit haec species,
Et nihili novus e latebris emerferit orbis,
Non qualis nunc est dira lues hominum,
Cunctorumque simul virtutum triste sepulcrum,
Nescius aut ipsis cedere fideribus.
Saeva parens, tantine fuit decerpere pomum?
Te miserans coeptum forte remittit opus
Nunc mea virgo, tuosque horret dum effingere casus,
Daedala acus saepe illi excidit e digitis;
Flet quoque & anxifero suspirat pectore. quid fles?
Non tibi, sed nobis saeva parens nocuit.
Aurea quin tenui rursus velamina filo
Pinge age, & artifice pollice rursus acum
Docta cape: en quatuor video de partibus amnes
Caeruleo sedes tramite dividere
Elisas, tempe felicia; vcr ubi semper,

Pu-

Puraque ubi caelo lux sine nube micat .
Hic princeps est ille hominum ; circa volucrum vis
Plaudit , & agnoscit terra suum dominum ,
Agnoscutque ferae omnigenae , floresque videntur ,
Qua se fert , prono vertice supliciter
Ipsi etiam venerari . alia stat parte puella
Pulcra os , ac flavis conspicienda comis ,
Quas inter zephyrus ludit lascivus : at illi
Non coma , non curae est jam decus oris ; hians
Arbore sub viridi tantum stupet aurea mala ,
Quam formosa , legi non minus apta manu .
Illam anguis blande cernit , ramoque volutus
Mala inter squamis enitet aureolis .
Heu quid agit ! niveam poma ad fatalia dextram
Porrigit : ah isthoc , dia puella , precor ,
Mitte opus ! heic heya pro tristi , missa Virago
Illa polo potius magna locum teneat ;
Quae premet inferni collum fatale draconis
Siderea in flavo ferta gerens capite .
Hanc tu dum pinges , suplex venerabere , & unam
Quot fuerunt , quot erunt , matribus anteferes :
Hanc , ego te venerans , semper venerabor , & ipsam
Esse velim , vates cui placeam ante alios .

ELEGIA IV.

Ad Virginem nubentem.

Non temere insonuit laetis concentibus aura,
 Clarior & solito lumine tota nitet:
 O venias mea nympha; sacras Hymeneus ad aras
 Ecce tibi casti vincula conjugii
 Aerium caeli croceis findens iter alis
 Et gerit, & tali laude superbus ovat
 Caelicolum in thiaso. viden, ut pars candida nectit
 Puniceis pulcre lilia taeniolis,
 Pars in ferta rosas addit tibi suave rubentes,
 Quas prius ambrosio rore rigavit Amor,
 Dius Amor, numquam visus qui laetior ante
 Fulget inaurata candidus in tunica,
 Sidereoque faces succensas igne coruscans
 Jam cupit optanti tradere te socio.
 Ne dubites huic virgo tuam concedere dextram;
 Flagrat, at innocuo flagrat amore animum;
 Dicitur jamque ipse tuus, diceris & ipsa
 Jam sua, sed primum stabit utrique decus,
 Virgineus sed stabit honos, devotaque caelo
 A primo aetatis vere pudicitia,
 Hoc felix tibi conjugium deus auctor olympo
 Spoti-

Spondet, & hunc socium destinat ipse tibi:
 Hos etiam placidi vitream Jordanis ad undam
 Inter plaudentum Nāiādam choreas
 Felices dulci cantu celebrare hymeneos
 Est fuetus Salomon ille tuus proavus
 Magnorum soboles pulcherrima Jessidarum:
 Ille amor hic fuerat castus, & almus hymen,
 Cujus saepe nova capti dulcedine colles
 Palmiferi exiluire & juga cedrifera.
 At tu, cui talem factorum arcana dicarunt
 Nuptam, justitiae (a) praemia magna tuae,
 O nimium felix gaude; tibi tradita cura
 Illius est purae Virginis, ulla fuit
 Qua neque amabilius superis, neque carior usquam,
 Nec magis virgineo nobilis ingenio.
 Nam quodcumque facit, quoquo sua lumina flectit,
 Admovet illa virum sensibus omnigenae
 Virtutis stimulos, castique accendit amoris
 Non prius expertis vota cupidinibus.
 Nunc tamen haec eadem tactus exosa viriles,
 Certaue non legem frangere virgineam
 En tibi se credit, nec dedignatur amantem.
 Quippe illi in te uno tanta reperta fides,

G Omnia

(a) *Joseph autem quum esset justus &c. Luc. cap. i.*

Omnia qui tenerae praestes bona commoda nuptae,
 Atque eadem intacto corpore testa colas:
 Ac veluti amplectens vitem ulmus tristitia flabra
 Ventorum, validae sustinet atque hyemis
 Immota incurtus; carae tu nempe puellae
 Sis tale in duris casibus auxilium.
 Hoc faciet, mens haec illi; socialia tecum
 Partiri vitae commoda cuncta volet,
 Atque tui decoris (b) custos, atque additus una
 Moeroris, virgo, laetitiaeque comes
 Cetera connubii tibi cedit jura, sat uno
 Munere contentus, quod tuus esse queat.
 Hoc ipse an potuit majus contingere votum,
 An quidquam melius poscere coelicolas?
 En qua regna patent phoebe fluminantis ad ortum,
 Quaque idem hesperio tingit in amne rotas,
 In terris facies non hac formosior ulla,
 Non est & virtute auctior ulla anima,
 Fulgere cuique magis rerum illa aeterna potestas
 Eximiae semper laudis honore dedit.
 Quare agite unanimi quos jungit foedere taeda
 Pura ferens puris gaudia conjugibus,

Con-

(b) : Desponsata est viro justo non violenter ablatu-
 ro, sed potius contra violentos custodituro &c. ait Au-
 gustinus de sancta virginis.

Consulite o terris ambo : jam candida caeli
 Stillantis dio nubila rore pluent,
 Jam tellus inarata almo fecunda vigore
 Pollicitum tumido proferet e gremio
 Florem (c) Jesseum, suavem qui sparget odorem
 Stellarum sedes ultra hyperionias :
 Illaque lucidulo clausae se cōrtice conchae
 Gemma nitens pulcris exeret aequoribus ;
 Cujus naturamque simul miratur & ortus
 Doris, & invisi feminis unde vigor .
 Aetheria certe nascetur origine proles ,
 Nascetur qui vos nomine saepe vocet,
 Teque suum dicat patrem, tibi candida nympba
 Parvus ab adunotis pendeat uberibus .
 Tunc animus quis erit vobis ? quae mens bona purae
 Laetitiae admirans gaudia concipiet ?
 Illa specus bethleā, illud mihi testis & antrum ,
 Nunc tantum bruto grata domus pecori ,
 Thure olim dignanda atque ipsi aemula stellis
 Regales multo vincet honore lares .
 Dicere plura mihi vetitum ; immortalia musae
 Mortali prohibent facta docere sono .
 Et jam concussit flagrantem lumine fausto

G 2

Sub-

(c) Isai. cap. 11. *Egredietur virga de radice Jesse,*
 & Ros &c.

Subridens placide laetus Amor faculam ;
Ipsaque secreti linquens penetralia templi
 Arguta virgo concrepuit solea .
O venias nova nupta novum columnen nuptarum ;
 Annulus in sponsi clara micans manibus
Candidulum poscit digitum , quo fulgeat aptus ,
 Aeternam & fulgens servet amicitiam .
Gaude Amor , o gaude felix Hymenee , peracta
 Omnia , jam nupsit vestra puella viro ,
Et pulcro suffusa genas pudibunda rubore
 Nupta rubet , qualis sole pudoricolor
Os perfusa rubet tithonia matutino ,
 Ac roseis prodit cethyos e foribus :
Sis felix mea vita ; die si videris isto
 Me facilis , felix semper & ipse ferar .



ELEGIA V.

Ad Virginem ; Caelesti Nuncio accepto .

Quisquis ades , fer thura , pius : vos ite profani ,
Ite , & sacratís cedite limitibus :

Sidereí en rutila caeli venit (a) ales ab arce
Nuncius (alarum nosco ego . jam sonitum ,
Ambrosios nosco crines , nec fallor) , & ista
Fulgentem lactus ponit in aede pedem .

Jam subiit : quid virgo tulit ? quae verba loquutus ?

Me miserum , trepido pectore sollicita
Turbatae (b) similis suspiras . cur ita spargis
Virgineo niveas moesta rubore genas ?

Qui timor hic tantus , quae tristitia nuncia terrent

Atronitam ? certe gaudia laeta tulit :

Laeta piis hilares portendunt gaudia divi .

Felicem diae germine te sobolis ,

Felicem matres inter te dixit , & unam

Cunctis omnipotens quam pater antetulit .

G 3

Idne

(a) Luc. cap. i. *Missus est Angelus &c.*

(b) *Quae quum audisset , turbata est in sermone ejus &c.* cap. i. Luc.

Idne (c) times, Virgo, materno & nomine palles?

Ah istum trepido pone metum ex animo.

Mater eris, sed virgo simul: deus ipse parentem

Te sibi jam legit maximus, & metues,

Né tibi virgineus pereat flos? purior imo

Adflatu extiterit numinis ac melior.

En repetens animo priscorum oracula vaturn

In te illud matrum casta puella decus,

Fœcundam in te illam divinitus heroinam

Agnosco. o quid me lætius esse potest?

Quid magis optandum terris contingere? salve

Lux bona speratae conscia lætitiæ,

Salve ales, salve quot sunt Jesseïdas inter

Maxima! jam promissa ergo erit illa dies,

Ergo erit o Virgo, qua, post discrimina rerum

Multa, ignominias post tot, & opprobria,

Quæ misere patrio tulimus pro crimine fontes,

Libera jam dabitur solvere colla jugo,

Jam caelum sperare: hominum per te genus omne

Nunc melius faustis nascitur auspiciis,

Ac decus amissum spondet sibi; tu modo Virgo

Elue foemineum foemina triste scelus

Aetheria foecunda aura. si dura resistes,

Irrita per caelum vota ferent zephyri,

Mer-

(c) Luc. item cap. 1. *Ne timeat* &c.

Merfaque letheo spēs usque innabit in amne .

Haud etenim nostrae tollere tristitiae

Tantillum quisquam potius est te praeter , ab una

Nostra salus pendet nempe vel interitus .

Exitium ah nostrum ni vis crudelior Heva ,

Humani te jam tangat amor generis .

Hoc matris lacrymae , hoc genitor te poscit : an audes

Hos quoque speratis demere sideribus ?

Qui te nutribant quum parvam , tot bona totque

Eximii dotes eximias animi

Mirantes meliora sibi , meliora solebant

Haud temere sperare omni hominum generi ;

Fors quoque promissam terris te saepe putabant ,

Quae digna & diae matris honore fores .

Excidit an facinus , stygii quo colla draconis

Pressisti , quo non fortius esse pote ?

Tempore jam ex illo melius confidere nobis

Coepimus , & nostram agnoscere te dominam .

Nunc tua at immenso celebrabitur aethere fama ,

Nunc terris nullo tempore deficiet ,

Quin longo aetatum senio magis usque vigebit ,

Clarescetque magis nomen ubique tuum ;

Hesperius noscet , cultor te noscet Eous ,

Supposita & geminis ultima terra polis

Virtutemque suae colet & benefacta parentis .

Auguror : haec etiam ipsa haec domus illyricos

Aera (d) per liquidum procul hinc petet advena colles;
 O nemora, o colles illyriae, o libano,
 Engaddique jugis quae tum loca praeferet illa,
 Gaudete ipsius dum licet hospitio;
 Certatim, haec virgo hic juvenis quibus inficit ales;
 Oscula sacratissae figite liminibus.
 Non tanto gaudere diu nam munere, tanta
 Non vobis longum laude frui dabitur.
 Jam volat adriacos fugiens super ardua fluctus,
 Vectaque litoribus sedit in ausoniis,
 Qua nemora adclivi paullatim laurea calle
 Surgunt Picenis edita verticibus;
 Sedem illic cultumque volet: tu Dalmata frustra
 Desertam ut redeat rursus in illyriam,
 Litoris adversa patrii flens tristis in ora
 Sparges aeoliis vota ferenda notis.
 Illic diva sibi sedem leget ipsa, potenti
 Illic aunioniam numine diva teget;
 Excitaeque ferent illuc sua munera gentes,
 Quas & Arabs, quas & ditior Assyria,
 Indiaque aurifero submittit litore merces,
 Concharum & genitor parturit oceanus.
 Sed mihi quae subito lux emicat? annuit (e) alma,
 Annuit

(d) Vid. Tursellinum in *hiss. Dom. Lauret.*

(e) *Dixit autem Maria; Ecce Ancilla Domini, fiat mihi &c.* Luc. cap. 1.

Annuit o ! laetus nuncius ecce redit .
 Ille fecat roseis coelum pennis ; deus alvum
 Virginis in castam labitur omnipotens .
 Concipis en virgo dium sine semine foetum ,
 Nec qua in te venit , qua subiitque via ;
 Mirans agnoscis , plenam te lumine tantum ,
 Unigenamque utero noscis habere deum .
 Ceu quando florum per germina maturinus
 Lene fluens puro liquitur axe liquor ,
 Rore madent pellucidulo , rore omnia late
 Canescunt , blandum nescia qua subiit
 Intra se rorem sentit rosa , sentit & udum
 Sublucens violae purpura aperta sinum ,
 Omne genus florum sentit , penitusque recepto
 Et viget , & molli germine quisque tumet .



ELEGIA VI.

Ad Virginem in montana proficiscentem .



ERgo etiam (a) in montes atque addita montibus antra
 Audebis , patria Virgo profecta domo ,
 Ire gravis foetu , nuper concretus in alvo
 Qui tua inextincto numine dius inest ,
 Quique tibi carus certe est , quam quod pote carum
 Esse mage ? ah tenerae parcere tam refugis
 Si tibi , si quemvis audes perferre laborem
 Magnanima , & duris casibus indomita ;
 Sat Pharias olim fuerit contendere ad oras ,
 Inque Canopaeis degere litoribus ,
 Parce tuae nunc o proli miserata ; quid illam
 Excrucies ? lasso corpore languidula ,
 Aut nimium propero figens vestigia gressu
 In sentes quoties vulnificos pedibus ,
 Asperaque offendes in saxa , dolebit & infans
 Ah tener , ah vulnus sentiet ipse tuum ,
 Ingemet & gemitu audito . si tantus Elifae

Te

(a) *Exsurgens autem Maria . . . abiit in montana
 cum festinatione &c. cap. 1. Luc.*

Te consanguineae tangit amor, sobolis
Jam potior matrem tangat cura . an tibi vota
Haec puer in tacito suscitatur ipse animo ?
Sic certe est : non haec ejus sine numine fiunt ,
Ille per ignotas te jubet ire vias .
Tunc illi haud parcas ? tu frondiferas convalles ,
Celsaque montanis edita verticibus
Antra petas illo invito ? non hoc tuus iste
Nos finit in puerum credere magnus amor .
Nunc utinam comes ipse forem , ne sola viarum
Scabra per , & saevos ingrediare rubos ;
Praecurrens , quacumque ires , citus omne polirem
Virgo solum , ne quid mollibus officiat
Plantis , aut filicés , ramorum aut fragmina ; & o quam
Perstarem tanto laetus in officio ;
Quamquam ipse hinc esset longe tibi trans Atlanta ,
Trans Indum , trans & Caucaseam glaciem !
Te socia quid enim haud ausim ? sed tute loquentem
Deferis , & cupidum me renuis comitem .
I mea virgo ; regat sic te supremus ab alto
Ille pater , cujus fers utero unigenam ;
Sic dius te servet Amor ; sic serviat uni
Quidquid habet tellus , quidquid & axis habet .
Nubila jam pluviaeque absint ; sol purior igni
Splendeat , & clara luce supervehitur
Dum solitò mage latus , ubique hilares hyacinthi ,
Lilia-

Liliaque, & violae suave magis niteant;
 Omnibus & rebus veniat nova gratia, & omnis
 Jam natura omnes pandat opes dominae.
 Fallor? an & volitans rutilas huc ipse per auras
 Aligerum Gabriel agmen agit juvenum;
 Qualis formosos inter formosior ignes
 Occiduo lotus vesp̄er in oceano.
 O nymphae bona jussa ferens qui nuncius axe
 Adstiteras nuper missus ab aetherio,
 Idem tu superos inter pulcherrime divam
 Duc age, & incoeptae sis comes usque viae:
 Neve illi solis noceat vis acrior, alas
 Pande caput supra virgineum roseas:
 Pennarum objectu radii fraugantur, at illa
 Gaudeat umbroso tramite ferre pedes.
 Interdum & platano subeat defessus, neque ultra
 Tendat iter: scabro praecipue cōsilice,
 Muscus ubi, & vario vestit se gramine tellus
 . Versicolor, si fons lene sonans fugiat
 Saxa inter similis pellucidulae cristallo.
 Heic illa assideat; seu velit, aridulo
 Ore sitim relevare, oculos seu claudere somno;
 Ipse feret latices rivulus ad cyathum,
 Lumina, dum lento trepidans fertur decursu,
 Ipse soporifero murmure fota teget.
 Omnia sint jucunda: hinc atque hinc saepe volantes
 Ali-

Aligeri fratres germina odora metant ;
Et quacumque pedes virgo feret , imbre rosarum
Purpureo spargant desuper omne solum :
Pars niveis divae pedibus subjecta premetur ,
Ibit pars tremulis ludibrium zephyris ;
Qui dum frigidulo mulcentes aera flatu
Spirabunt , ramis testa sub arboreis
Suavior organico cantus dabit ore liquentes
Daulias absumpti non memor illa Ityos .
Si velit & blandis tecum sermonibus horas
Fallere , sermones cura tibi ferere
Sit, quoscumque animo scis ipse placere puellae ,
Illam quos melius posse tenere putas ;
Ut minus ignoti gradiens fastidia callis
Sentiat, optatam dum bona visat (b) anum .
Quae simul ac longe venientem a limine nympham
Viderit, occurrens protinus exiliet ,
Amplexusque ferens atque oscula dulcia figens
Haerebit dominae collo humerisque diu .
Mox etiam propiore dei jam numine plena
Fatidicos vero solvet ab ore modos :
Scilicet indignam (c) sese , quam candida visat
Vir-

(b) Luc. cap. i. ait Zaccharias : *uxor mea profectus in diebus suis &c.*

(c) *Unde hoc mihi, ut &c.* Luc. cap. i.

Virgo eadem ac magno foeta deo mulier .
At quae ibi proh ! virgo contra tu verba loqueris ,
Quam miranda , & quam (d) magnifica evolues ?
Felices , quos tu dignaris visere ; felix
Et mater , felix matris & ipse puer ,
Qui jam longaeva succrescit sanctus in alvo ,
Matris & (e) exultans rumpere claustra cupit ,
Praesentem ut videat , sibi qua veniente refulsit .
Lux nova , & insueto munere dius amor .

(d) *Magnificat anima mea* &c. cap. 1. Luc.

(e) *Exultavit in gaudio infans* &c. eodem cap. Luc.



ELEGIA VII.

Ad Virginem Divino Partu jam perfecto -



NON ver floriferum ridet, non aura favonj
 Lene ciēt pennis aequora purpereis;
 At fera Idumeos late nix obruit agros,
 Jordanisque alto constitit unda gelu,
 Frigida & hybernae volvuntur sidera noctis:
 Tu gelidae ingressa in pumicis hospitium
 Ah qualem puerum virgo paris! o bona mater,
 Quam (a) pulcher tuus est, quam puer hic similis
 Est tibi! non certe matrem rosa, non amaranthus
 Purpureo melius purpuream ore refert,
 Parvus ubi explicuit molli de cortice frontem.
 Ut capit, ut memet surripit ille mihi,
 Huc istos blande quoties convertit ocellos,
 Queis etiam posset vincere vim chalybis,
 Aut si quid chalybe ipso usquam pote durius esse.
 Vin-

(a) Psal. 44. *Speciosus forma prae filiis hominum &c.*
 Nicephorus autem Callist. hist. lib. 1. cap. 40. ait: *per-
 similis denique per omnia fuit divinae & immaculatae
 suae Matri.*

Vincor io : tantae ferre negant oculi
 Mortales lucis flagrantia spicula ; nosco
 Numen , in humano corpore quippe subest ,
 Nec tacite prodit sese . velut obvia soli
 Quum sese aut nubes , aut vapor opposuit ,
 Objectu & radios intercipit ; ille corusci
 Quamquam intercepta parte latet jubaris ,
 Haud tamen omnino tegitur , nebulamque per ipsam
 Fundit inextinctas lucis ab axe faces .
 Sed deus est quando puer editus , heicne jacebit ?
 Nec minus hoc fuerat vilis in orbe locus ?
 Heic igitur , virgo , heic inter deserta ferarum
 Lustra pruinosis pervia flaminibus ,
 Rupe sub hac scabris pendentibus undique tophis
 Nudus in agresti stramine pro viola ,
 Pro molli narcisso , pro languenti hyacintho
 Iste tuus ponat lactea membra puer ?
 Humani ille salus generis spesque unica , longe
 Proh dolor ! humano pulsus ab hospitio est ;
 Et trêmit & gelida vagit projectus in ulva ,
 Aurea sidereo cui micat axe domus .
 Te tamen hand pudeat vili peperisse sub antro :
 Tantus ubi est infans , tantaque ubi genitrix ,
 Illa capit sedes , quidquid formosius usquam est ,
 Illa ipsis domus est aemula sideribus .
 Quin etiam tempus veniet , quum rupibus hisce
 In-

Invideat tantum maxima terra decus ;
 Nilus , & Euphrates , Ister , flavusque Garumna ,
 Ille suam Aegyptum oblitus , hic Armeniam ,
 Teuthonicas arces alii Gallumque potentem
 Hac fluere undifono tramite quam cuperent ;
 Quam riguo rupes adtactu has lambere ! dumque
 Hac fluerent , solito lentior unda foret .
 Jam video & lapsis quaesitum oracula rebus
 Haec loca & Eoos & petere Hesperios
 Trans freta trans montes longe : quin martia Roma
 Hanc septemgentino vertice supliciter
 Exiguam colit ipsa specum nil aurea curans
 Illa suo quondam templa superba jove .
 Jupiter hic melior puer est : latet ille , suumque ,
 Hoc nascente , caput condidit in stygii
 Horrentes crebi latebras , informe barathrum ,
 Quo nos jam blandis egerat insidiis ,
 Ni tu dia parens peperisses . omnia nobis
 Sunt bona de tanto nata puerperio ,
 Ac gemitus fletusque atque anxiferi singultus
 Sunt versi in subitae gaudia laetitiae :
 Pax regnat , pax alma viget ; tuque inclyta magnum
 Virgo in Achemeniis nomen habes domibus .
 Laeti adsunt ; en certe adsunt , ducentibus astris
 Non rude pastorum vulgus , & agricolae ,

Ast (b) Arabum proceres delecti, primâ virorum,
Qui tibi qui puero ditia dona ferunt
Litoribus longe a patriis. hos tu bona cernes
Quum gnati ambrosios procidere ante pedes,
Laetanti excipiens vultu solabere; & o quam
Dimittes hilares rursus in Arabiam!
Illi felicem te dicent; unaque certe
Matres tu felix mater es ante alias,
Quae tantum edideris puerum; cui contigit uni
Tale decus. gremio tune fovere deum?
Tu potes & diae acclinis dare basia fronti,
Inque os lac niveis exprimere uberibus?
Ille tibi adridet, te obtutu fixus in una
Gaudet tam de se cernere sollicitam,
Ac matrem agnoscit sua tendens brachia, & ora
Quum movet, o quantum te, mea mater, amo,
Dicere hiantem videtur jamjam velle labello,
Atque tuo illius pendet ab ore anima.
O si quid merni, vatis subeat quoque cura,
Blando mense oculo fac puer adspiciat,
Fac quoque uti, foedum sit quamvis, hoc capiat cor,
Si

(b) *Ecce Magi ab oriente venerunt &c. Joann. cap. 2.
& Psalmo 71. Reges Tharsis & Insulae munera offerent,
reges Arabum &c.*

Si capiet, nivibus purius illud erit,
Nec mihi jam posthac, tibi vivam at, virgo, tuoque
Huic puero, quo nil exat amabilius,
Seu gelidum resonis implet vagitibus antrum,
Lactea seu ridens ubera forte petit.



ELEGIA VIII.

Ad Virginem se in templo lustraturam.



ET si Amor aetheria gravidam te fecerit aura,
Dius & intacto prodierit gremio,
Natura mirante, puer; qualis vitreum (a) lux
Effluit innocuo tramite per speculum,
Aut pellucidulam per aquam; tamen o mea virgo
Candida, & a partu purior ipsa tuo,
Tunc etiam matres inter lustranda profanas
Alta palestinae templa petis Solymae;
Cura nec illa subest, ah te ne ignara virorum
Turba putet reliquis matribus assimilem,

H 2

Vul-

(a) S. Basilii orat. in nativ. Christi, eandem adhibet similitudinem; & Cornelius a Lap. in cap. 2. Luc.

Vulgaresque inter ponat male? quo tuus ille
 Nunc magnus cessit virginitatis amor?
 Quo tua fama? ista non certe lege teneris:
 Lex ea in immundum lata puerperium est.
 Nulla in te humanae fuerunt (b) contagia labis,
 Nulla itidem in pura culpa pianda manet.
 Atqui etiam (c) geminas dulci fers dona columbas
 Pro gnato, niveis qui tibi ab uberibus
 Abstractus patrias jamjam sistetur ad aras,
 Ac superos terris pacificabit heros.
 Heic aliquid certe majus latet: eja age custos,
 Aerato templi cardine pande fores;
 Thure vaporatam; lustrali & rore parentem
 Excipe, quaeque tulit munera suscipias.
 En subit illa: veni jam, virgo, piacula prima
 Facta, licet sancta ponere in aede pedem;
 Quisque locum tibi cedit, & admiratur euntem.
 Tu dejecta solo lumina, corde precēs
 Concipis in tacito, pudibundo incedis & ore

Ad-

(b) S. Bernardus *serm.* 3, *de Purif.* ait: *nihil in hoc conceptu, nihil in partu impurum fuit, nihil illicitum, nihil purgandum.... vere o beata Virgo vere non habes causam, nec tibi opus est purificatione.*

(c) *Levit. cap.* 12. *quod si non invenerit.... poterit offerre agnum; sumet duos turtures, vel duos pullos columbarum &c.*

Admissæ veluti conscia si maculae,
 Multarum una fores veluti si foemina. mirum .
 Ah frustra quaeris jam decus oculere ;
 Te vultus tacitam prodit tuus . aspicias ? unam
 Te cupit , in te inhians ille senex (d) oculis
 In media gestit solam te visere turba .
 Ut magnæ præfert gaudia lætitiæ ;
 Utque tuum amplexu gnatum petit ! o bona mater ,
 Felicem oprato pignore redde senem ,
 Ne renuas cupido tantisper tradere natum .
 Dic age , quid viso tantum inhias puero ?
 Quid tantum in pulcra tibi mens stupet heroina ?
 Certe est & soboles nota tibi & genitrix .
 Ac velut Eridani ripis , aut Asia circum
 Flumina , vicini conscius interitus ,
 Lætior ingeminat jucundo gutture cantus
 Albus olor , resonant & nemora & filiaæ :
 Tu quoque sic nimium felix jam morte sub ipsa
 Fatidica ad suaves ora modos aperis .
 Scilicet haud vitam (e) producere longius optas ,
 H 3 Quum

(d) Luc. cap. 2. cui nomen Simeon , & homo iste iustus & timoratus , expectans consolationem Israel , & Spiritus Sanctus erat in eo &c.

(e) Accepit eum in ulnas suas , & benedixit Deum , & dixit : Nunc dimittis servum tuum , Domine , secundum verbum tuum in pace ; quia viderunt oculi mei salutare tuum , quod parasti &c. Luc. cap. 2.

Quum jam pollicitam videris aethero
 Semine progeniem, nostrum quae sanguine crimen
 Eluet, & claro lumine discutens
 Noctem atram, late magnum quae sparsa per orbem
 Mortales misere nigra acies hebetat,
 Plorantesque vagosque & tantae lucis egentes
 Nos ducet sedem Caelicolum in superam;
 Ulla nec oceano tellus extrema refuso
 Illius sese subtrahet à radiis.
 At quos tu memoras (f) luctus? quae dira parenti
 Supplicia? anne ullus tam ferus extiterit,
 Qui non depereat puerum, qui mollia matris
 Transadigat ferro pectora luctifico?
 Ah metuas ne virgo; tibi jam pignora reddit
 En senior; quin tu sancta quod instat, age:
 Siste patri unigenam, cujus nunc fama feretur
 Inclyta trans Indos, trans & Hyperboreos;
 Cumque sua matris quoque fama vagabitur ingens,
 Magnanimum superis hoc bona si dederis
 Munus diva. videsne altum discedere caelum,
 Mirari & cupido lumine caelicolas
 Jam non infestos mortalibus aerumnosis?

Ipse

(f) *Ecce postus est hic in ruinam . . . & in signum cui contradicetur; & tuam ipsius animam pertransibit gladius &c. Luc. eodem cap. 2.*

Ipse deum tanto munere jam genitor
Gavifus ponit minitantiâ fulminâ dextra;
Hostia pro innumeris millibus una sat est.
O factum bene ! progeniêm tu sistis ad aram.
O puer , o humani unica spes generis
Rite sacerdotum manibus nunc victima patri
Dum tu magna volens sisteris , o nimium
Felicem his me si vinclis , si corpore solvas !
Primus uti in sedes nuncius Elifas
Adveniam ; atque idem spectaclî testis , ego hîsce
Vidi oculis , dicam , vidi egomet , proceres
Ifacidæ o fidi , puerum , quem sæpe vocastis
Solliciti multis non sine muneribus ;
Quem fore victorem , quemque unum nostis olympo
Vos posse ac rutilis reddere sideribus .
Ipse patri se devovit ; gnatum optima mater
Obtulit immortale ausa animo facinus .
Audiet heroum hæc hilaris chorus , audiet Heva ,
Illi & manabit conscius orê rubor .
Sin , hoc ne immeritus possim contingere votum ,
Abnuis , at liceat dicere carminibus
Matrem , sancte , tuam , liceat mi ferre per ora
Hæc ipsius facta atque alia atque alia :
Tuque eris in caræ matris pars carmine magna ,
Suavius admixtum nomen utrumque sonat .
Annuit ecce puer votis , tuque annue virgo ;

H 4 Dona-

Donaque fac rata sint pro pietate mea.
 Omnia jam sperem: nihil est potis illa negare,
 Quae modo pro me gnatum obtulit ipsa suum.



ELEGIA IX.

Ad Virginem stantem juxta Jesu Crucem.



SI quid mi vere miserum contingere, si quid
 Mi potuit, fixo vulnere quod penitus
 Ipsam sedem animae laniaret; contigit eheu
 Id certe, quum te laeta prius genitrix,
 Laeta & cunctarum fortunatissima matrum
 Heic video, heic cari supplicium capitis,
 Spectantem & lethum, quo nec crudelius ullum;
 Nec mage probrosum jam queat accidere.
 Vac miserae! quali dicam te fervere luctu,
 Curarum quantis millibus intus agi?
 Quamque alto absorbens aeruminae (a) vortice amaror
 Tri-

(a) Juxta illud Thr. 2. *Magna est velut mare contritio tua* &c. cum prius dixisset Jerem. *Cui assimilabo te, aut cui exaequabo te, Virgo, filia Jerusalem?*

Tristis in abruptum te pepulit barathrum !
 Nam mihi quid matrem (b) memorant Ismaelis ? illum
 Quid, nati postquam (c) sanguineas retulit
 Exuvias fraterna manus, patrem externatum
 Et gemitu & luctu perdito ? uterque dolor
 Magnus, at aequandus non isti: vincis ut omnes
 Prolis amore, ipsa & moestitia superas,
 O mater, quid jam mater ? tune illa beata,
 Aetheria & felix dicta parens sobole,
 Tune illum edideras, quo non formosior alter,
 Non erat in terris alter amabilior ?
 Heu nimium brevis ille fuit decor, heu nimium flos
 Ille cito casu languit aridulus.
 O ubi caesaries flava est, ubi candor, & ille
 Purpureus niveo mixtus in ore color ?
 Quale rosis lac puniceis si sparserit, aut si
 Ostro inflammavit candidulum quis ebur.
 Illa ubi delituit species, ubi lumina, sidus

Ah

(b) Intellige Agar, cujus in Genes. fit mentio
 cap. 16.

(c) Tulerunt autem tunicam ejus, & in sanguine
 haedi, quem occiderant, tinxerunt sciſſisque vesti-
 bus, indutus est (Jacob) cilicio lugens filium suum (Jo-
 seph) multo tempore noluit consolationem accipere;
 sed ait, descendam ad filium meum lugens in infernum &c.
 Genes. 37. cap.

Ah geminum, & dulci dulcia melle magis
Verba, leporque, quibus per frondiferas convalles
Perque juga & saltus & nemora & scopulos
Attonitum oblitumque lares ac tecta trahebat.

Post sese dio vescier adloquio

Optantem vulgum. vix ipsum agnoscere mater

Nunc potes; effusus lurida membra cruor,
Liventisque notae flagrorum unde undique foedant,
Vulneraque inflictis addita vulneribus,

Ulla nec in lacero pars integra corpore restat,
Nullaque vulnifico pars caret exitio.

Tempora proh! spinis cohibet paliurus acutis;

Harum aliae infixa cuspide per cerebrum
Perque genas fecere viam, miserabile visu,

Horrendumque! oculos per medios aliae
Lustificam exertant aciem madidamque cruore:

Qui partim guttatim imbre fluit tepido,
Partim etiam undanti rivo per membra volutus
Uberrim duros inrigat & lapides.

Nate deo, ah nimium fluxit jam sanguinis; ah jam

Parce precor, curnam te amplius excrucies?
Tanti igitur mortale fuit genus? huccine tandem

Nostri salus, huc te nostri amor abripuit?
Poenarum satis exhaustum, jam desine; & ipsi

Ni tibi vis, matri lux mea parce tuae;
Quae moesta attonitos nusquam declinat ocellos

A te

A te jucundo germine ; nil loquitur ,
 Sed (d) stat , & aegrescens pallet ceu saxea , fletus
 Et premit (e) aegrescens saxea uti effigies .
 Nempe & verba dolor , moesta & suspiria magnus
 Obruit , atque ipsis clausit iter lacrymis ,
 Ne quod sollicitae lenimen forte veniret ,
 Neu minor in penito cura animo fureret .
 Una duos dabit exitio , lux ipsa parentem
 Heu rapiet , gnatum quae rapit exanimem .
 An non suffixum sic foedo in stipite mater ,
 Sic te discerpto corpore suspiciens ,
 Pallentemque aegrumque & lechi limine in ipso
 / Protinus ereptis sensibus ipsa cadet ?
 Infelix : non certe illi praecordia circum
 Stat lapis , aut duro dura rigeret chalybe .
 At rigeat : tellus nonne ipsa excita dolore
 Bruta cavernosis ingemit e latebris ?
 Velle minatur & horribili subsidere hiatu
 In Styga ; flent montes , fluminaque , & nemora .
 Neu tantum aspiciat titan scelus , abdidit atro
 Axe jubar nigram conditus in nebulam ,
 Arden-

(d) Joann. cap. 19. *Stabant autem juxta crucem Jesu Mater ejus , & soror &c.*

(e) Juxta illud S. Ambrosii *Consol. in Valentin. obit.* dicentis de eadem : *Stantem lego , flentem non lego &c.*

Ardentesque oris radios extinxit, & auream
Detraxit flavo caesariem capiti
Umbrarum per opaca horrens; cui sanguine sparsa
Jam soror atratos obvia jungit equos,
Inlucitque polo stellas, quae triste micantes
Funereas referunt nocte silente faces.
Quid mater? quae dira suis quot vulnera natus
Corpore habet, totidem saucia sentit amans
Cuncta suis impressa locis. Amor insidet illi,
Et laevo in miserae sculpsit atrox latere
Exanimem nati effigiem, teloque cruento
Iplius usque instans pectora transfadigit.
Ferreus alii certe est, & ferro durior ille,
Qui tantam potis est cernere saevitiem.
Parce Amor o quovis crudelior hoste secare
Multifido innocuae Virginis ense sinum.
Ecce suae in matris nescit se pectore gnatus,
Illa refert gnati vulnera quaeque sui;
Sauciat atque parens gnatum, gnatumque parentem;
Alter & alterius pendet ab ore ramus.
Numnam etiam audebit cari moestissima virgo
Perferre extremum pignoris interitum?
Ipsaque frigidulos manibus componere ocellos,
Sparso & sanguineas tergere crine notas?
Hinc ah cede procul: gnati latus impetit hasta
Miles, & aerata cuspide cor terebrat.

Ah

Ah procul hinc concede: a parva Virgine noram
 Magnanimam, sed quae maxima jam potuit
 Esse, fuit virtus; simul ipsa animam exhalabis
 Cum nato, ipsa cades victa dolore simul.
 Jamque labat: comites o fidae abducite divam;
 Nullus & extincti nuncius adveniat:
 Incolumem servate; illi dum caussa doloris
 Filius edomita morte crebique duce
 Victor ovans clara det sese in luce videndum,
 Spargat & optatae munera laetitiae,
 Ante alios matri ostensus, cujus mihi luctus
 Nunc ipsam & vocem surpuit atque animam.



ELEGIA X.

Ad Virginem terris decessuram.

QUOD mihi curarum faevis tot fluctibus actō
In vita reliquum dulce levamen erat,
Coeperat & quo uno mitescere tristis amaror,
Atque dolor fieri in pectore jam levior,
Sollicitum qui me tenuit, qui mi expulit omnem
Laetitiā ac suaves delicias animi,
Ex quo deseruit tua nos illa aurea proles
Ille deus magni numinis unigena;
Id quoque nunc raptum virgo mihi. scilicet ipsa
Caelicolum properas addere te choreis
Astra super longe a terris flammantia templa.
Gaudia tecum una, tecum abeunt charites,
Et nostras quaecumque valent solatia mentes
Lenire, ac tristem demere moestitiā.
Nam qualis per prata, nigrae post nubila brumae,
Post & threicii sacvitiem boreae,
Lenior adspirans genitabilis aura favoni
Surgit odorato chloridos e thalamo;
Aut qualis tumidum nautis pavitantibus aequor
Lucida hyperboreo stella sub axe micat:

Talis

Talis erat nobis virgo tuus aurea vultus ,
Tali praesentes usque juvabat ope .
Scilicet una aderas mortalibus aerumnosis ,
Quaecum nil illis triste timere fuit ,
Qua sine nec gratum contra nec amabile quidquam est .
Cui me , cui flentes deseris ah focias
Thaboridas nymphas , nymphas libanitidas ? esse
Profuit expertem quid patrii sceleris ;
Quid magnum intacta numen gessisse sub alvo ;
Non minus ingratae funera persephones
Ipsa , etiam si tu subeas , fatoque perempta
Heu propero hinc alias abripiare plagas ?
Nonne tuum est , quodcumque vides ? tibi sidera mundi
Hic varius rerum vertitur ordo tibi ;
Et perfusa tuo formosa est lumine tellus ,
Adspectu & recreas , quidquid ubique viget ,
Omnia quae contra nunc squallent , omnibus omnis
Effugit e rebus te fugiente decor ;
Atque atrae apparent facies : ipse ignea titan
Auricomus rutili languidior jubaris
Spicula diffundit ; quae , dum sublimis ab axe
Lustrat idumei thaboris hospitia ,
Eque tuis virgo succendere suevit ocellis ,
Et fieri adspectu clarior ipse tuo .
At non ille miser ; neque enim pote noscere damna :
Nos miseri , nos hic perdidit interitus .
Qui

Qui bona quot rapuit nobis, tot munera laudum,
Tot tibi nunc meritaë gaudia laeta feret:

Ut quae una heic fueras pulcherrima formosarum,
Sis quoque in aetheria maxima honore domo.

Debuit anne diu in terris haec forma morari,
Aut laude haec virtus tanta carere diu?

Hoc igitur quamquam sit continuis lamentis
Deffendum nobis flebile diffidium,

Jam non & doleo, laetor magis: anne parentis
Aetheriae meritis laudibus inuideam?

Jampridem o caelo digna ac fulgentibus astris
I, regina, domos ingredi o superas:

Sat tellus tibi culta diu est: nunc regia caeli
Te vocat effuso caelicolum thiaso

Effulgens late; tibi plaudunt sidera, & una
Aurea flammeolo (a) ferta parant capiti.

Ecce altae patuere fores; viden omnia divum
Aguina in occursum laeta volare tuum?

Ardenti viden & caedas dum quassat olympo,
Pulcra Amor ut pulcher fulgeat in chlamyde?

Ille praecit nubem; qua tu levis astra subibis
Flaventis rutilam lumine crysolithi,

Ac variis mira arte coloribus intertextam,

Iris

(a) Apocal. 12. & in capite ejus corona stellarum duodecim &c.

Iris ceu suevit fulgere versicolor.
 Qui fremitus circa comitum, quae carmina, quantus
 Undique odor suavis funditur ambrosiae!
 I felix: verum ipsa inter tot culmina laudum,
 Tantaque caelestis gaudia concilii,
 Si bene quid, de te merui, ne sperne jacentem,
 Neve sine immemori me effluere ex animo.
 Ah procul iste metus, non es, quam gloria muret:
 Hinc cedes, nostri sed memor usque (b) feres
 Sidereo magni c solio regina tonantis
 Optatam in duris provida rebus opem.
 Usque aderis terrae; sua per te fulmina ponet
 Jam deus, & fontes pandet opum omnigenos,
 Orantem quoties blande conspexerit: isti
 An matri quidquam deneget omnipotens?
 Sed levis ex humili surgens tellure per altum
 Jam veheris, jam nos deseris aethereis
 Circumfusa choris, rutilaque evecta per auras
 Languidulis tete subtrahis ex oculis. (thus,
 Jamque lates: qualis (c) quondam quum suave halans

I

Uri-

(b) S. Benard. ferm. de nat. virg. Sic est, ait, voluntas ejus, qui omnia nos habere voluit per Mariam &c. Et Augustinus; sicut omnibus sanctis est potior, ita omnibus sanctis pro nobis est sollicitior &c.

(c) Quae est ista quae ascendit per desertum, sicut virgula fumi ex aromatibus myrrhae, & thuris, & univ. pulveris pigmentarii &c. cap. 3. Cantic.

Uritur, aut costi gramen Achemenii,
 Excitus ille solet multo vapor igne per aras;
 Qui late in campos diditus aërios
 Fragrantique hilarans minus arque minus loca odore
 Spectantium cupida diffugit ex acie.
 O ubi es? ah liceat nutantibus aëra pennis
 Findere, & aurati limen adire poli,
 Aligeros inter juvenes quum regna triumpho
 In tua regifico vestra pedem intuleris,
 Quumque tibi dulci (d) occurrens cum conjuge proles,
 Ostendens & opes, quas habet illa domus,
 Imperii (e) sociam bona diva acceperit. ut te;
 Coesiculae attonito lumine suspicient!
 Ut subito impleri laetum dulcedine pectus
 Quisque nova adventu sentiet alma tuo!
 Ipsa autem immenso divini in lumine vultus
 Absorpta ut penitus sensibus exilies!
 Cur tenet ah tellus? utinam super aethera vester;
 Aoniis valeat lympa petita jugis.

(d) *Quae est ista, quae ascendit de deserto, deliciis affluens, innixa super dilectum suum?* Cantic. cap. 8.

(e) *Astitit regina a dextris tuis, in vestitu deaurato, circumdata varietate &c.* Psal. 44.

IDYLLIUM I.
 IN NUPTIIS
 ABUNDII REZZONICI
 CLEM. XIII. FRATRIS F. URBIS SENAT.
 ET
 HIPPOLYTAE
 BONCOMPAGNIAE LUDOVISIAE &c.



V A T E S .

Nymphae, Castalides nymphae, jovis aurea proles,
 Munera si quando fuerunt mea dulcia vobis,
 Nunc o, linquentes lauri nemus, & juga pindi
 Florea, vos cupido hoc vati concedite munus.
 Numine opus vestro. toto nam gurgite tybris
 Dum vocat Hippolyten, dum laeto murmure colles
 Romulei, laudesque sonant & nomen Abundi,
 Quem generum venetaeque omnes omnesque latinae
 Optavere sibi matres, an pectore vota
 Solus clausa tegam, nec quid mea carmina possint.
 Experiar, nec dona feram parnassia sponis?

Carmina sunt dicenda: adsunt non aurea vati
 Poculaque, & pario spirantia marmore lingua,

Quae donem, gemmaeque, & candenti ex Elephanto
 Crateres ebeno picti: non murice vestes
 Adfunt fidonio rutilae, nec mollia Serum
 Vellera, quae tenui pulcre discreverit auro
 Docta manus, varioque ornarit daedala cultu.

Carmina sunt mea dona. utinam, dum pronuba lucet
 Fax bona, post longum qua non felicior arsit,
 Haec quoque conjugibus placeat sylvestris avena!

Dicite Pierides: tenuem nec Abundius odit,
 Culta nec Hippolyte cantum; dii amant quoque sylvas,
 Jupiter & gracili pastorum gaudet avena.
 Dicite: barbaricis opibus, spoliisque superbas,
 Nunc veneri myrto sacra, nunc floribus auctas
 Ecce triumphales Capitoli Hymenaeus ad arces
 Et volat & festas inter subit atria voces
 Connubii jam vincla, novis jam munera sponsis,
 Sacra dionaeae portans jam gaudia taedae.

Quid spolia heic cerno, quid tela, & sanguine cristas
 Rorantes? tecum tua sint fera munera Mavors;
 Pacis Amor deus est; pacali evinctus oliva
 Hymen o Hymenaeae subi Capitolia. jam nunc
 Laeta Quirinali procedet culmine pompa;
 Dia venit jam nupta, venit jamque omine fausto
 Dius & ipse sua pariter cum conjuge sponsus;
 Et Venus in bijugis & Amor vestatur iisdem,
 Aurea poma manu tenet illa, hic lampada quassat.

Cer-

Cernitis, ut juvenis blando suspirat amore
 Saucius, atque oculos optata in virgine figens
 Mille faces ac tela imo sub pectore sentit?
 At nympha unanimi flamma succensa nec ipsam
 Jam matrem ah! dulcem matrem, carumque parentem,
 Non fratres, patriasque animo reminiscitur aedes:
 Usque adeo gaudet formosi conjugis ore.
 Talis & Andromache priameïo in Hectore flagrans,
 Talis & aligero quondam jove Tyndaris orta
 Inter zmycleas forma pulcherrima nymphas
 Ibat in Atridae flavi spectanda cubile.

Vos Jovis o Themidisque, Horae, gratissima proles,
 Eunomieque Diceque atque Hirene praedives
 Ducite io pompam; tuque o praecinctus oliva
 Hymen o Hymenaeæ subi Capitolia: tempus
 Spargere nunc flores, nunc circum mille volantes
 Idalii pueri limen late omne rosarum
 Puniceis sternant foliis, & molli hyacintho,
 Et paphia myrto bene olenti: Juno puellam
 Cum Venere in thalamum ducant; Hymenaeus, Amorque,
 Ambo hilares, ambo juvenem comitentur ovantes,
 Et rutilas de more faces & ferta ferentes.
 At chorus aequalis charitum per mutua nexis
 Inter se manibus celeri plaudant pede terram
 In numerum, serus veniat dum vesper olympo.

O Amor, o Charites, o Hymen, o Hymenaeæ

Dicite io, magna jam dicite vocē, triumphae,
 Rursus io, magna ter dicite vocē, triumphae,
 Partus honos ingens, parta est victoria vobis;
 En subeunt sponsi Capitolia celsa. quid ultra
 Demoror? o fatis animae felicibus ortae
 Salvete, o caelo missum genus! aurea vitae
 Fila neant vobis concordī foedere Parcae:
 Omnia fausta precor. magnis vos aurea vitae
 Ducite conjugibus, Parcae, sic ducite fila.

Myrtus ut idaliis, ut crescit Amaracus hortis
 Fertilis assimili foetu, quem candida Nais,
 Quem sibi Amadryades studio fovere puellae;
 Sic domus haec simili succrescat prole parentum,
 Virtutemque decusque utroque e stipite ducat:
 Ducite conjugibus, Parcae, sic ducite fila.

Ut viridi nunquam vitis divellitur ulmo,
 Quum semel implicuit ramos, amplexaque inhaesit,
 Frigore ni boreae, calidi vel sideris aestu
 Areat alterutra; o vestrum concordia fervet
 Sic thalamum, stabili sic vos jungat amore!
 Ducite conjugibus, Parcae, sic ducite fila.

Castā pudicitiam fervet domus usque, nec unquam
 Justitiam pacemque optet; tum sedula virtus
 Assideat foribus custos, tum copia pleno
 Semper opes cornu fundat, nec cesset avara
 Usque novas praebere, inopi quae dentur amico:

Du-

Ducite conjugibus, Parcae, sic ducite fila.

Rezzonidium propriumque fuit, propriumque manebit,
Non sibi, sed miseris ditescere, vos mihi testes
Romulidae, me vera loqui, me nota, quis unquam
Largius effusa stipe vos adjuvit egentes,
Quum malefuada fames, quum fata adversa premebant?
Ducite conjugibus, Parcae, sic ducite fila.

Testes & Venerae, testes Antenoris arces,
Quae toties sensere manus CLEMENTIS, & una
Indoluere, alio quum talem abscedere longe
Imperium in magnum viderunt, nec sua tantum
Possè, sed alterius solatia quaerere gentis:
Ducite conjugibus, Parcae, sic ducite fila.

Quid Nymphae gentemque loquar, proavosque atavosq;
Magnanimos? quid jam geminos, duo maxima Romae
Lumina, Gregorios? quorum benefacta sielebit
Aetas nulla, licet veniat labentibus annis
Invida gens, tantam cupiat quae carpere laudem:
Ducite conjugibus, Parcae, sic ducite fila.

Progenies jam qualis erit? non deficit agros
Insita vis, nec poma suos oblita saporos
Degenerant, adfit cultus modo, sic bona gentis
Semina, sic virtus tardos transmissa per annos
Deficit haud unquam venturos, alma nepotes:
Ducite conjugibus, Parcae, sic ducite fila.

Aurea progenies ergo florebit in oris

Romuleis, si non vestris maioribus unquam,
 Nympha tuis simul alma, tuis simul inclyte Sponse,
 Dissimiles Latium natos, prolemque videbit;
 Utraque gens claro majorum gaudet honore:
 Ducite conjugibus, Parcae, sic ducite fila.

O venias formose puer: te voce vocare
 Audita per noctem umbrae manesque piorum
 Romulidum: seu bella juvent, seu civica jura,
 Seu libeat, rutilo spectandum effulgere in ostro
 Palladis inter opes musarumque otia sacra,
 Haec exempla tibi Tarpeja ex arce petantur:
 Ducite conjugibus, Parcae, sic ducite fila.

Quo tamen ah nimium fidens feror? ah male caute
 Desine musa: tibi nondum sunt grandibus aptae
 Vires, non dignae romano Consule laudes.
 Vatibus haec servant aliis dij facta canenda,
 Calliope quibus alma faver, quibus augur Apollo
 Jam nunc venturos tam claro e sanguine natos
 Enumerat gaudens, & fata arcana recludit.
 Fors & ego accingar, vires quum firmior usus
 Adjiciet. vos interea vitae aurea fila
 Pergite ducentes concordii numine Parcae.



IDYLLIUM II.

*FACTA BARBARORUM IN PALESTINAM
INCURSIONE, CONQUERITUR
PASTOR BETHLAEUS*

ALEXIS.

H Ostis adest : patriis extremum in collibus herbas
Carpite oves, tenero dum canent mollia rore
Gramina, & egelidis zephytus strepit aliger auris.
Ite citae : Daphnis vos en agit. o bone Daphni
Pasce pecus, rabidoque agros quum torridus aestus
Sol findet, satutum vitrei duc fontis ad undas.
Lucus ubi, & placidi Jordanis frigida ripa.
Ipse heic bethlaea moerens sub rupe jacebo ;
Rupe sub hac nostro juvet indulgere dolori.
Nil nostri misereris ? Alexis te tuus orat,
Ipse tua sub rupe dolens Bethlaeus Alexis ;
Cui saepe hirsutos longe a praesepibus urfos,
Et duros ovibus voluisti avertere morbos,
Te vocat auxilio o divum puer, o hominum rex.
Nam quid jam misero restat ? furit impius hostis,
Arma fremunt gentes vicinis undique regnis ;
Hinc Arabes, hinc en rapidis Memphitica pubes
Fertur equis. nos jam fuimus : pastoribus arva

Or-

Orbantur, stabula alta ruunt. quod gens tua tantum
 Flagitium admittit? diversas quaerere terras
 Cogor, & exilio sanctos mutare recessus
 Aeger, inops. vos o fontes, vos o juga celsa
 Thaboris, ah superum quondam lustrata choreis,
 Grata deo sedes; solymae vos pulcra valete
 Pascuaqua irriguique amnes sylvaeque lacusque.
 Tuque vale tu dia specus, tu conscia partus
 Virginei, dilecta vale domus. ergo ego numquam
 Te visam? numquam cunas, atque annua sancti
 Natalis jam sacra colam? quis limina sparget
 Pallenti viola & ferrugineo hyacintho
 Mollia odoratis miscens vaccinia calthis?
 Sertum quis puero nectet? vel carmina dicens
 Placabit pecori numen, pecorisque magistris?
 Phylli, rosas jam mitte; argutam pulcher avenam
 Frange manu o Coridon: fuerunt haec otia nobis;
 Pars Arabum montes, pharias pars ibimus oras.
 Ibimus heu! puer alme, neque echo garrula posthac,
 Non platani, aut resonae referent tua nomina valles.
 Nemo. tui jam cultor erit, tibi munera suplex
 Nemo feret; densis heic crescet sentibus horrens
 Carduus, aut tygris catulos heic aspera ponet.
 Rupes o! felix rupes Bethlaea, tepentes
 Has lacrymas, hos & gemitus extrema doloris
 Signa mei cape, quaeque tuis nunc oscula faxis

In.

Infigo, mihi nulla gregis cura: ite capellae,
 Ite agni; pecus omne licet sit praeda luporum;
 Barbarus haec fata culta habeat, manuumque laborem,
 Nil moror: at sanctae rupis stet gloria semper,
 Semper honos stabuli. rapiat ferus omnia praedo,
 Heic ego felicem possim traducere vitam;
 Hoc precor, hoc unum puer o concede precanti.

Quid loquor ah demens? alias captivus in oras
 Abripiar: linquenda domus, qua vagiit Infans
 Dius, & agresti cubuit male fultus arista.
 Huc mea spes recidit? precibus nec flecteris ullis
 Alme puer: tibi vota quidem, tibi munera suplex
 Saepe tuli, puro colui te pectore semper.
 Heic mihi vicino crescunt canentia in horto
 Lilia, sunt casiae, sunt auricomi narcissi,
 Et lauri & myrti, quas, quum caper improbus ore
 Jam laesurus erat, poenas mihi sanguine solvit.
 Haec servo tibi dona, hinc fecta halantia nectam;
 Tu tantum ne sperne preces: hoc vivere in antro
 Da, precor; aut obstant si votis aspera fata,
 Heic saltem liceat letho finire dolorem.
 Ipse quidem moriar laetus, defessaque claudam
 Lumina, ubi primum vitales aetheris auras
 Tu puer hausisti casta demissus ab alvo.
 Jamque necem cupio: extincti miserebitur hostis,
 Et tumulo nostrae causam necis addet. Alexis
 Heic recubat pastor, qui letho amittere vitam
 Maluit, hoc absens quam longum vivere ab antro.

IDYLLIUM III.

EX MOSCHO LATINE VERSUM.

EUROPA.

D Ulce olim Europae visum dea candida Cypri
 Immisit, noctis quum pars extrema rubentem
 Jam vocat auroram, jam nectare dulcior hyblae
 Affusus per membra sopor tegit almus ocellos,
 Veraque noctivagis pascuntur somnia formis.
 Nam thalamis recubat dum tecti parte sub alta
 Filia Phoenicis tum virgo Europa, videbat
 Terrarum geminas pro se contendere partes,
 Asidaqua, Oppositamque. os virginis utraque habebat;
 Una peregrinae similis tamen, altera formae
 Indigenae, natamque suam sibi jure petebat
 Haec potiore; a se genitam memorabat, & annis
 Nutritam a teneris. at fortior illa volentem
 Hinc validis atque hinc manibus complexa trahebat;
 Scilicet Europen, fatorum lege suprema,
 Ab jove promissam dicens, sibi munus ut esset.

Virgo metu perculsa extemplo profilit alto
 E thalamo; veras ut res nam somnia vidit:
 Tum trepidans, tum muta diu consedit, utramque

Et

Et faciem vigilans praesenti in imagine cernit.
 Ut vero attonitae longo post tempore cessit
 Ille stupor, virgo sic fata: quis o! mihi divum
 Obtulit haec visa? aut quatenam haec me somnia terrent
 Suaviter irriguo perfusam membra sopore?
 Quae fuit, in somnis quam vidi, illa hospita? quam cor
 Perculit eius amor? quanto suscepit & ipsa
 Me studio, & blandis ceu gnatam adspexit ocellis?
 O mihi iam faciles bene vertant somnia divi!

Sic ait; & socias surgens compellat amatas
 Unanimes, aetate pares, & sanguine claras;
 Cum quibus illa jocos semper miscebat, iniret
 Seu choreas, puro ablueret seu corpus Anauro,
 Candida odoratis legeret seu lilia campis.

Convenere citae: stant florigeri calathifci
 In manibus, celerique petunt pede roscida prata,
 Prata mari vicina, simul quae semper adibant
 Et roseo foetu captae & resonantibus undis.

In medis calathum incedens Europa ferebat
 Aureolum, visu mirum, Vulcani opus ingens;
 Quem Lybiae dederat, petiit quum nympa cubile
 Neptuni; illa dedit formosae Telephaëssae,
 Sanguine quae fuerat sibi iuncta; haec munus habendum
 Praebuit Europae genitrix gnatae. inclyta in illo
 Gesta faber varia caelarat daedalus arte.

Auro namque inerat sibi nondum reddita, nondum

Cor-

Corpore mutato, sed adhuc bos Inachis Io,
 Percita adhuc oestro, tendens per caerula gressus
 Assimilis nanti: liquidis color additus undis
 Caeruleus. gemini juvenes stant desuper ora
 Litoris in summa; vultuque immotus uterque
 Miratur per falsa bovem maris aequora euntem,
 Jupiter heic inerat mulcens humentia colla
 Aequoreae vitulae; cui mox sua cornua dēpōst
 Propter aquam, propter septemplex ostia Nili
 Virgineam reddens converso corpore formam.
 Concolor argento Nili liquor ibat, athena
 Bos erat, ex rutilo fulgebat Jupiter auro.
 Circum autem, summa calathi sub parte rotundi,
 Ipse videbatur Maja generatus, & illi
 Proximus Argus erat centeno lumine clarus.
 Cujus purpureo volucris de sanguine nata
 Plaudēbat pennarum hilari gavisā colore,
 Expandensque decus caudae, ceu carbasa picta,
 Aureoli extremum calathi circumdabat orbem.
 Tale opus, ac tali se munere laeta gerebat.

At nymphae postquam venere ad florea prata,
 Captae aliis aliae gaudebant floribus; ungui
 Narcissum haec tenero mollem legit; illa hyacinthum.
 Haec violam, aut halans serpyllum; lapsaeque passim
 Et folia & frondes verna tellure jacebant.
 Nec minus errantes aliae decerpere flavum

In-

Instabant in ferra crocum : media ipsa legebat
 Puniceam Regina rosam , formosior una
 Tanto aliis , quanto Charisin Venus aurea praeferat .

Sed neque erat florum studio , neque virginis illa
 Nomine laeta diu mansura . ut vidit ab axe
 Namque deum genitor nympham , penetrabile telum
 Sensit acydaliae veneris , quae sola vel ipsum
 Vincere sueta Jovem , magno succendit amore .
 Ille quidem effugere & rabiem Junonis iniquae ,
 Fallere & incautae cupiens cor molle puellae ,
 Occuluit numen , mutato & corpore sese
 Induit in taurum ; non ad praesepia qualis
 Pascitur , aut curvo terram proscindit aratro ;
 Non qualis ludit pecora inter agrestia campo
 Luxurians ; nec qualis item , stridentia multo
 Edomita cervice trahit qui pondere plaustra .
 Corpore flavus erat toto , sed candidus alte
 Fronte bovis media splendebat circulus : olli
 Glauci oculi , & blando fulgebant igne corusci ;
 Tum paria hinc atque hinc surgebant cornua celso
 E capite ; haud aliter quam quum nova cynthia caelo
 Invehitur , curvaque nitet nondum integra fronte .

Iamque aderat : veniens pavidas non ille puellas
 Terruit adspectu ; sed cunctae accedere gaudent ,
 Sed placidum manibus taurum contingere , vernum
 Cujus odor dius prati superabat odorem .

Eu-

Europae stetit ante pedes, collumque superne
 Lambebat mulcens: pariter formosa puella
 Contingitque ipsum, niveasque abstergit ab ore
 Laeta suis manibus spumas atque oscula figit.
 Mugit haec inter bos lene: audire putares,
 Mygdonia argutam fundit quam tibia, vocem;
 Molliaque inflexit crurum curvamina, & herba
 Procidit in viridi nympham cervice reflexa
 Adspiciens, praebensque adstanti grandia terga.

Tum virgo tali voce est affata sodales:
 Dilectae o sociae properate; insidere tauro
 Hoc juvet: ille quidem dorsum jam stravit, & omnes
 Ceu ratis excipiet. visu est quam lenis, & ore
 Blandus hic! haud aliis similis: mens insidet illi,
 Mens hominum facilis, solius & indiga vocis.

Dixerat, ac ridens tergo confedit in alto:
 Dumque aliae accingunt sese, jam virgine amata
 Exiit rapta taurus, gressuque volucris
 Se freta proripuit citus ad neptunia. at illa
 Desertas moesta conclamat voca sodales,
 Brachiaque incastum tendit; non ulla sequendo
 Cursum aequare valet. namque ocyor ille relinquens
 Litora, ceu rapidus delphin, maria alta secabat.
 Grandibus at phocis invecdae gurgite ab imo
 Nereides venere omnes, atque agmine pulcro
 Implicuere choros; summas perlabitur undas.

Ne-

Neptunus pater ipse rotis, magnoque tridente
 Sternit iter fratri. circum glomerantur in orbem
 Humida gens ponti Tritones, laetaque conchis
 Carmina raucifonis laetosque canunt hymenaeos.

Nympha jovis magni taurino in corpore fidens
 Hac tenet incurvum cornu bovis, aurea at illa
 Daedaleae collecta manu velamina vestis;
 Ima tamen spumat canenti simbria fluctu.
 Ast humeros circum vestis sinuosa tumebat,
 Ceu navis quum vela tument, nymphamque levabat.
 Quae postquam patria longe a tellure recessit,
 Nec jam usquam apparet litus, nec culmina celsa
 Vertice frondifero; caelum undique & undique fluctus
 Se circum ut vidit, tales dedit ore loquelas:

Quo divine vehis bos raptam? quisnam es? & o qua
 Arte viam carpis, gravibusque insistere ponto
 Haud horres pedibus? maris unda est pervia pandis
 Navibus, horrescunt fortes vaga caerula tauri.
 Heic tibi qui potus dulcis, quae pabula in undis?
 An deus es? superos at cur quod dedecet, ultro
 Ipse facis? lucis nec delphin curvus in altis,
 Sylvicolae nec tauri errant in gurgite; at ipse
 Per terramque ruis pelagusque: dat ungula remos.
 Fors etiam volucris sublimis in aera nifu
 Effugies, summumque petes novus ales olympum.
 Me miseram! longe patris quae sede relicta

K

Haud

Haud ullas timui insidias, taurumque sequuta
Sola per undifonos temere vagor avia tractus.
Tu facilis Neptune, maris cui tradita cura est,
Adsis o! propiusque iuves: da visere tandem
Te comitem cursusque ducem. sine numine divum
Non ego monstriferas ponti feror acta per undas.

Sic illa; at contra taurus sic corniger infit:
Sume animos, Virgo, pelagi nihil unda nocebit.
Namque ego sum, quamvis videar bos esse tuenti,
Jupiter: in quodcumque volo, me vertere possum.
Nunc adeo tuus altus amor pulcherrima tauro
Assimilem, longum fecit metirier aequor.
Te Creta incolumem capiet, quae me quoque parvum
Nutriit; ipsa illic mecum iungere hymenaeo,
Magnanimosque dabis gnatos, qui ditia regna
Sceptriferi in cunctis magna ditione tenebunt.

Haec fatus, fecit rata dicta: apparuit undis
Creta; aliam in formam se Jupiter induit, & jam
Connubium celebrat, circum famulantibus Horis;
Illaque virgo prius, magni tum sponsa Tonantis
Progeniem dedit & gavisa est nomine matris.




IDYLLIUM IV.

EX GRAECO BIONIS SMYRNAEI

Idyll. 1.

PARODIA IN MORTE ALEXIS.



Occidit heu pulcher ; pulcrum lugemus Alexin :
 Occidit heu ! mecum lugent & Alexin Amores .
 Ne recubes jam purpureo sub tegmine Phylli ,
 At surgens atrata sinus , percussaue palmis
 Pectora , dic periit , periit dic pulcher Alexis .

Occidit heu ! mecum lugent & Alexin Amores :
 Taygeti misere jacet ille in collibus album
 Saucius albenti femur apro , angitque parentem
 Phyllida vix spirans . ater per membra volutus
 It nivea heu sanguis , languentia lumina torpent ,
 Atque rosae fugiunt labris ; simul oscula blanda
 Dispereunt , quae non mater miseranda relinquet :
 Cara vel extincti matri sunt oscula ; at ille
 Oscula quod figat morienti plurima , nescit .

Occidit heu : mecum lugent & Alexin Amores .
 Dirum vulnus habet , dirum formosus Alexis ;
 Majus corde tamen vulnus fert mater in imo .
 Circa illum complentque canes ululatibus auras ,

Et nymphae lacrymantur Oreades : ipsaque Phyllis ,
 Sparſa comas , ſolis moerens in ſaltibus errat ,
 Moerens , nuda pedem ; ſua quo veſtigia vertit ,
 Et laniant ſentes , materno & ſanguine rorant .
 Ipſa tamen fertur per longas anxia valles ,
 Dilectumque iterat nomen , puerumque requirit .
 Illius interea ſaliens e vulnere ſanguis
 Ibat , & undanti rivo foedabat honeſtum
 Pectus , foedabatque ſinum ; rubet ilia tabo .

Heu miſeram heu teneri plorant & Phyllida Amores :
 Illa ſimul puerum amiſit , ſimul oris honorem ;
 Pulcra fuit Phyllis , pulcher dum vixit Alexis ,
 Forma abiit matri , ſimul ac puer occidit . heu heu
 Et fluvii jam Phylli tuum ſient aurea luſtum ,
 Et fontes o Alexi gemunt te in collibus altis .
 En flores luſtu rubuere , en anxia mater
 Triftibus implevit colleſque urbemque querelis .

Ah miſera ah Phylli ; periit formoſus Alexis :
 Reddidit atque Echo , periit formoſus Alexis :
 Quis dirum matris caſum non lugeat ? heu ! heu !
 Ut vulnus crudele parens , ut vidit Alexin ,
 Purpureum ut vidit circum latera ima cruorem ,
 Brachia protendens flendo dicebat : Alexi ,
 O mane , Alexi , ut te ſupremum perdita viſam ,
 Ut te complectarque , labris jungamque labella .
 Tum ſi quis cedente anima ſuper halitus errat ,

Oſcu-

Oscula ne tantum invidas suprema , fugacem
 Ore legam cupido , luctumque explere juvabit .
 Saltem haec , tu quoniam me jam fugis , oscula mecum
 Servabo , extremum hoc munus morientis habebō .
 Ah procul hinc dilecte fugis ; regemque tremendum ,
 Taenariosque petis manes . ego perdita³ vivam ,
 Fas matri nondum tecum descendere ad orcum .
 Tu puerum tu diva mecum Proserpina natum
 Accipe , tu potior : formosum est quidquid ubique ,
 In tua jura fluit . me me crudelia flentem
 Fata premunt ; nostro tu contra es laeta dolore .
 Sic moreris , mea cura ? simul jucunda voluptas
 Ceu sopor in tenuēs fugiens evanuit auras :
 Orba tua est genitrix : tecum spes irrita cessit ,
 Atque domus cessit columen . malefane quid apros
 Venabare , feras cur tam formosus adibas ?
 Sic flebat Phyllis ; flebant cum Phyllide Amores .

Ah misera ah Phylli ; periit formosus Alexis :
 Illa tot effudit lacrymas , quot fudit Alexis
 Sanguinis exspirans guttas ; fletusque cruorque
 In varios abeunt flores , tellure recepti :
 Lilia sunt fletu prognata , cruore Amaranthus .

Occidit heu pulcher ; pulcrum lugemus Alexin .
 In sylvis natum genitrix ne perdita plores ;
 Heic torus , heic illi thalamus bene cultus , Alexis
 Heic cubet : extinctus quamvis , est pulcher Alexis ,

Exa-

Exanimis certe est pulcher, potiusque sopore,
 Quam domitum letho dicas. nunc mollibus illum
 Pone, suis cubet ut in vestibus, in quibus olim
 Assuevit sacros per noctem carpere somnos:
 Serta inter floresque illum nunc pone; sed una
 Cum puero extincto florum est extincta venustas.
 Circum & odoratis irrorata unguenta alabastris
 Perfundens: sed non bene olent jam balsama, Alexis
 Quum periit, quum fugit odor tuus optime Alexi.

Mollis puniceo jacet en velamine textus
 Ah dolor, & puerum pueri lacrymantur Amores:
 Detonsique comas, invisa hic spicula spargit,
 Ille arcum iratus pedibus premit, ille pharetram
 Pennigeram frangit; pulcros parat ille cothurnos
 Solvere ab extincti fura; gerit iste lebetes
 Auratos, vulnusque lavat frigentis apertum
 Rore superfuso, atque alis permulcet Alexin.

Ipsam omnes plorant ipsam quoque Phyllida Amores,
 Extinxitque faces Hymen, serta omnia rupit
 In foribus, puero quae forte parabat; & heu heu
 Carmen triste sonat, non Hymen o Hymenaeae;
 Heu heu propter Alexin adhuc magis, heu hymenaeum.

Phyllidis heu natum Charites flet; pulcher Alexis
 Et periit, dicunt alterna voce querentes,
 Alta voce magis dicunt, quam Phyllis & ipsa.
 Parcae etiam pulcrum Parcae lacrymantur Alexin,

Et

Et revocant cantu, sed jam nequit ille vocantes,
 Non audire velit; retinet Proserpina caprum.
 Ergo modum lacrymis Phylli nunc pone; relictis
 Nam choreis epulisque alio plorabis & anno.

F I N I S .



BIBLIOTECA NAZIONALE
 ROMA
 VITTORIO EMANUELE

MAR 2016

Typogr. errores sic Corrige.

Pag. 13.	v. 25.	inter	inter
pag. 23.	v. 4.	contedere ,	contendere ,
pag. 26.	n. 2	po-us ,	potius ,
pag. 61.	v. 9.	dijecta	disjecta
pag. 61.	v. 10.	compagibus	compagibus
pag. 75.	v. 9.	paragrato	peragrato
pag. 111.	v. 2.	purpureis ;	purpureis .

Si quo in loco littera ulla geminata male , ut in verbo *Eno* , vel *Enato* , aut male adspirata , ut in voce *Telegonus* , nescio quo pacto irrepserit , facile ignoscas Lector , ac tute corrigas , oro .

